

# 中國革命名人傳第一集目錄

陳肇英先生傳	中央執行委員	一
蔣作賓先生傳	戰地政務委員會主席	三
方鼎英先生傳	國民革命軍第四十六軍軍長	七
金漢鼎先生傳	第一集團第三十一軍軍長	九
夏斗寅先生傳	第一集團第三十七軍軍長	一一
蔣鼎文先生傳	第一集團第一軍副軍長	一四
劉郁芬先生傳	甘肅省政府主席	一五
劉紀文先生傳	總司令部軍需處長	一七
楊勝治先生傳	第一集團第十軍軍長	一九

任應岐先生傳	第一集團第十二軍軍長	二二
顧炳勳先生傳	第二集團第二十軍軍長	二五
魏益三先生傳	第四集團第三十軍軍長	二七
阮玄武先生傳	第二集團第三十四軍軍長	二九
豐玉璽先生傳	第三集團第六軍司令官	三〇
馬駿先生傳	山西建設廳長	三三
何成溶先生傳	中央軍事委員會委員	三六
鄭毓秀女士傳	國民政府駐法代表	四〇
熊式輝先生傳	第一集團第十三軍副軍長兼總司令部參議	四一
江映樞先生傳	第三十八軍右翼總指揮	四二
張華輔先生傳	國民政府軍事委員會參謀廳長	四三
韓占元先生傳	第二集團第一軍軍長	四五
李明芳先生傳	第一集團第十七軍副軍長	四八

下柏齡先生傳	長江要隘司令	五二
榮甲三先生傳	北方軍官學校校長兼太原衛戍司令	五七
馬鶴天先生傳	甘肅省政府委員兼教育廳長	五八
舒宗鑒先生傳	海軍艦隊副司令	六一
岳相如先生傳	第一集團第三十三軍第三師長	六二
伍毓瑞先生傳	江西省政府委員兼南昌市長	六五
徐庭瑤先生傳	第一集團第一軍第二師師長	六七
王若周先生傳	獨立第六師師長	六八
楊士元先生傳	第三集團軍左翼指揮官	六九
涂思宗先生傳	第一集團第九軍第三師師長	七一
袁德性先生傳	河南開封戒嚴司令	七四
戴岳先生傳	韶州衛戍司令	七九
李生達先生傳	第三集團晉北鎮守使兼十五師師長	八〇

萬選才先生傳	第二集團第一軍軍長	八二
李服膺先生傳	第三集團第七軍右翼副指揮	八四
高桂滋先生傳	國民政府軍事委員會委員兼四十七軍軍長	八五
李紀才先生傳	第二集團第十九軍軍長	八七
田雄飛先生傳	陝西省政府委員兼建設廳長	九〇
余仲麒先生傳	鎮江戒嚴司令	九三
張森先生傳	第二十七軍第六十六師師長	九五
潘文治先生傳	廣東虎門要塞司令	九七
郝夢齡先生傳	第四集團第三十軍副軍長	九九
萬耀煌先生傳	第一集團第二十七軍第六十五師師長	一〇〇
孫長勝先生傳	第三集團第八軍前敵指揮	一〇二
劉春榮先生傳	獨立第八師師長	一〇三
曾述孔先生傳	獨立第十三師師長	一〇五

傅丹墀先生傳	十一路第四十二軍九十四師師長	一〇七
范慶煦先生傳	魯西行政長	一〇九
王日新先生傳	十一路三十四軍八十八師師長	一一三
高樹勳先生傳	第二集團十四軍十二師師長	一一六
吉鴻昌先生傳	第二集團第三軍十九師長	一二七
陳克遜先生傳	第一集團第十軍二十九師師長	一二〇
周西成先生傳	貴州省政府主席	一二二
賴偉英先生傳	中央陸軍軍官學校籌備委員	一二四
袁英先生傳	暫編第二軍軍長	一二六
許克祥先生傳	第三獨立師師長	一二八
陳希豪先生傳	浙江省黨部委員	一二〇
聞捷先生傳	第四集團三十軍第一師師長	一二三
鄭重先生傳	第十九軍第三師師長	一二五

李朝芳先生傳第七軍第二師師長·····	一三八
李世榮先生傳第一集團第十軍參謀長·····	一三九
周朝武先生傳第十四軍第二師師長·····	一四〇
管紹齊先生傳第十軍駐京辦事處長·····	一四二
楊承訓先生傳京漢鐵路管理局長·····	一四三
韋雲淞先生傳第七軍第六師長·····	一四五
何 宣先生傳第十二軍第二師師長·····	一四六
周志羣先生傳第三十一軍第二十九師師長·····	一四七
李肖庭先生傳第十二軍副軍長·····	一四八
申鴻昇先生傳第十二軍駐京辦事處長·····	一四九
梁冠英先生傳第二集團第三軍第二師師長·····	一五一

# 中國革命名人傳

(第一集)

## 陳肇英傳

陳肇英字雄夫。浙之浦江人。生而穎異。少從塾師讀。能日記數千言。及學爲文。敏妙無匹。尤多奇警之作。宿儒皆驚異之。清廷廢科舉。乃入日文學校。金衢嚴處四府公學會蔣將軍尊簋奉令練新軍。設弁目學校。兩浙有志之士赴考者達萬餘人。君列前選。既卒業。充排長。年纔弱冠耳。許少將耀見而笑之曰。此子乳臭猶未乾也。乃叩之。應答如流。及訓練士卒。甘苦與共。未及三月。精警勇猛。不啻百練之師。凡會操必冠全軍。獲重賞。許耀大奇之。蔣尊簋尤急稱焉。辛亥起義。君方爲隊官。駐甬江。與省中諸同志。遙圖響應。嗣朱瑞率浙師北伐。任君爲參謀。復任爲臨淮兵站部長。未幾。清帝退位。浙軍退駐江寧。其時友軍龐雜。忽有大股亂兵。深夜焚劫。君正任軍官團團長。急起而弭平之。朱瑞嘉其智勇。回浙後。俾任軍部副官兼副官長。旋調任中校營長。駐報國寺。報國寺者。軍械儲藏所。操全軍

之命脉者也。袁世凱盜國。浙當局上勸進表。君憤然曰。是從逆也。其奚可哉。因勸朱瑞仗義討袁。言之再三。不聽。乃退與兩浙革命鉅子密謀起義。以報國寺爲大本營。及浙局大定。咸推首功。而君不自居也。君先入光復會。繼入國民黨。家無私蓄。同志有貧困者。輒解囊以助之。孫總理護法廣州。君已擢升團長。任甯波戒嚴司令。陰謂同志曰。光明哉。護法之旗也。詎意浙督楊善德。令童保暄出師擾西南。君隸童部下。箭在弦上。不得不發。遂隨童入閩。大小數十戰。所向無敵。然嘗嘻噓歎息。罔有歡容。人皆疑之。而不知其違心作戰。心中固抱莫大苦痛也。初呂將軍公望素奇君英才。恆折節友之。勸君護法。歎曰。是吾志也。從之。是時護法政府所恃爲長城者。陳炯明之援閩軍耳。然困守於三河壩。不能進展一步。潮州危急。汕頭動搖。廣州一日數驚。君南來。僉以爲飛將軍從天而下也。旋除師長。晉中將。授勳位。無何。陳炯明怏怏懷異志。君大憤。舉兵擊之。不克。迨十一年秋。炯明益跋扈。欲加害於大元帥。致總理蒙難黃埔。君隨侍左右。設備警衛。衣不解帶者七日。復與楊虎攻江門。激戰兩晝夜。接濟既絕。圖退澳門。逆軍鉅砲齊發。彈不及身者以寸。乃折回白鵝潭。總理無恙。君亦免於難。然而險矣。陳炯明既被逐。蔣校長中正召君至粵。任虎門要



塞司令共產黨數說之曰。任何要職。惟君是擇耳。奈何不早自爲計乎。卒不爲動。十五年三月十九日。共產黨李之龍佔中山艦。自由駛運。圖謀不軌。人民恐怖萬狀。明日。君奪中山艦。縛李之龍以歸。人心乃大定。自是共產黨之入骨。以一五三二爲彼黨紀念日之一。誓必報復之。當第二屆全國代表大會。君被選爲中央執行委員。迨清共後。始出席焉。記者嘗從陳委員遊。知君有不可及者六事。親孝。事兄敬。一也。信仰主義。始終不變。二也。盤根錯節。百折不撓。三也。善善從長。惡惡從短。四也。感恩知己。無在或忘。五也。輕財仗義。廉潔可風。六也。當平居無事時。恆閉戶誦讀。至深夜不倦。間或賦詩以見志。恂恂有儒者風。及一日置身戰場。則躬冒矢石。辟易萬夫。直古之所謂猛士矣。獨在廣州反共。共產黨固受其打擊。君亦受其中傷。雖然。君年不過四十。其建功於黨國也。豈可量哉。

## 口蔣作賓傳

蔣作賓。字雨岩。湖北麻城人。秉性剛毅。思想尤超邁。幼年篤學。有大志。甫十二。偶閱多爾袞致史可法書。始知滿清以異族竊政。憤懣不可抑。益自刻勵。慨然有澄清之志。家貧。貧

且耕且讀。當其時科第未廢。年十五。一試而補博士弟子員。非其志也。戊戌以降。清政日漓。君內蘊異族侵凌之痛。深知欲圖改革。非整軍經武。無以挽救淪胥。迺赴日本習陸軍。留東之日。糾集同志。高唱排滿革命。尊孫中山先生爲先導。適孫先生於此際東渡。遂商同組織同盟會。並聯絡各小組。爲潛赴內地工作之準備。復撰革命文字。寄各界。藉廣宣傳。清室見革命勢力。瀰漫滋懼。議編練新軍以防制之。君等因乘機利用。爲暗施革命運動之計。先入軍校爲教授。繼入軍部任要職。遇事機警。深得長官倚任。乃潛謀去清廷頑舊之爪牙。易以革新人物。預計三年內。布置完善。可將數十年來擾亂國家之各軍閥。淘汰淨盡。一俟黨人握有軍權。傾覆滿清。當易如反掌。不難爲有秩序之革命矣。不意大計施行未久。武昌突然舉義。君聞之。喜懼交集。既喜吾黨勢力。足以推翻清室。復懼吾黨根本計畫未立。遽爾發動。恐成流產。當是時。人心思漢。勢若燎原。雖欲稍緩而不可得。於是決然約集同志。分道進行。以促早成。偕吳祿貞往灤州。約張紹曾進兵北京。先謀首都革命。詎張氏游移。謀洩不果。因馳赴武昌。商議攻守。旋又以徵調援軍至九江。入參贊軍帷。未幾南京政府成立。任君爲陸軍次長。主張三點政策。卽以南京武漢北京爲三點。爲

革命重要之地。若三點鞏固。革命可望成功。故就職後。即創立軍官學校。以培育人材。復新練第八師。以樹鞏固南京一點之基。武漢一點。迭電商黎元洪。就起義各軍整理之。無何政府北遷。君洞悉袁世凱無誠意。堅不欲往。而孫黃唐諸公。僉以民黨勢力。宜謀北漸。北京一點。焉可漠視。力促之行。始往任事。不幸癸丑之役。袁氏知吾黨勢力未固。先發制人。甯漢既已崩潰。北京亦無能爲矣。袁見民黨瓦解。人莫予侮。叛國稱尊。肆無忌憚。君爲袁逆所忌。遁處西山。袁死黎繼。任君爲參謀次長。時段祺瑞當國。與黎意以齟齬。君力任調和。卒以段氏剛愎。藉督軍團之力。以逐黎。復違法解散國會。致釀張勳復辟之禍。君見國家綱紀破壞。北方已無可爲。非南下護法。不足以謀挽救。武漢爲南北樞紐。有事中原。必先據此。時握重兵。擁武漢財富。爲南北梗者。爲湖北督軍王占元。苟王氏不去。事無可爲。君被推爲湖北省總監。入湘聯湘軍。以驅之王。雖被逐。而吳佩孚乘機侵入。武漢重鎮。復墮軍閥之手。吳既竊踞。欲假手腕。籠絡羣衆。君燭其奸。舉其罪。揭示天下。共同伸討。吳之譽聲。雖由是而墜。其勢力仍不能因此而減。君遂南走粵。商籌北伐大計。隨總理至桂林。任幕僚處長。復至韶關策劃攻贛。前方正獲勝利。而陳炯明勾吳謀叛。搆亂後方。總理

倉卒避亂。至黃埔軍艦。君冒險突圍。以相追隨。復奉命聯絡各方。協謀以清反側。斯時也。吳以陳軍叛變。阻撓北伐之師。益妄自尊大。爲所欲爲。以武力橫行國內。而民更不堪命矣。君深以此療不去。大難未已。乃四方奔走。百計經營。聯川。聯湘。聯浙。聯奉。共謀討伐。吳倒矣。而張作霖野心背盟。乘機崛起。吳又從而連合之。其勢甚張。君又走豫走贛。謀所以剷除之。此際北伐。刻不容緩。君更至粵。促其急進。國府任君爲湖北宣撫使。先至長沙。謀分敵勢。爾時敵我相持於武昌南昌兩地。勢頗岌岌。奉軍舉足重輕。孫吳張分則易圖。合則難制。君復奉國府密令。冒暑遄征。潛赴奉天。說以利害。曉以大義。卒達各個分離之計。君山奉返鄂。值共黨猖獗之勢已成。輕躁少年。肆口叫囂。莫可理喻。君知兩湖大難將至。民黨危如累卵。非分共清黨。不足以拯危亡。遂急走南昌。謀下游之發展。安徽既經結合。故可順流而下。然安徽爲共黨巢穴。君主政其間。醜類斂迹。閭閻不驚。武漢雖現金集中。而皖省金融。仍井然不紊。共黨卒受下游之制。踟躕一隅。而莫得逞。乃君之力也。厥後寧漢合作。君仍任中樞各委員。現任戰地政務委員會主席。如蔣君者。洵我國民革命之先聲也。

## 方鼎英傳

方鼎英。字伯雄。湖南新化人。三歲喪父母。龔氏教養有方。及長。體魁梧。有奇氣。性倜儻。不拘小節。幼就外傳。文章豪縱。師友咸器重之。年十二。肄業於湖南明德學堂。轉入實業學堂。時趙爾巽撫湘。派遣學生留學日本。君年僅十五與焉。初畢業於振武學校。繼由聯隊入士官學校習砲兵科。在東日久。薰沐革命學說。與蔡松坡、曾鳳岡友善。相約以身許國。嗣入同盟會。籌畫革命甚力。歲辛亥。畢業歸國。潛赴北京。將有所圖。適武昌革命軍興。應同志約南下。曾鳳岡任岳陽鎮守府司令。任君爲參謀兼教練科長。民國元年。南北和議成。君赴北京。先後供職陸軍參謀兩部。於全國陸軍改革事宜。多所擘畫。袁氏所頒陸軍砲兵典範及教程諸書。都十餘種。多出君手。而尤以砲兵典範一書。爲君一手編訂。最稱精奧。民國六年。二次東渡。入日本陸軍砲工學校普通高等兩科。八年畢業。復入野戰砲兵射擊學校。再入帝國大學造兵科。旋因湘省趙恆惕湖南陸軍第一師師長宋鶴庚迭次電招。遂返國。被任爲第一師參謀長。十一年援鄂之役。任總指揮部總參謀長。敗孫傳

芳遂王占元。挫吳佩孚於武長線。汀泗橋之戰。已操勝算。時湘將領多主和議。而君與總指揮宋鶴庚獨主戰。力爭不得。遂致前功盡棄。十二年。湖南總司令譚延闓奉總理命。假道湘省北伐。湘拒弗納。君憤甚。乃組織部隊。編爲一軍。率往依譚。仍擁宋鶴庚爲軍長。宋先赴漢。任調人。由君代行軍長職權。既而粵局告急。北伐軍奉命靖難。君率部從譚入粵。任湘軍第一軍第一師師長。北江之役。君親冒鎗彈。身先士卒。奮勇搏鬥。屢頻於危。血戰五晝夜。大破敵軍於始興。粵局以安。蒙總理嘉慰。親授手機關槍以示優異。十三年。奉調東征。討伐陳炯明。林虎。洪兆麟。十四年春。君以病留廣州。所部從北伐軍入贛。既聞戰事失利。湘軍多退湘境。君力疾馳赴軍次。先是胡督理景翼電約圖鄂。驅除吳蕭。將率所部繞道湘西。聯合熊克武。蔡鉅猷部。斜出鄂西。夾擊武漢。卒爲唐生智所乘。隻身赴漢。是年夏。復赴粵。時蔣公中正長黃埔軍校。任君爲入伍生部部長。未幾。兼任教育長。十五年。蔣公任國民革命軍總司令。督師北伐。舉全校事悉委之於君。整理全校教育訓練管理事務。計畫周詳。並創建中山。中正。仲凱。三公園於黃埔。規模日大。全校員生士兵達二萬餘人。由其手畢業者亦逾萬人。日恆訓戒學生。獨有言論集都百萬言。泊十六年。君辭卸黃

地軍務。授任爲新編第十三軍軍長。進師湖南。討伐共黨。居生智。唐伯康。君素抱北伐志。適值廣州共黨作亂。回師討之。軍次北江。聞亂平。因請命中央。參加北伐。繞道贛浙至甯。中途奉中央軍事委員會令。改新編第十三軍爲四十六軍。君現年四十歲。爲人誠摯。謙抑。富於毅力。篤信三民主義。治軍嚴謹。有法度。黎明卽起。夜半始寢。治軍之餘。手不釋卷。習靜舞劍。日以爲恆。雖古名將。亦不是過。常謂「一臨拙母巧正心誠意」八字。爲立身根本。其生平得力處。殆亦在是也。

## 金漢鼎傳

金漢鼎。鐸九其字。雲南黎縣人。家世力農。太翁有奇行。以敦厚稱於鄉里。君幼卽失恃。與羣兒嬉。恆自指揮作戰陣。識者異之。長入陸軍武校肄業。性厚重。寡言笑。以故在校三年。鮮有知者。卒業後。充見習軍官。久無差委。嗣得人推引。始充少尉排長。不期月而成績斐然。辛亥光復。隨師進援川黔。因傷赴滬就醫。經友介紹。遂得識先總理及黃克強先生於海上。癸丑討袁軍起。總理以君忠實。可任命解款赴甯接濟。甫抵甯垣。值前方軍事失利。

原

書

缺



原

書

缺

李赴援不克。轉戰至湘南。與李所部合併。編爲鄂軍步兵團。官兵舉君爲團長。李去。以屬  
 趙恆惕。駐永興。餉糈無出。士氣不衰。連湘軍驅張敬堯。君要擊於易俗河。敵驚潰。首復長  
 沙。旋稱鄂軍司令。又數年。成鄂軍混成旅焉。君以客軍駐湘近十年。與各將領睦睦。於內  
 爭無所偏倚。惟以肅清盜匪爲務。省垣秩序緩急。重賴維持。故湘人士對於鄂軍。感情極  
 洽。前此君部所懸之目的。在援鄂。十年驅王之役。表面係湘軍而暗迎蔣作賓。孔庚。李書  
 城等赴湘。與粵方通聲氣。君實爲主動。及事起。君卽前驅。誓拚一戰。迭克堅城要隘。逼近  
 武昌。王占元遁。吳佩孚挾全力以壓湘。遂成吳趙媾和之局。垂成功敗。而海內亦始知有  
 夏斗寅矣。君自是惡吳逆益深。且知軍閥禍國。非大力掃除。迄無甯日。又知湘省之不肯  
 反吳。益傾向革命政府。先總理嘉其志。前後犒金萬餘元。君惟日事訓練。盼北伐之實行。  
 陰派代表駐粵。蕭耀南知君之爲人。及所部可用。徇省議會之請。編爲湖北第二混成旅。  
 君亦虛與委蛇。卒不回鄂。北伐機迫。趙恆惕去。唐生智抵長沙時。君與方本仁謀討吳未  
 成。吳遂逼唐。且嫉君。唐亦結君以相抗。激戰於平江。寶慶失守。唐議退攸醴。以待粵援。令  
 君隨師次瀏陽金剛頭內一都。受吳逆勾引。猝不聽命。情勢危迫。君遂去滬赴粵。吳軍及

及唐湘軍進至湘濱。君團長張勳率同衛隊突陣出走衡山。與唐軍合。君急赴衡。成鄂軍第一師。舊部漸集。北伐軍至。君攻克湘鄉益陽。趨出桃林。以逼鄂境。由嘉魚渡江。攻克漢陽。德安。應山等縣。時大軍趨重九江。上游慮金山。于學忠等部。尙數萬人。加以土匪蠭起。鄂西問題。甚爲棘手。舉責成於君。君由應山移師荊門。大敗敵於當陽長坂坡。追越遠安。敵狼狽走。復移防宜昌。勦匪至興山秭歸。十六年春。改獨立第十四師兼宜昌衛戍司令。蓋由鄂北以至鄂西。肅清鎮懾。皆君之力也。君在宜。一意安輯地方。共黨不得逞。因肆謠譏。以中傷之。川軍楊森所部尙衆。日謀反擢宜昌。以言紿武漢。當局深信無他。且予械彈。楊謀暴露。君深憤共黨之爲害也。急回沙市。召官佐會議。決策討共。潛師嘉魚。令張旅長森警戒湖南方面。萬旅長耀煌。余旅長式毅。猛襲武昌。進攻紙坊。敵大創。武漢震動。急調增援。終以突進爲慮。退崇陽。而共軍四至。且戰且走。由黃石港渡江。趨英山太湖。所過城鎮。熱烈歡迎。取著名共黨而殲之。一時稱快。是役也。雖一擊未中。然風行傳檄。許克祥奮臂於湘垣。鄂東各屬。羣起殺共。兇焰稍戢。保全實多。蔣總司令派員慰勞。升新編第十軍。旋移師東下。追擊孫逆。加入北伐。蚌埠徐州兩大戰事。君任正面。聲績交著。十七年春。改第

二十七軍。以軍長兼徐州戒嚴司令。君性利厚。而治軍尙嚴。忍辱負重。人所弗及。臨大難。決大疑。尤見剛斷。歷縮軍符。家內祇薄田數畝。可以見志。如夏君者。真廉潔勇敢之革命名人矣。

## ■ 蔣鼎文傳

蔣君鼎文。字銘三。浙江諸暨人也。自少讀書。卽有志民族革命。聞徐錫麟刺恩銘事。擊節稱快。辛亥武昌起義時。君在某中學求學。毅然輟業。投杭州學生軍。旋擢送講武堂。習步兵科三年。堂長童保暄極器重之。卒業後。任軍尉。覬知袁氏叛國。卽以真革命思想。灌輸部卒。民五之役。浙軍繼演軍而起。遂將軍朱瑞。全國響應。袁氏以亡。蓋是時君爲省城守備隊連長。由君發難。率全隊圍將軍署。攻逐之。尋段祺瑞當國。遣安福派楊善德督浙。君益憤。入粵。隨總理謀澈底革命。黃埔軍校創立。君任教官。爲蔣校長介石所倚重。自充教導團連長。以迄爲團長。其間撲滅陳逆。掃蕩楊劉。無役不與。無敵不克。尤以興甯之戰。君以一營之衆。當反革命軍林虎萬餘之強寇。肉搏棉湖。卒大敗之。君雖中彈左胸。流血

過。多。醫。師。診。斷。謂。恐。無。幸。而。君。則。笑。談。自。若。深。以。爲。黨。國。犧。牲。爲。榮。於。此。可。見。君。之。素。志。也。乃。大。任。將。寄。鉅。創。率。平。嗣。蔣。校。長。牌。命。北。伐。君。隨。之。轉。戰。湘。鄂。所。向。克。敵。遂。抵。南。昌。共。黨。禍。作。武。裝。同。志。大。受。毒。害。君。不。動。聲。色。率。部。由。浙。赴。甯。以。翊。衛。首。都。自。任。蔣。總。司。令。益。器。重。之。迨。蔣。公。下。野。之。頃。先。任。君。爲。浙。東。警。備。司。令。以。所。募。補。充。八。團。悉。俾。之。時。黨。國。雖。驟。失。重。心。而。大。江。以。南。安。如。磐。石。君。亦。與。有。力。焉。後。蔣。公。東。山。再。起。繼。續。北。伐。卽。調。任。一。軍。一。師。師。長。兩。月。之。內。淮。右。肅。清。蚌。埠。徐。州。以。次。克。復。戰。績。足。多。今。且。越。韓。莊。克。臨。城。直。趨。濟。南。總。部。復。任。君。以。一。師。師。長。兼。一。軍。副。軍。長。並。代。一。軍。軍。長。之。職。非。徒。獎。有。功。也。蓋。總。司。令。信。君。者。深。責。君。者。重。唾。手。燕。雲。完。成。統。一。君。之。願。國。之。光。同。志。將。拭。目。俟。之。

## 劉郁芬傳

今國民政府軍事委員會委員劉君郁芬字蘭江直隸清苑人也。幼英敏。有大志。其兄連璧。方以名諸生肆力於文學。君夷然弗屑也。迨肄業於姚村陸軍小學。刻意習英文。三年卒業。成績爲諸生最。升入保定速成學校。益攻苦不稍懈。所業大進。時清政不綱。國威屢

挫而列強更藉武力爲恫喝。以陰行其政治經濟文化之侵略政策。君扼腕焉。聞孫中山革命之大計。已由海外轉移於東南各省。則大喜。而又以北洋部伍。鉗制極嚴。無從響應。爲憾。畢業後。赴雲南。卽加入同盟會。充陸軍第十九鎮排長。旋擢隊官。雖著籍下僚。其交納賢豪。教誨士兵。一以救國救民爲職志。此君從事革命之始也。共和成立。請假北歸。供職北京陸軍軍士學校。民國三年。馮公煥章以京衛軍左翼第一旅旅長。奉令入陝。因改編第十六混成旅。注重幹部教育。知君學術。選任參謀官。此君追隨馮公之始也。厥後袁氏之稱帝。張勳之復辟。西南之護法。安福系之專政。擾攘紛爭。馮公獨以孤軍周旋於川湘蘇鄂燕豫之交。挽回大局。我行轉徙。恆苦飢疲。而紀律肅然。人民愛戴。至以模範軍名於世界。其平時之訓練。臨事之擊畫。蓋多得力於君焉。直奉戰役。馮公擊走趙倂。督軍河南。是時盜賊橫行。萑苻遍地。禁暴詰奸。以警務處爲最要。馮公特薦君爲處長。足知心腹之寄矣。曹錕貽選。全國譁然。吳佩孚獨以爲傀儡而擁護之。復與張作霖構釁。馮公被促出師古北口。毅然下令回京。改造政局。迎中山北上。共圖國是。君時任師長。實贊其謀。十五年春。中央以綏遠都統授君。未幾。馮公奉命督辦甘肅軍務。善後事宜。不克西行。以君

代理。率偏師直抵蘭州。甘軍師長李長清謀亂。君以計縛獻馮公。斬之。所部帖然。人始知君智略。泊馮公去國。南口戰事起。隴東鎮守使張某受吳佩孚密令。乘君援絕。大舉攻蘭垣。隴南鎮守使孔某復以兵助之。直逼城下。時君部不過三四千人。從容應戰。糜市不驚。未匝月而圍解。復分兵討之。時僅兼旬。全甘底定。至是南口退軍十餘萬人。始有迴翔之地。馮公過返五原。受旗誓師。接受國民黨之主義與政策。亦恃君爲右臂。此君之大右造於國民革命也。其後馮公率師恢復陝豫。以迄於今。數十萬大軍。屢屢資糧。賴君接濟。地居邊瘠。籌措之艱。非格墨所能詳述。上年國民政府任命君爲甘肅省政府主席。兼第七方面軍總指揮。措置井然。軍民和洽。且君於治軍之餘。尤注意地方建設及民生問題。其建設之新事業。如修路、開礦、創辦工廠及慈善各院。凡與民生有關者。靡不次第舉。裨益民衆。此亦可以覩君之才略矣。君性沉靜。好讀書。公暇臨鄭文公碑。得其神髓。遇索書者。輒援筆應之。尤有儒將風範。記者於此。深爲甘省人民慶治政之得人也。

## 口劉紀文傳

劉紀文。原名兆銘。廣東東莞縣人。賦性廉正。勇於任事。幼即富有革命思想。庚戌。廣州新軍發難之役。參與其事。事敗。偕新軍軍官徐家駒、鄧祝三及陸軍學生周演明等。出走澳門。旋赴香港。遂正式加入同盟會。辛亥三月廿九日。廣州黃花岡之役。君與鄭岸父、劉作忠、周演明、周少棠諸同志。曾在香山組織同盟會機關。以謀響應。雖屢瀕艱險。百折不撓。廣東光復。君實與有力焉。迨都督府成立。以其青年英俊。有功臣之志。特派赴日留學。以資深造。初入日本進志學校。卒業後。復入早稻田及法政大學。專攻政治經濟。自中華革命黨成立之初。君即在幹部隨總理孫中山先生及廖仲愷等。努力革命工作。粵軍回粵以後。歷任廣東金庫監理。廣州市審計處處長。陸軍部軍需司司長。大元帥府審計局局長。大本營駐江門辦事處軍需處處長等職。財政收支。絲毫不苟。遂爲總理所倚重。計自中華革命黨成立。以至民國十二年。無日不在總理左右。不特總理知之甚深。即同志亦無不知君之才且誠也。十二年。赴英國倫敦經濟大學及劍橋大學。研究歐洲戰後經濟狀況。饒有心得。後由廣東政府特派爲歐美市政攷察專員。就近至歐美各國首都及重要城鎮。悉心實地考察。十五年歸國。由國民政府特任爲廣東省政府委員兼農工廳廳長。



後因北伐戰事緊急。特赴前方工作。先後被任爲國民革命軍總司令行營軍需處處長。經理委員會主席。審計處長。及南京奠定。復被任爲南京特別市市長。南京市政之基礎。因以創立。南京特別市黨部成立。被選爲執行委員。君年將不惑。中饋尙虛。嘗以匈奴未滅。無以家爲自況。爲黨宣力。公而忘私。有足多者。來日方長。本此革命之精神。及其學識經驗。繼續努力。以謀國是。異日成就。當有涯涘。若君者。不特將來黨國之柱石。抑亦今日青年之模範也。

## 楊勝治傳

楊勝治。號國祥。現年三十三歲。貴州銅仁人。幼畢業於本省中學。清宣統元年。畢業於貴州常備軍第一標隨營學校。辛亥肄業於貴州陸軍講武學校。歷任貴州陸軍中下級等職。及護國護法兩役。君隨護國軍右翼總司令戴戡。黔軍總司令王文華。出師與北洋軍。閩。轉戰川湘。以勇敢善戰著稱。遞升至陸軍第九師第十八旅旅長。十五年奉國民政府命令。隨左翼軍前敵總指揮王天培北伐。任爲國民革命軍第十軍第二十九師師長。

是秋革命軍中路克岳州。窺武漢。慮金山。以五師之衆。盤踞鄂西。十軍由常澧公安進窺沙市。牽制之。中路軍遂得以全力攻下武漢。君任第二縱隊指揮。指揮念八念九兩師攻鄂西。迭克松滋。枝江。宜都。遂清上游南岸之敵。敵人憑恃天塹。扼江負嶠。君不避艱險。竟單騎潛入宜昌。見敵師長劉漢三。楊永清等。曉以主義。勸其反正。一面密令念八九兩師。趁夜由猓亭渡江。進搗宜昌。敵出不意。皆大震恐投誠。遂克宜昌。十六年春。奉令東下北伐。解合肥之圍。五月渡淮。連克懷遠。圻縣。逼敵於黃山頭夾溝一帶。敵恃天險。并築堅固工事。以鐵甲車兩列。阻我前進。君奉令率念九師教導三師。攻南宿州。以教導三師繞城西出敵後。截斷鐵道。敵以鐵甲車迎戰。念九師於鐵道往來掃射。死傷如積。君身先士卒。奮不顧身。殺敵之聲。震於天地。血戰一晝夜。敵遂潰走。初念九師三團一營。蛇行至鐵甲車傍。即躍入車中。以手榴彈手槍。擊斃逆軍及白俄兵無數。敵胆沮喪。引車退去。於是中路長驅而進。遂克宿縣。其士兵之勇敢。亦可見一斑也。次日敵退黃山頭。憑險拒守。激戰三晝夜。克之。敵退徐州。時三十師已下睢溪口。共進追北。克徐州。敵退韓莊。據運河。十軍奉令攻韓莊正面。君率念九師。由新開河強渡。激戰五小時。克之。繼領沙溝。敵退走臨城。

次日追擊。又克臨城。繼克滕縣。敵退界河。君之勇敢善戰。於此益彰。嗣因共黨竊亂。南湖各友軍奉令西征。遂軍以全部增援直魯。國軍後方僅十軍與三十三軍之第二師。獨力支擊。縮短防綫。退韓莊。與敵隔連河激戰三晝夜。君復率念九師由新開河強渡。敵集中火力。鳴炮如雷。飛彈如雨。悉力頑抗。卒被擊破陣地。敵敗潰。教導三師即進克臨城。君率念九師炮團宿營沙溝。夜十時。君正與各師團長籌策軍事。忽聞槍聲四起。漸逼營外。率衛出幕偵察。其他各部紛向韓莊潰退。君即嚴令本部砲團堅壁勿妄動。敵大部圍師部。數衝突。因陣地防固。敵不得逞。次日拂曉。君率念九師砲團出擊。激戰六小時。敵遂潰走。俘獲甚衆。是役君以鎮靜克敵數倍之衆。既固徐州之防。復保臨城之衆。關係大局厥功有足多者。次日進領臨城。逆軍仍以全力反攻。時各友軍西征事撤回。十軍寡不敵衆。數退至南宿。喘息未定。奉蔣總司令令反攻徐州。担任左翼。君鼓勵創痛之餘。復克蕭縣。逼徐州城下。旋奉令全師引退。遂渡淮集中合肥。國府命令既免前總指揮王天培職。乃任君代理十軍軍長。時孫軍渡江犯首都。并以兩師圍攻合肥。十軍經兩次攻徐。精力耗疲。餉彈竄竭。君以合肥有失。敵必出巢。縣攻蕪湖。首都將四面受敵。於是率念九師奮勇迎

敵經血戰四晝夜克之。旋奉令南渡。休養整頓十。七年元月十五日復奉令渡江加入北伐。三月一日君率部復次徐州。孫張逆軍皆攝於先聲。不戰而潰。君對人誠實。馭下極嚴。所部素注重政治軍事訓練。官兵皆深明黨義。故樂爲用。君每以完成北伐。貫徹三民主義自期。時勢英雄相得益顯。革命之功。端在賢才。當可拭目以觀其成也。

## 任應歧傳

任君應歧。字瑞周。河南魯山縣籍。先世有隱德。尋以清政失修。土匪充斥。避居於臨汝之大營鎮。而刻苦尤勵。故鄉人每以長者稱之。君生卽歧嶷虎背熊腰。不同凡兒。能句讀。既入學。不甘受束縛。而舉動中節。塾師咸驚異之。年十五六肄業於本縣高小學校。目睹新潮洶湧。而官紳不知禦。人民不知防。如處堂燕雀。上下相蒙。政治腐敗。達於極點。非革命不足以遂悲天憫人之志願。於是日與里中二三同志。講求革命工作。弱冠畢業。慨然爲行其志。投筆從戎。時猶在清季宣統初年。法網森嚴。幾瀕於危。而君不顧也。迨民國元年。共和告成。天下欣然。君亦解甲歸農。擬享自由幸福。無如革命尙未澈底。事事仍沿其舊。

官僚政客。依然混合攪雜於其間。致使素稱鮮明最著之革命巨子。一旦亦有因之而腐化者。黨國前途。岌岌危甚。君頗憂之。會有二次三次革命軍起。君遂效漢之李廣故事。自結鄉里健兒。射獵南山。角技東門。對於革命工作。固未嘗一日忘也。旋於民國八年奉孫大元帥密令。委爲北伐軍先遣隊總司令。君受命之下。力圖進行。故與樊總司令醒民協力合作。爲民解放。矢石不避。勇往直前。轉戰於直豫陝鄂四省之邊疆者三四年。十一年春。君鑒於時局。知毛羽不豐滿者。不可以高飛。實力不充足者。不可以倖存。特願就編爲豫軍第四支隊。歸樊總司令指揮。十二年仲夏。吳佩孚妒賢嫉能。欲以南征陷君。而不知縱虎歸山矣。君遂得由豫而鄂而贛而粵。一旅親率。主義穩抱。抵韶關時。適逢東江戰事緊急。陳逆炯明督隊攻粵。已至距東關五里許之簔箕村。斯時全省震動。逃避一空。革命發源地之傾覆。即在眉睫。先大元帥又苦於新創之後。無師可調。一聞豫軍飛至。急檄由韶南下。萬勿停留。君遂與樊總司令加入東江戰綫。一戰而敵退。石龍增城再戰而敵退。博羅惠州鞍甲未解。大功立奏。豫軍之名。頓噪全粵。大元帥獎以爲能。各友軍奉之若式。是蓋轉危爲安之功。有非尋常所可比擬者。東江戰事稍緩。樊總司令將本軍一四兩

旅調駐龍崗。抵禦陳逆反攻。二三兩旅調至省北之江村休息。時君係豫軍第二旅旅長。兼豫軍總指揮。以操勞過甚。驟得暈眩之症。擬返省垣就醫。不料仁化龍崗失利。警報迭來。君不敢自安。貽誤戎機。負疾立率二三兩旅。馳赴平湖增援。敵遂以却。未久北江戰事。又形緊張。君仍率二三兩旅。直沿粵漢鐵路一帶。分駐於源潭新街等處。獨力鎮懾風雲。始息。十三年商團囂張。暗通吳逆。購運軍火。大元帥以明令扣留。膽圖反抗。遂又將君調至西關。武裝維持。粵垣獲安。八月大元帥誓師韶關。決意北伐。任豫軍作前驅。君遂又與樊總司令。由粵北上。而贛而湘而鄂。十四年先後抵豫。是役也。師行數省。鋒刃數接。而贛屬遂川。尤爲斯行戰爭之最劇者。參謀長楚嚴以身殉焉。君至今言之。猶爲悼惜。嗣又加入豫西戰事。不十日而障礙盡除。豫西盪平。轉以豫南空虛。分防光黃。蒞境卽聞余勛子猖獗於南。湯榮光蹂躪於北。乃聲色不露。一舉匪空。其冬河南政變。君因應得宜。七邑無驚。會陸第十師師長。十五年移駐鄭州。兼充信鄭護路司令。適吳逆有固不悛。仍思圖其武力統一之迷夢。冀久作革命成功之阻力。並將陷豫民於萬劫不復之地。君不忍故鄉隳炭。單刀直入。因言吳逆之所以敢於抗拒者。恃有數十列車之軍火耳。不知革命久延。

則久疲。人民愈痛。則黨義兩害相值。非國之福。遂與部下軍官趙青山李肖庭劉震凡董清濂等。決意截其軍火。於是始有夏曆八月十二日漯河炸車之舉。吳軍因此一蹶不振。而我軍得以鞏固江防。至於今日者。君之力也。國民政府論功酬庸。特陞任君爲革命軍第十二軍軍長。而君內審兵力。外觀環境。兼籌並顧。十六年春始實行就職。整軍待發。尋又奉政府明令。東掃直魯軍閥之餘孽。南清武漢共匪之黨徒。君一本良心。不務矜張。對於防內各縣。與民更新。實行黨化。洵屬總理信徒。無忝革命干城。現又奉命北伐。會師濟南。則將來飲至策勳。知更有較著於前者。竊願濡墨以爲之俟焉。

## 龐炳勳傳

君字更陳。世居直隸新河。現年四十有三。幼習庭訓。弱冠從戎。足迹遍關東三省。因得結納舊同盟會。友孫岳。藍天蔚。商震等諸同志。辛亥之役。君以陸軍測量局科長。謀抗當道失敗。走京師。入將校研究所肄業。民國八年。應孫岳之召。歸十五旅服務。歷充參謀長營長團長。十三年國民軍起義。君以一團之衆。破曹士傑數倍之敵。戡定保陽。拱衛畿輔。厥

功殊偉。遂以勞績升授國民第三軍第二混成旅旅長。十四年四月隨孫岳勦匪豫西。六月陳師咸陽。十一月復回軍直北。與奉系戰於津南。往返數千里。奮鬥數十次。君無不身歷其境。踴躍爭先。所以戰局方終。政府即有天津鎮守使之命。蓋酬其功也。十五年二月。國軍受直奉合作影響。初退近畿。再退南口。君深知吳佩孚南顧多憂。不遑寧息。遂冒險作入虎穴探虎子之計。虛與吳部委蛇。乘機觀變。費數月之苦功。卒將吳部斬田諸人。連動成熟。約定八月十二日夜反吳倒奉。不料臨時田維勤反悔。機密盡洩。幸武昌正危。吳星夜南上。未暇顧及。君始得免。否則殆矣。八月藉口援漢。南至信陽。默察各方情勢。知武漢雖爲國軍所得。而反革命之田軍尙有衆三萬。盤據信陽。確山以北。且有吳部源源而來。兼之南昌孫逆。勢甚囂張。荆宜慮于逆軍。猶思蠢動。武漢之危。實無可諱言。乃不加思索。不計利害。毅然以一旅之衆。襲擊田部。激戰逾十二小時。雖以衆寡懸殊。死傷過半。然田部經此打擊。銳氣大挫。後之來者。更逗留中途。不敢前進。使吳有志難逞。武漢危而復安。影響大局。實非淺鮮。十月武漢政府任君爲暫編第五軍軍長。君即聯合靳部高師。及魏益三。任應岐。梁壽豐。各軍一致倒吳拒奉。苦心孤詣。卒能使奉軍徬徨鄭汴。不敢越雷。



池一步。十六年五月唐生智軍入豫。君任圍攻。遂平之役。事定。又以國軍放棄徐州。關海路緊。張星夜馳赴歸德。援救豫東。八月由馮總司令改編爲革命國民軍第二十軍軍長。兼東路軍副總司令。十月國民軍聯軍大舉東征。君部担任右翼。激戰數十日。奔馳千餘里。卒將頑敵擊破。名城克復。爲黨國努力。其功豈鮮眇哉。本年一月北渡黃河。在滑縣附近。解決孫殿英部千餘人。今駐湯陰。受命北伐。此爲君年來工作經過之大概情形也。

## 魏益三傳

魏益三字友仁。年四十二歲。直隸趙城縣人。賦性聰穎。少有大志。辛亥前由保定陸軍師範學校畢業。先後在南京等處担任軍事教官。嘗於教授課程時。隱示國民革命之義意。武漢光復後。潛入北方軍隊。集合同志。鼓吹革命。民國改元後。復入保定軍官學校。在第一師充任教官。旋入北京陸軍大學。以圖深造。六年夏張勳復辟。君義憤填胸。招集舊日學生士兵。擊破張勳住宅。勇往直前。可見一斑。陸大畢業後。仍在保定軍官學校充當教官。矢志誘掖後進。以期改良軍事。七年應奉天郭茂宸同志之聘。担任軍事重要工作。編

練精銳。待時大舉。至十四年。張作霖窮兵黷武。問鼎中原。君以時機已到。獻計於郭茂宸同志。遂在灤州誓師。反旆討奉。君任東北國民軍第五軍軍長兼砲兵司令。首率輕騎。突破奉軍數綫陣。圍榆關。天險竟得飛度。勢如破竹。節節勝利。及進克連山。奉令換防。坐鎮榆關。砲兵司令遂易鄒作華。其先頭部隊。攻至巨流河。因受日帝國之牽制。及鄒作華等之倒戈。遂使功敗垂成。假使君在前綫督師。決不至此。君於痛憤之餘。收集郭公舊部。被推爲國民第四軍軍長。重舉義旗。繼續奮鬥。奉張傾三省之兵力。竟不得越雷池一步。此時與馮總司令已通聲氣。李協和方勳松兩公。親赴榆關慰勞。終以餉彈兩絀。勢力懸殊。奉張又暗派奸人。誘惑奉籍軍官。君知不可久處。乃與唐之道換防。聞赴保定。整頓訓練。十五年秋。移師南下。屯兵信陽。後因奉軍窺豫。聯合在豫各軍。組織河南保衛軍。合力拒奉。公推君爲副總司令。兼第二方面軍軍長。並由國民政府委爲革命軍第三十軍軍長。時君勸導保衛軍多數同志。加入革命工作。十六年夏。奉軍進駐漯河。楊森逼近天門。政府北伐西征。同時並舉。君派郝師參加北伐。以薛師從事西征。均能殺賊破敵。迭奏殊勳。北方健兒。至此已大顯身手矣。鄒注宜沙。分別克復。後武漢會議東征。君洞悉陰謀。不願

有所論列。唐生智強令對衆發言。君只云對於北伐願作前驅。東征之事並未置議。唐生智因此唧恨。乃加以通蔣有據之罪名。遣釋兵柄。並勾結前副軍長彭振國。唆使倒戈。君爲保存革命實力計。遂率隊避戰。間道入皖。在六安霍山一帶整頓訓練。後聞甯漢合作。意見銷除。君不肯以個人與唐生智之關係影響大局。遂解甲赴滬。適南京國民政府洞悉唐生智隱謀反跡。明令申討。君復承政府諸公及各同志之敦促。仍回三十軍軍長原任。由六安督師西征。先後克復英山、羅田、麻城、黃陂。迨武漢底定。唐生智遠竄。征袍未解。而討楊之令又下。君繼復率隊西進。與楊森軍激戰十餘日。次第克復荊門、當陽、宜昌諸名城。戡定西陲。厥功甚偉。現又奉命加入北伐。開赴徐州。若君者。洵爲努力革命之名人矣。

## □阮玄武傳

阮玄武字又玄。現年三十有五。籍隸安徽合肥。賦性剛直。幼蓄大志。弱冠從軍。慨然以國事自任。民八由保定陸軍軍官學校第六期步科卒業後。歷充下級軍官。外感帝國主義。

之壓迫。內傷軍閥之專橫。知非澈底革命。不足以救國。於是廣結同志。密謀起事。終以力薄。未能果行。十三年春。隨楊化昭舉義於閩南。轉戰贛浙。所向輒任先鋒。安海、同安、玉山諸役。均著盛譽。論功升團附。是年秋。討伐賄選。君參加淞滬之役。瀏河劇戰。功績最著。至今滬人士猶有稱道者。嗣應方叔平之召。歷任營長、參謀長、團長等職。十五年一月。襄助方公舉義於山東。被任爲國民軍第五軍第二旅旅長。嗣與奉軍決戰於京東牛欄山。斬獲獨多。迨國軍由北京向南口轉進。奉命掩護正面。遂以三千疲敝之卒。固守白府馬齒口一帶。與奉軍穆春部激戰數晝夜。犧牲極鉅。而氣不稍餒。使敵不敢北向。戰績昭著。至今軍事當局猶稱道之。由是西進。復任先鋒。仍能鼓其餘勇。拔陽高。援長安。肅清渭北。圍困同州。轉戰萬里。殺敵過當。十六年二月。任國民聯軍第一路第一師師長。率部萬餘出潼關。下新安、洛陽、南陽諸名城。吳佩孚望風遠竄。是年六月。進駐襄樊。升充國民革命軍中央直轄第九方面軍第一軍軍長。十月。奉命討唐。任西路討唐軍前敵指揮官。鄂亂既平。改任三十四軍軍長。移防江蘇之碭山。整軍經武。惟日不足。蓋亟欲協同友軍。直攻齊魯。剿除殘餘軍閥。完成北伐大計。俾革命早日成功。以達救國之素願耳。

## 豐玉璽傳

豐君玉璽。字寶璋。晉山陰人。天資英爽。好讀書。爲人忠厚端樸。嚴明剛毅。幼富革命思想。喜聞國事。輒談改革。庚子之亂。外兵陷北京。西宮蒙塵。入晉。過山陰。馬嘯金鳴。譙氣迫人。時君年甫十齡。觀之奮然有打破君權之概。識者奇之。君先父爲晉名士。因取孟子民貴君輕及黃氏原君諸篇以釋之。於是君益憤。堅有從戎之請。論以學未成。不之許。越數載。清政日非。強憐虎伺。君復以從戎請。乃許。君毅然投入陸軍學兵隊。畢業後。留隊服務。日以鼓吹革命。密結同志爲事。一時革命志士。仗義英傑。多與之遊。而其晉省負有革命重任者。厥惟閻公伯川。卽今之北方國民革命軍總司令其人也。（今改第三集團總司令）迨辛亥八月武昌起義。晉省首先響應。君隨諸同志之後。策劃革命。躬率先鋒隊。攻克太原。首入撫署。轉戰滿城。擊敗清兵。晉之光復。自此時始。君之有功黨國。亦自此時著。不數日。清兵犯娘子關。君隨閻公出師石家莊。身先士卒。與敵激戰。頗著勛勞。光復後。入將校研究所。既畢業。仍任軍職。君治軍有方。每能以寡勝衆。民二陳匪爲亂。黨徒甚衆。依山作

勢久則不下。君乃以一排之兵，殲平之。民三。駐沁水時，有豫匪約三千人，大舉犯晉。君率不足一排之衆，往偵之。時已夜半，行至炭窩溝，與匪遇。君即以所部半數扼要佈防，令餘兵旋出旋沒，分繞兩翼，佯作傳達設伏之狀，並令號兵登山吹調砲某營步某團，令他一號兵遙應之。匪疑懼，迨棄械彈輜重而遁。事後蒙獎文虎勳章，立即擢升。民四，豫匪又犯和順，君亦以少數兵削平之。蒙獎名譽章。民五初，袁氏圖謀稱帝，君聞之，憤懣填膺，奔走呼號，特以汲深綆短，未克手誅元惡，輒引爲畢生之憾。嘗曰：革命非達到全民革命，不足以固邦基。中國非剷除軍閥，不足以實現民權。君於是愈力行革命工作。同年三月，陝匪猖獗，勢將入晉。君防臨縣沿河一帶，渡禁甚嚴。即因公猶須請命，一口有對岸之吳堡、米脂等縣居民數百，以匪迫急，求渡避難。君時僅職連長，竟自渡之，優予收容，甫畢，匪果來。君痛擊之，匪潰。君之甘於犧牲自身，與民造福，概可見矣。六年七月，張勳擁溥儀復辟。君時充營長，奮然語部屬曰：張逆思想黑暗，倒行逆施，專制遺毒，竟至於斯。吾輩軍人，負有革命使命，願馬革裹屍，以赴國難。旋即奉令出師。君請纓爲前鋒，抵京都，率部首入宣武門，登城指揮，砲擊皇城。逆軍潰。張勳遁。專制之餘孽，始一蹶不復振。此役蒙補少校。

獎紀念章。方奏凱旋之歌。忽有陝匪之擾。郭逆堅。窺晉虛。率其醜類。糜爛晉南。已數縣矣。君征甲米卸。率師南下。一鼓而殲滅之。自此晉南安謐。君得悉心講兵。多所闡明。鞠躬訓練。成績卓著。閻公深器重之。十三年升團長。十四年升旅長。十五年四月雁北戰役。君兼充第九路司令官。著有勞績。蒙授少將。並以中將待遇。旋升第十三師師長。十六年六月。晉軍加入北伐。擢升北方國民革命軍第六軍司令官。君夙有剷除軍閥之志。此次討奉。君出師東征。轉戰直西。克阜平。佔曲陽。攻唐完。進迫保定。勢如破竹。郭村之役。躬率衛隊。冒彈衝鋒。敵已退。將守保定。爲背城之鬥。君率部追擊中。忽奉變更戰略之令。佈防龍泉關一帶。分敵兵力。誘敵深入。爲覆滅之計。以利友軍之北上。委君爲左路右翼指揮官。佈防已多日。而敵遠在三舍。嗣漸近。君以鎮靜制之。敵又增兵至五師之衆。大舉來犯。君乃以攻爲守。出擊包勦。敵遂大敗。不復敢越雷池一步。且使敵欲攻不得。欲退不能。是皆君之神策奇略。有以致之。君洵善用兵者也。黨國之賴於君者。已大矣。國人之望於君者。尤厚焉。而君之貢獻於國人者。此亦其開宗之第一章耳。

## 馬駿傳

馬駿字君圖。山西晉城人。性豪邁。尚義氣。富革命思想。世奉回教。回教固重平民主義。君更憫憐生成。散財發粟。扶弱濟危。胥視爲分內事。自成人繼至今。煦嫗含育者。指不勝數。清光緒丙午。君年二十六歲。畢業於山西大學堂西齋。忿清廷庸謬。外侮疊乘。迫壓漢族。幾無立足地。遂開始革命工作。適有外商福公司侵略山西鑛權事。先是福公司憑藉英帝國主義勢力。以重金賂山西巡撫胡聘之。陰締條約。攫取澤潞遼沁平孟鑛務專利。所謂平者平定州也。至是變本加勵。乃謂平爲平陽府。晉人聞之大譁。君則挺身出力與爭。親至平定州。宣傳講演。冀喚起民衆。洋商妬之。幾以身殉。由是名大震。既留學英倫。仍盡力宣傳革命。痛斥帝國主義之非。爲駐英公使李經芳所忌。屢欲撤其官。君終不爲屈。辛亥秋。武漢舉義。君在海外聞訊。立乘輪返國。至滬上軍政府。即派君在江南兵工廠製造局辦事。旋關東都督藍公秀蒙北伐。聘君顧問。繼任外交部長。時煙台尙未獨立。僉謂必需武力。君乘海琛艦。獨首發。未及岸。而煙台分軍政府司令王傳炯已駛舞鳳艦先來迎。王君者亦英倫留學生。與君固相識也。握手言歡。疑頓釋。及抵煙台。輸入軍械。爲海關扣。君親往理論得解。未幾藍公至大連。檄君留守。又值當軍警交關各國領事藉口保。



護僑民。駐海軍盡登岸。君與各領交涉。由閩東督府軍擔任煙台治安。外人決無危險。德領信君言。首先贊許。各領亦無異詞。外兵乃盡撤。中華民國紀元元年二月十二日。清廷遜位。革命成功。關東督府亦告結束。而機關部全體官兵忽譁變。藍公命君與任君小珊賀君天雄共出排解。衆勢洶洶。縛天雄。迫走小珊。藍公登艦。君以一身當其衝。竭力樁柱。開誠勸導。衆皆悅服。事平。君返晉。受都督閻公伯川知遇。派充北京代表。二年任河東觀察使。辦理善後事。五年被選參議院議員。君以當國聲名狼藉。辭不就。六年夏。張勳復辟。君奉督辦閻公命。至前敵參謀軍事。旋任河東道道尹。閻公方銳行六政。君在職五載。六政畢興。輿情式慍。十一年冬。任山西政務廳廳長。次年春。任山西教育廳廳長。十三年秋。直奉戰起。吳佩孚欲奪河東鹽政。飭其後防援軍副司令張調宸爲運使。閻公乃檄君星夜赴運。接任以拒之。十四年秋。君與稽核所洋協理力爭主權。北京政府調君爲山西實業廳廳長。以息其事。十五年秋。革命軍北伐。山西督辦閻公遙爲響應。明年國民革命軍晉綏總司令部及北方革命軍總司令部先後成立。閻公躬任總司令職。並成立特別黨部。閻公爲組織部長。君亦候補委員。閻公軍事旁午。日昃不遑。遂命君代辦部務。故

每次省黨部舉行總理紀念週大會。君皆出席報告軍事。是年七月山西政治改組。君實長實業廳。熱心任事。頗著勤勞。然因積勞致疾。自秋徂冬。尚未痊愈。今歲春。萌退志。上書乞休。而閻公知君深。弗許。一令曰。該廳長久襲省政。倚畀方殷。近以積勞成疾。正宜醫養兼施。在省調理。俾得早日就痊。藉資臂助。所請辭去本兼各職之處。應毋庸議。一。本年三月七日。中央政府委任君爲山西省政府委員之一。電至晉省。晉綏總司令（卽第三集團）閻公卽日行知。當是時。君病猶未愈也。然君素以效忠黨國。定能力疾從公也。

## 何成溶傳

何君成溶。字雪竹。湖北隨縣人。清季以上庠生。先後選入湖北經心書院。兩湖文高等學堂肄業。旋以最優等生。派往日本習陸軍。孫中山、黃克強、方組織同盟會於東京。君最先入會。士官學校諸生。因君入會者百數十人。自此一切革命祕密規劃。皆君任之。卒業歸國。念舉大事而無所憑藉。乃密約同志。分赴各省投清軍。以陰擄兵柄。鄂當事任君以督練公所要職。清將第八鎮統制張彪。起自行伍。嫉視留學生。尤忌君。以故君不能得志。會

同志吳祿貞任北洋第六鎮統制。密電君赴保定。將任以本鎮統帶。薦剡卒見阨於清陸軍部吏。陸部故多同志。交與君才可用。因爲部員陰結納南北豪俊以擴張黨勢。而沉默不苟言笑。行動如恆。同官者不知其爲革黨要人也。辛亥八月。義師突起武昌。君聞耗慨然語同志。諸子曰。此民軍勃興之會也。君乃以清陸部一等參謀從蔭昌南下。師行至鄂境。知義軍猶俟整飭。陰撓陸軍使不獲進。義軍乃得從容策攻守之略。清軍不之察。無何。清廷命吳祿貞巡撫山西。君急走吳所。冀與吳籌商。集合山西義軍。橫斷京漢路。以覆清軍。未達而吳已遇害。蓋袁世凱忌其革命功成。而遣人暗殺者也。君知吳死。北方事已無可爲。問道至滬。適聯軍已光復南京。孫中山被舉爲臨時大總統。黃克強被任爲陸軍總長。君偕黃赴甯。佐理部務。迨南北和議成。黃改任南京留守。仍挽君爲留守府總務處長。黃倚君如左右手。軍國大計。君罔不與。民國二年。袁世凱暗殺宋教仁。國民黨遂知袁氏蓄異志。將覆共和。密議舉兵討袁。君受黃命赴甯。說師長陳之驥。洪承點。章梓。冷適等。盡發袁氏陰謀。皆憤不可遏。決討袁。復擁黃克強爲總司令。不幸而敗。君乃從黃克強亡命日本。黃旋往美。屬君返滬。聯絡各方。以備倒袁。袁果稱帝。君乃與滬上諸同志旦夕四出。

運動各軍反袁。袁遂以傾六年段祺瑞毀法。西南舉兵討段。孫中山被舉爲大元帥。命君留滬。專理長江各省軍事。湖北駐沙市第一師將領石星川、朱允熊、胡廷佐等將聯合湘桂軍。進取武漢。事先約君往商大計。因促其獨立。卒以孤軍屢戰不利。石、朱各他去。君獨收集其殘部。渡江而西。湘桂軍適敗退。君亟率所部至汨羅江一帶。爲之掩護。而所部亦退湘南。湘南各軍議反攻。以湘軍爲主力。命劉建藩、趙恆惕統率。由株州進取長沙。以桂軍之馬濟部守攸縣。防江西敵軍侵入。以鄂軍守朱亭。防長沙敵軍沿湘江犯衡州。吳佩孚果沿湘江來攻。鄂軍以沙市新敗之師。衆寡懸殊。幾瀕於危。君奮不顧身。日出入鎗林彈雨中。激勵將士。卒保朱亭。斷敵軍南向之念。不幸劉建藩陣亡。主力軍動搖。退抵郴州。湘桂軍微有齟齬。不得已。乃以所部委湘西防務。督辦李書城而去。自是奉孫中山命。奔走滇川湘各省。勸導革命。無一日自逸。十年。陳炯明叛。襲廣州。許崇智等聞變。迴師討陳。轉至閩邊。孫中山慮許軍勢孤。復命君潛往延平。說王永泉與許合圖李厚基。厚基棄閩走。北伐軍入。更名東路討賊軍。君被任爲興永泉各屬總指揮。兼閩南善後總辦。驅王獻臣、張清汝諸逆將。改編民軍。窮治匪徒。撫綏地方。不數月而閩南治績畢彰。至今閩人稱

道不置。軍府因命君留守閩南。改爲中央直轄福建各軍總指揮。率閩南軍與陳逆軍鏖戰兩月。餉彈垂絕。而士氣不衰。王永泉部忽叛。孫傳芳周蔭人等乘機進逼。閩南軍乃退至廈門。臧致平總司令。君之故人也。與之援。王孫等更結合逆海軍圍攻廈門。君與臧致平協力防禦八閱月。而王等計不得逞。十二年春。逆軍內訌。君約臧軍乘機反攻。次第克潭州、龍巖、汀州諸邑。臧致平奉盧永祥密令。率部回浙。與君商。君謂臧之根本地在浙。當回浙。我自粵來。亦當回粵。陳炯明偵君所經地。沿途堵截。蔡成勳亦阻其去路。君且戰且却。繞道贛邊。累月始達粵垣。大元帥命以君所部。改爲鄂軍。任爲鄂省總指揮。並命協同粵湘桂各軍。討伐東江逆軍。十三年。二次北伐。譚延闓總司令。任君爲左翼總指揮。克贛南。十四年。滇桂軍叛。會同粵湘軍平之。是年復率鄂軍從東征軍總指揮蔣介石。克東江。十五年。各軍改編。君以鄂軍苦戰累年。死傷過半。不易補充。自請以所部交蔣介石。就聘爲總參謀。是年黨政府決計北伐。蔣任總司令。又委君爲駐滬總代表。專司各省各軍聯絡指導等事。北伐軍克武昌。特任君爲鄂北綏靖處主任。兼湖北省政務委員。政績昭然。唐生智以公負黨國重望。鄉譽尤隆。且素與蔣善。忌之深。陰結共首鄧演達多方傾陷。使

君不安。且將不利於蔣總司令。蔣固覺之。甫下南京。密遣使召君赴甯。任以軍事委員會委員。蔣下野。君去職。蔣復職。君亦復任。其始終以廉節退讓。惟賢是與。效忠黨國。纖芥無所私。有如此者。君於革命功大而多隱。不盡述。然革命一日不告成功。其功固猶未盡也。

## 鄭毓秀傳

鄭女士廣東之寶安人也。誕生於西歷一八九四年二月二十二日。少懷大志。穎異不羣。努力國事。勤勞卓著。一九零八年。在日本加入同盟會。翌年返國。與李石曾先生輩。在京津組織京津同盟會。旋黨人集北京。謀舉事。氏奔走策畫。不遺餘力。曾親冒萬難。挾運炸彈。胆略之雄。智謀之遠。雖巾幗而遠勝鬚眉。辛亥革命成功。氏實與有力焉。迨袁氏稱帝。大捕黨人。氏幾不免。一九一三年冬。乃西渡留學。得法學學士位。其時並致力於海外黨務及國民外交工作。斯年歐洲和會開幕。氏曾參與其事。幹旋甚力。一九一八年。廣東參衆兩院會。委氏赴歐聯絡輿論各界。翌年和會失敗。吾國代表拒不簽字。然歐洲輿論界對我深表同情。則氏之力也。繼又往美洲宣傳和會內容。及我國拒不簽字之理由。博得

美朝野之瞭解。一九二〇年返國，從事社會工作，周游黔蜀各地，得友輩數十人，攜往歐洲，致力教育。一九二五年畢業於巴黎大學，得法學博士位，開中國女子未有之先河，博得光榮不少。嗣是凡遇國際問題之大會，皆與焉。乃在國際聯盟中，為國家宣力，嘗以中法文著有一治外法權報先書，一國際聯盟概況，一中國比較憲論，*MOUVEMENT CONSTITUTIONNEL EN CHINE* 及 *SOUVENIRS D'ENFANCE* 各書。一九二六年學成歸國，即在上海法公廨執行律師職務，為中國女界第一人也。且法公廨向無中國律師出庭，亦惟氏首創其成耳。彼時並繼續努力革命工作。迨一九二七年春，國軍佔領上海後，又參加清黨運動，均著勞績。政府因氏法學精邃，功在黨國，爰任為上海審檢廳長，蒞任半載，多所革新。同時又任為江蘇省政府委員，政績卓著，聲譽鵲起。而氏身任甯滬兩職，才猷益展。政府依畀日殷，乃調任上海臨時法院院長，并兼長上海法政大學，近以各國對我內容，諸多隔閡，乃任命氏為國民政府駐法代表，俾國際間益臻瞭解，以敦邦交。如鄭女士者，誠巾幗之英雄也。

## 熊式輝傳

熊君式輝字天翼。江西人。保定陸軍學校畢業。追隨先總理十餘年。武漢起義及靖國護國之役。皆參與有功。復東渡入日本陸軍大學。卒業回國後。任第三軍軍官學校教育長。十四年秋。北伐入贛邊。充十四軍黨代表。兼第一師師長。贛西告急。君率軍進擊贛州。吉安。撫州。戰績顯著。旋會師下南昌。中央任君爲江西省務委員。君慨然以殺賊爲任。提師入閩。擊走周蔭人。俘獲甚衆。嗣後轉戰入浙。而蘇而魯。身先士卒。勇敢殺敵。功績殊多。君治軍嚴明。士兵精悍善戰。所向皆捷。而民衆箠食壺漿以迎者。相望於道。旋由徐州調護滬甯一帶。奉命改編爲十三軍。君任副軍長。兼三十七師師長。十六年一月。兼代淞滬衛戍司令。尤能保境安民。地方稱頌。且君負遠略。於軍務倥偬中。得暇輒手一編。其好學深思。爲不可及也。十七年春。奉蔣總司令令隨軍北伐。他日建樹正未可量也。

## 江映樞傳

江君映樞字燦北。雲南建水人。少有大志。前清末季。入同盟會。充廣西陸軍第一標隊官。祕密進行革命。辛亥之役。響應武漢。光復廣西。旋任北伐軍大隊長。率隊攻克南京。頗多



勞績。迨清廷退位。民國成立。民族革命成功。君乃回滇。服務軍界。入川入粵。無時不努力於革命工作。歷經險阻。志不稍衰。民九時任駐粵滇軍參謀長。與李協和朱益之同志。推倒政桂兩系。先總理乃得入粵。民十先總理就任大總統。君被任爲總統府參軍。追隨孫總理左右。努力革命。厥功尤多。當時因見總理處於叛黨勢力環境之中。乃主張孫唐合作。希望革命早日成功。不料爲唐所忌。幾瀕於危。十六年滇省二六政變。革命潮流。瀾漫滇雲。唐氏雖倒。而三民之主義。尙未實現。適君隱晦家居。知時機已熟。乃首揭青天白日之旗於南防。一年以來。辛苦戎行。致力革命。所經艱難險阻。罄竹難書。卒使今日滇省進於黨制軌道。得立於革命戰線之上者。君發難之力爲多也。現任國民革命軍第三十八軍右翼總指揮之職。中央政府甚爲倚重。將來建樹。正未有艾也。

## 張華輔傳

張華輔。字慰生。湖北應城人。現年四十一歲。儀容修美。有儒者風。少孤。從伯兄華蓮明府就學。湖南會同縣署中。科舉議停。識時者競趨新學。迺回鄂。侍伯父心。如先生讀書省城。

兼習英算。適湖廣總督張之洞銳意興學，首設師範學堂，得攷入爲附屬生，以成績優良，派往日本留學陸軍。時年僅十有六歲，親列強之強盛，痛祖國之虛弱，深知非改革不足以圖存，乃加入同盟會，冀回國有所貢獻。宣統元年卒業於士官學校，見習期滿，即應廣西維新諸同志之約，與鈕惕生、蔡松坡等創辦幹部學校及學兵營，整飭新軍。當時桂省兵氣因之丕變，清政府略有所聞，授意張鳴岐無形監視，遂離桂就湖北陸軍第三中學教習。課義而外，旁及中外趨勢，及吾國將來政策，藉以喚醒大多數同志。迨武昌起義，聯合蔣雨岩、何雪竹等，肇助黃克強成立陸軍部，担任軍事科長，彙定陸軍軍制，全國軍隊得以劃一整齊，南北統一。袁世凱繼任總統，慨革命之未澈底，知險象之環生，來日大難隱憂堪虞，遂回鄂充陸軍第二預備學校教育長，作育有志英年，爲異日報効黨國之用。會宋案發生，袁氏陰謀暴露，應黃克強召，任第八師三十二團團長，駐守浦口。北兵南下，首先迎擊，彼衆我寡，情勢日絀，維時各同志對於總理政策頗持異同，袁氏復以金錢收買，以致失敗，亡命海外數年。袁氏不祿，後與革命同志歸國，日謀民主政治實現民六三

月，由日本歸國，任參謀長任內，派赴日本，講義陸軍大學，訪問同國，充北京陸軍大學

教授湖南講武堂堂長及訓練處處長。上年秋以廣東黃埔中央軍事政治學校教授部主任率第五期學生至甯行畢業典禮。遂由國民政府軍事委員會委任參謀廳廳長。部署市畢。隨軍西征。追隨程頌雲白健生兩總指揮。贊參戎機。肅清兩湖共黨。以固北伐後防。早竟革命成功。綜其生平。義務心重於權利。沉毅中饒有果斷。處已接物。純以忠誠出之。雖在幼年。亦不好戲弄。近丁內艱。冒險回籍奔喪。其孝友亦有足多者。

## 韓占元傳

韓君占元。字冠三。世爲直隸安新人。曾祖諱世凝。祖諱倫彩。父諱令甲。世習農業。有隱德。鄉里夙稱善人。君生有大志。狀貌奇偉。性豪爽磊落。不拘小節。而處世接物。一本謙和誠懇。遇事無鉅細。中有所主。井井有條。悉合矩度。從無廢事。以是人皆奇之。前清末葉。時政日非。外交多故。君年方弱冠。深慕革命事業。思有以改造國家。救民凋敝。不耐習村塾學。慨然欲隸軍籍。以贍有所建樹。適今馮總司令。於是時統帶部曲。屯紮京畿。嚴而有恩。聲靈遐邇。遂投其麾下。服兵役。馮公一見偉之。督勉逾恆。人君亦傾心誠服。凡一切動止步

伐攻守戰術無不深究研討。操課之暇。並搜求古先哲經世有用書傳。及當代革命巨子著述。旁參徧讀。涉獵無遺。馮公察微窺隱。外示督責。內異其能。特久不驟拔。俾其蓄之久而發之奇也。君亦淡於升進。服膺馮公。惟恐所學不至無以自用。故奮進之志。愈加自勉。馮公知信最稔。閱數年。由中下士。按級累進。迄於中華民國三年。始擢任十六混成旅步兵第一團第三營第九連連長。親兵教育。漸嶄然露頭角矣。馮公自是亦深欲審試以事。而程其功。五年。調升本旅機關槍營營附。旋升任本旅副官長兼模範連連長。自後越一年。必予以遷調。民國七年。由步兵第二團團附。升任本團第三營營長。九年。調升十五混成旅參謀長。君之治兵。寬嚴合度。紀律森明。調度有法。故將士樂爲之用。凡從馮公作戰。勦匪無不以少數勝多數。馮公賴以出險制勝。已不知幾何次。故馮公愛之重之。不啻如家人昆弟。先是民國七年。隨馮公勦辦湘匪時。桃源縣有匪軍千人。據城抗命。君以一連之衆襲破之。斬獲無算。匪患以平。君之勇敢善戰。自此益著。十一年。馮公督豫。伏莽滋起。檄君爲豫南游擊第一路指揮。所至羣盜懾伏。馮公益奇之。未幾調工兵營營長。十三年。復升正副兵第一營第二團團長。旋調升十一師第二十二旅第四十三團團長。十四年。

升任第三十七混成旅旅長。既而能安厥川。癸丑五年。馮公討奉天。駐節張垣。君時次朝陽。適帶隨從官兵三數十人。道經赤峯。赴張請訓。寓居館舍。被敵數百圍困。君竟率隨從設計突圍。無一遇害。其神智大勇有如此。旋馮公率國民軍全部。由張垣轉進。集中包頭。行次五原。馮公即宣誓加入國民黨。君亦欣然。以此能遂初志。絕對擁護於孫總理所著之三民主義。建國大綱等書。極力探討。旋升任第八師師長。倡導所部。努力貫徹革命。刻苦自勵。雖在邊塞。矢志不懈。而尤以不屑屑爲私密。鑒士卒。嘗於駐紮包頭之際。給養無計。籌措盡出所有衣物變賣。維持兵食。不肯以擾居民。而其山包鎮赴甯夏也。沿黃河後套。廣漠千里。渺無人居。軍中所食。皆油麥麵土山藥等粗糲之物。君亦逐日累月。與士卒共食。甘之如飴。而沿途遇有民衆。猶隨時講演本軍實行革命之目的。與三民主義之真諦。藉以宣導民智。促進救國。由甘陝以至洛鄭。終始如一。其毅力沉慮有如此。至其注重民生。體恤民困。尤其獨得之天性。其在甯夏也。該鎮處黃河之濱。農田皆賴河水灌溉。而引水溝渠。輒患淤塞。年比爲災。君曾親率部衆。爲民疏鑿。惜事方舉。即被命前進。然卽此而躬行愛民。已可見一斑矣。十六年三月行抵西安。調任內防處長。昇以詰暴勦

姦之貴。君乃擣伏如神。姦貪屏迹。而尤以防止共黨。消患無形。俾豫陝甘三省。未至受共黨之禍。其進言於馮公之力。爲足多也。馮公以是特給予革命獎章一座。以酬其庸。是年八月。調升河南民團軍第一軍軍長。俾清豫匪。適以養疴鄭埠。堅辭未就。十一月。復被命爲國民革命軍暫編第三軍軍長。旋調任國民革命軍第二集團軍第一軍軍長。先後駐紮道口滑縣一帶。時奉逆肆擾河北。勾結紅會。屠害閭閻。君派士兵。分路堵剿。不旬日。卽肅清逆敵。安撫民居。而於黨務之進行。政治之訓練。每日微曙卽起。親率僚佐。督飭全部。厲行朝會。以發揚革命精神。並時時與民衆相晤。講解三民主義。雖臨時借用民地練兵。必按給貸值。至遣派稽察。杜禁擾民。無一時一事稍敢疏忽。其以實心行實事。不肯爲絲毫欺罔下之舉。此皆其榮榮大者。君今年方四十。未來勛業。正未有艾。謹濡筆以述其大略云。

## 李明揚傳

李明揚。字師廣。江蘇蕭縣人也。當遜清末葉。孫中山倡革命。國中英雄皆奮然從之。時君

已卒業南京陸軍小學。轉升陸軍四中校。加入同盟會。辛亥。革命軍興。君溯江之鄂。叩命赴九江。謁李公協和。偕至安徽。旋李公組援鄂北伐第二軍。由皖赴鄂之黃州。充任該軍機關槍連連長。即往會攻漢口。事定。還克九江。進南昌。李公督江西。將該軍改爲江西護衛軍。擢君任營長職。未幾。浮梁一帶。洪匪肆擾。奉命往平之。遷任江西陸軍步兵第十團團長。民二。袁世凱潛變國制。逆謀漸露。視國民黨人如刺鯁。時李公窺破其謀。檄君兼任湖口要塞司令。以爲討逆之備。並赴下游謁黃克強先生。會商大計。旋聯湘粵皖蘇。轉返湖口。聲罪討袁。袁遣李純來抗。戰於九江湖口間。君率所部與敵劇戰月餘。卒以衆寡殊懸。事償。微服走扶桑。轉道赴德。入柏林大學。間躬親勞役。藉助膏火。歷遊英法諸名城。觀其軍備。如是者閱三載。民五夏。袁氏稱逆。蔡鐸與李公起義於雲南。蔡率北伐第一軍入川。李公率第二軍經粵入桂。時君亟問道返國。隨李公討龍。作戰於粵之北江。龍敗走瓊崖。袁亦喪膽。民國得無恙。泊民六冬。段氏主內閣。解散國會。總理建軍政府於廣州。組織法軍。任君爲滇粵桂聯軍總司令部警衛混成團團長。翌年春。段族龍反攻。並遣丁效南一旅。由贛來夾擊。君率部禦龍於陽江。龍敗竄。適北江警訊又至。急馳援。與丁部

鏖戰於南雄。始興間。相持匝月。卒驅丁去。是役也。君僅一團之衆。轉戰數百里。而能攘寇  
 患以安疆圉。人以故稱之。民八政學系首領陰謀結納。欲圖去總理。時李公協和長參謀  
 部。因亦忌之。君率數百人。護李公出巡北江。莫逆遺六十餘營追圍之。君應付裕如。卒安  
 抵始興。與滇軍旅長楊益謙合。籌回師靖難。適譚公組庵師次郴州。聲討張敬堯。電檄君  
 援湘。君馳克衡州。卽由右路越五里牌。進奪岳州。截敵後路。湘事遂平。後調任贛軍第一  
 梯團司令。民九冬。奉總理命。討陸英諸逆。率部由岳州馳赴郴州。與莫部遇於樂昌之歧  
 門嶺。戰甚烈。克樂昌。敵歸路斷。陸鼠竄回桂。莫亦遠颺。粵中悉定。總理從滬返。明年夏。進  
 討桂。經由富州。恭城。灌陽。諸屬。進克全州。截繳沈鴻英部械。陸由南寧敗走。全桂得告赦  
 平。十一年春。總理在桂林就大總統職。誓師北伐。調君任中央直轄贛軍第一混成旅旅  
 長。由桂經粵。出庾嶺。連克贛吉諸城。會陳炯明恃五羊稱叛。君回師討之。陳已以重兵塞  
 嶺道。因繞仁化赴樂昌。餉罄援絕。乃隻身走海上。明年春。總理由上海電檄滇軍楊希閔。  
 桂軍劉鎮寰。率部討陳。陳竄惠州。君隨總理復回粵。召集舊部。組建國贛軍。任司令。會攻  
 惠州。歷數月。久。並勢大。十三年春。張敬堯北伐。君奉調仍出庾嶺。師行如破竹。直搗吉水。



不幸又以援絕引退。時督署成勛派兵三旅來襲。君以大庾爲粵北門鎖鑰死守之時各部均已回粵。然終能獨持月餘。迄無稍失。人以是稱其名。卽在江村西村一帶訓練士卒。以待再舉。十四年三月。聞總理喪。往哭於北京。未幾楊劉等不應命。君從蔣公介石勸平之。旋奉蔣公命。隨東征軍作戰東江。討平陳部餘孽。自是百粵統一。我革命根據地乃告堅定矣。國府爲完成總理遺志。進籌北伐大計。編定軍制。將君部屬編爲國民革命軍第三軍第九師第二十六團。任君爲第九師參謀長兼團長。餘部編歸第八師二十四團。或有以君曾任司令而黜今職爲疑者。君獨怡不爲計。且曰。國民革命志在求中國之自由平等。何須汲汲較階級。十五年秋。蔣總司令誓師北伐。君率所部由樂昌經衡醴折入贛西。以一團之衆與謝逆全部戰於萬載上高。高安一帶。謝逆遁走。追擊至灰埠。探悉唐逆以一師之衆增援。與謝逆會合。均在該處宿營。君卽乘黑夜襲擊之。敵大潰。奪獲輜重不可計。是役也以少勝衆。人尤稱之。時左翼第六軍亦馳至。卽與攻入南昌。兵力單薄。得而復失。嗣與各軍會合。與敵劇戰於萬壽宮。牛行車站等處。鏖戰月餘。南昌卒下。是年冬。蔣公檄令出師攻浙。得拜東路軍先遣軍司令。出玉山趨浙右。克桐廬。君每戰必身先士

卒不避矢石。以是右臂受重創。仍指揮自若。所向披靡。全浙乃定。十六春。追擊至滬。達江干。佈防后塍。復奉命渡江。分任右翼。直抵海州。圍檄白寶山部。奉命與白部編併。任三十一軍副軍長。率師經清江。回至維揚。訓練。旋調駐杭州。防共匪也。嗣軍委會令解散該軍。而君所部得獨存。以其革命功績不可泯也。因改編爲獨立第一師。君任師長。時孫逆南犯不得逞。殘寇向騷擾淮海間。君奉令再渡江而北。與十七軍同任右翼。由鹽城。阜寧。直趨海州。盡復前此所失地。師行所至。民衆咸爭迎於道左。其愛人以德。受人之景慕如此。君二十年來。從事革命。精誠一貫。刻無間斷。其爲人也。抗爽磊落。愛才善用。而服膺黨義。身體力行。尤爲海內所嘆服。君行年纔三十有七。以其英邁之資。將來之所建樹者。何可限量。此黨國之光也。又豈僅爲君稱慶乎哉。

## 王柏齡傳

王君柏齡。世居之江。寄居邦水。茂如其子也。詩禮傳家。簪纓世出。幼聰穎。有奇氣。孝友性成。宅心抗直。得於天者獨厚。父宗慈。經明行修士也。君年十五。遭失怙。家寒。而卒未嘗輟。

讀者。端賴母教也。時清政不綱。其母以咕哩呀。不足救國。勸其舍毛錐。崇武備。年十七之寧。入陸軍小學。得教師劉三蘇曼殊等之啓迪。始識民族主義。由是慷慨激昂。目督欲裂誓革清命。再造國家。明年轉北洋陸軍速成學堂。獲識蔣中正。陰相結納。願以清廷對近畿。壓力重。默處者期年。旋應考送日本習陸軍。君與其選舟纔出口。君氣一蘇。遂得昌談革命。奮發若狂。至日入振武學校。精神愈振。談論愈雄。其友夏傳武戒之曰。事在力行。曉曉何益。蓋預儲實際功夫。以光祖國。自是卽矢口不談。而蘊於心者。更爲毅烈。時蔣中正同行留日。介紹入同盟會。君心始慰。辛亥武昌起義。君等已於聯隊入伍。將終。蔣公藉假潛返。以不能偕行。心頗鬱鬱。終以口辯。要求其所屬。砲兵聯隊長。長岡外史。師團長。得一體退隊。參與滬役。練兵於甬。未幾。寧垣克復。調副砲兵第七團。時江蘇都督府成立。同盟會江蘇會長章梓。長軍務司。在祕密革命時。知君最深。調任副官。參與機密。促成二次革命。不幸失敗。東走日本。輾轉入士官學校。時有尹同愈者。反對革命。憾君尤深。暗唆鄭汝成入告袁世凱。希圖羅織。幾遭退學。賴陸宗輿氏緩頰獲免。卒業後。與同志計畫進行。而章以爲在日本固不能革命。在南方亦不足革命。不入虎穴。焉得虎子。當潛赴北方。以

奏膚功。君領之。遂決赴魯。以魯省綰轂南北。爲軍事上之重地。洪憲稱帝。東北軍起於魯東。時君在濰縣營軍次。以智佐總司令居正。藉謀裏應外合。未及一週。遂略得山東半島。君之力獨多焉。迨袁氏死。遂告停頓。潛赴燕京。謀活動。不得間。旋應雲南唐繼堯之聘。君以護國軍興。滇中大有入物。遂往掌教講武學校。七年。傳播革命種子者。達五千人。十二年。蔣公自粵電招。襄理軍務。乃出任大元帥高級參謀。運虎門十五生的要塞重炮。旬日建炮台於惠州枚湖。擊楊坤如者累月。更佐許崇智軍。能以敗卒大破洪兆麟于博羅。繼許崇智因愧生憤。欲擅長行敗者。以再圖僥倖。君力阻不聽。卒至軍潰廣州。乃憤而之滬。值蔣公自俄還粵。邀辦軍校。即舉國屬目之黃埔軍校也。君於校之籌備。事無巨細。莫不躬親。舉賢惟材。不以其私。如何應欽等官長百餘名。泰半爲君選薦。立校紀以樹風聲。嚴教科以求實在。一洗粵中軍隊混亂之象。掌教授。督教官。按計實行。常集教官顧問。劉峙等輩。實行練習。尤熱心黨政。日常任務。達十八小時而強。月無休沐。漸播共產份子。潛竊黨權。遂有孫文主義學會之創。以抗共黨所組之青年軍人聯合會。凡學生秘密開會。君不舍晝夜。必躬自察查。若講堂。若膳廳。若寢室。甚至浴間廁所。靡不躬親。隱患遂銷滅。

於無形。迨第一期畢業。創辦教導第二團。五十日成軍。二千士兵。未嘗逃一人。死一卒。以營長顧祝同相佐。尤爲得力。隨即東征。克淡水。君任正面追擊部隊。連合粵軍。與洪兆麟增援。一連隨粵軍稍却。君與何應欽率部逆之。擊退後。忌者故進流言。迺憤而辭職。旋即調任參謀長。直下興寧。適君因事返里。而楊劉造亂之耗。又見告矣。蔣公馳書邀助。遂急走上海。直抵粵垣。幸亂事已平。劉楊潰退。乃更長埔校教育。時共黨日漸驕橫。君抗之益力。第二次東征。蔣公以後方相界。以君之奮鬥精神。無或稍懈。共黨勢不得乘。恨之愈深。讒之愈衆。二次東征將終。君於廣州計作孫文主義學會游行之舉。藉以檢閱黨之力。量當時若果舉行。則共黨將完全失敗。蓋其實空買空之假面具。揭穿殆盡矣。共黨份子以事急求援。當道僅許開會成立而已。迨二次東征畢。蔣公返廣州。漸感共黨專橫。機會份子附之。將有不利于黨。召君密議。對共舉置者兩旬。君隻身赴石龍調兵。身且任爲教導師長。共黨環視左右而無知者。直至十五年三月二十日。始出鮮明之舉動。共黨爲之大餒。惜君以別有任務。先一日赴滬。未能澈底澄清。遂釀成十六年寧漢分裂之役。而有十六年四月十二日。再清黨於滬寧之舉。君於是年三月。奉命赴汕頭調兵一師赴廣州。

改長第一師。七月北伐。率第一二兩師。爲總預備隊。任第一軍副軍長。出粵入湘。軍次岳州。以第二師加入武昌攻擊。親率第一師入贛。九日次瀏陽。十三日大破孫軍楊振東部於銅鼓。奉命歸程。潛指揮。命急襲南昌。君對程計。心所謂危。然以尊重命令故。強其部下以行。師長王俊不應。終思兩全之策。率薛岳團前行。攻牛行車站。令王率主力續進。敵如襲後。勢仿長蛇。可全命令而自保也。君率兩營拂曉擊牛行。孫軍掃數援。武昌之毒謀未得乘。戰至午。主力奉命不來。勢處背水。君赴南昌請援。程潛堅留。獨身陷處危地。而神態自若。程部潰。君與黨代表繆斌潛伏鄉間逾月。艱險備嘗。至南昌總攻時出險。病於湘鄂。未幾亂作。潛行赴贛。東下至滬。力主清黨。蔣公始決最後之主張。十六年四月。與楊虎周鳳歧黃金鋪等。計除共匪。斯有四月十二日之舉。繼任長江要塞司令。蔣公因環境不良。宣告下野。隨之以去。蔣公再出。君亦復職。兼任中央軍官學校教授部主任。以君熟手。而期再整軍旅也。東山再起。拯我蒼生。寰宇鏡清。拭目俟之矣。君有志氣。有肝膽。有卓識。有定力。真長江數千里。得此砥柱長材。風波則括靜。七鬯不驚。自意中事。况君春秋正盛。其勳勞之懋著。將無涯埃。而我大江南北之總總林林。其食德飲和者。正未有艾也。

## 榮甲三傳

君榮其姓。鴻臚其名。甲三其字也。爲山西渾源世家。君貌魁梧。性倜儻。好騎馬試劍。稍長。性益烈。遇鄉里不平事。輒挺身而出。人多目爲郭解。清光緒丙午。君入山西陸軍小學。彼時風氣未開。羣相非笑之。君曰。內胡外寇。破碎山河。皮之不存。毛將焉附。公等尙夢夢耶。自是折節讀書。冷暑無間。除研究課程外。凡舶來之新思潮新文化書。皆私購閱之。革命思想。從茲潛伏。因時機未熟。蘊釀而不發者數年。迨至辛亥。君於陸軍中學畢業。在保陽入伍。及武漢義旗高舉。君糾合同志。祕密組織鐵血團。端緒已具。爲清廷所聞。疑入伍生隊千餘人。皆係革命。始令軍隊包圍。繼令解散。君星夜歸晉。謁業師閻公伯川。由是贊佐戎機。卒贊晉省。君有大志。以學業未成爲恨。壬子秋。中央開辦軍校于保陽。復辭差就學。畢業後。奔走直魯鄂豫間。率皆枘鑿。民五仍回晉。始任軍署副官。旋任營長。未幾。長十七團。並兼長學兵團。君曰。辛亥革命。軍學之力也。不澈底。軍學之恥也。武裝同志過少。欲求澈底得乎。吾長學兵團。吾之願。吾之幸也。十四年。兼長第九旅。旋又兼長補充旅。是時身

兼七職。君不以爲榮。亦不有所懈。居常以明恥教戰。訓諭部下。丙寅晉東之役。丁卯晉北之役。君與乃第通三。均著有功績。凡出君門牆者。戰功固著。義烈尤彰。其視死如歸之精神。皆君陶冶成之也。由丁卯至今。長北方軍官學校。教養英才。并兼太原衛戍司令。保衛地方。其爲閫總司令所器重者若此。前由君造就之武裝同志。已達數千人。後當日益衆多。革命事業。亦正鵬程萬里。無可限量也。

## 馬鶴天傳

馬鶴天山西芮城縣人。原名鳴鶴。號和亭。因民五討袁時秘密歸國。遂以號之。同音鶴天二字爲名。初肄業於本省優級師範學校。喜讀留日學生出版品。於是有革命思想。密入同盟會。畢業成績列第一。本縣學堂強聘焉。辛亥省垣舉義。縣知事懼而交印。乃被舉爲自治會會長。接縣印時。年僅二十三也。邑中哥老會徒羣起響應。民軍乃爲之徵糧製械。清兵入晉。民軍南下。在運城設軍民政分署。遂至運城。任河東日報編輯。時薛篤弼爲社長。不數月。以反對貪官污吏。被郭縣長帶手槍。毆於報社。民軍返太原。乃赴省任共相白。



話報編輯鼓吹共和。適考送留日學生。以第一人被選東渡。入早稻田大學。時二次革命失敗。黨人多亡命日本。乃相與結納。與仇格易象李大釗等成立神州學會。實爲團結革命同志。會中刊物有神州學叢。以扶助韓人。反對日本。被日本政府收沒。時孫公總理中山居日本。因得面領方略。又與直隸張繼。山東陳愈武。陝西蔡屏藩等。組織北方協會。結合北方革命份子。秘密運動。四年中日交涉起。時薛篤弼亦在日。擬偕歸國辦報。反袁對日。薛先返。未果行。民國五年春。討袁軍起。隨各省同志密返滬寓。孫洪伊處。計畫督事。袁死北上。至京。與景定成恢復國風日報。曾譯登列強在中國之競爭一書。喚起民衆反對帝國主義。繼再渡日本。時被選爲留日學生總會評議長。並任神州學會會長。適軍器同盟問題發生。總會學會相繼宣言反對。並時開會。日警廳派員日夜尾隨。且一次搜索寓所。一次拘留警署。幸當時以兼任山西留日學生經理員。故未久拘。民國七年四月全體宣言歸國。乃偕同人至滬上。成立留日學生救國團。創辦救國日報。任總編輯。歷揭日人對我陰謀。並述韓亡痛史。且促國人之覺悟。最長一文。爲闢中日同盟說。計萬餘言。日人大概且懼。要求英法干涉。並令指總編輯。幸報社在法租界。時孫總理亦寓法租界。因請其

交涉。罰洋五十元了事。救國團久而漸冷。救國日報無法支持。因返晉從事教育生活。宣傳革命思潮。任國民師範教務主任。學生二千餘人。時爲演講。並發行刊物。時北京新文化運動正盛。因竭力響應。竟遭時忌。十年秋。乃赴廣州。當時孫總理爲大元帥。汪精衛爲廣東教育會長。全國教育會聯合會。亦開會於廣州。因留數月。繼赴菲律賓考查教育。香港罷工事起。急返粵居。月餘。張溥泉約偕至滬。與丁維汾等進行西北黨事。旋決定至北方宣傳聯絡。遂返太原。發行新覺路雜誌。成立工人補習學校。不數月至濟南。與王樂平。等商北方黨事。旋至開封。時民國十一年夏。馮公玉。祥。督豫。薛篤弼爲財政廳長。因識馮公。未幾凌冰任教育廳長。約辦師範學校。又從事教育宣傳主義。後馮公至京。因亦北上。任西北邊防督辦署教育科長。遂注意開發西北。與同志組織西北協會。發行西北半月刊。意欲向蒙回藏民族宣傳革命。旋兼民國大學總務長。十三年冬。總理北上。以至十四年春。總理入京病逝。聯合各團體。藉歡迎追悼等會。宣傳主義。以活動於非黨員間。及教育界。嗣開國民會議促成會。被推爲北京代表。十四年冬。隨薛公篤弼入甘肅。又從事新聞事業。宣傳國民黨主義。十五年秋。國民軍退出南口。急求通蒙俄之一道。乃冒險赴蒙。

古探道乘駝馬。踏冰雪。歷三月。始抵庫倫。中途又被疑扣解。備極危險。旋赴莫斯科一行。往返九閱月。一本革命精神。不覺苦亦不畏險也。十六年夏。返甘。被任命爲甘肅省教育廳長。並兼教育廳廳長。並蒙開封政治分會。派爲甘肅省黨部籌備委員。努力黨務。並積極實施黨化教育。正式省黨部成立。被選爲監察委員。馬君現年四十一歲。富於教育經驗。現任甘肅教育廳長。實施其革命的黨化教育。他口啓發甘省民智。使與長江流域民衆同進於文明。必有斐然之成績可觀。記者於此。不得不爲馬君賀。亦不得不爲甘省慶教育之得人也。

## 舒宗鑑傳

舒君宗鑑。字勉之。寄籍廣州番禺。現任海軍艦隊副司令。飛鷹軍艦艦長。幼時肄業於黃埔海軍學校。聰穎好學。每試輒冠其曹。與陳君策交最摯。卒業後。陳君任海防司令。迺以舒君爲副官長。蓋知其沈毅有爲。而冀收指臂之助也。當海軍護法南來時。宿將程璧光。鄧聰保。諸前輩。一見即許爲後起之秀。舒君既受知遇。益自奮勉。學乃猛進。民十一之役。

先總理蒙塵。舒君任海防艦隊指揮。追隨左右。頗爲孫總理所倚重。迨總理去粵。舒君亦棄職。及革命軍北伐。適爲民生艦艦長派駐汕頭。捍衛地方。保護商旅。不獨汕之人愛戴已也。民十六。共匪作亂。圖擾潮汕。舒君防範嚴密。赤燄卒不得逞。以是受知於李總指揮濟深。擢升爲飛鷹艦艦長。未幾。廣州難作。舒君不甘從逆。振臂一呼。全艦員兵。誓以死從。冒險突圍。馳赴汕頭。卒能保障偏疆。斷賊救援。論者謂廣州不遭陸沈者。固諸將士討逆之功。而舒君亦與有力焉。事平後。不自矜伐。而以艦隊司令薦舉陳君策。其推賢讓能。不忘故舊。尤有足多者。綜其爲人。尚信義。輕權利。沈默寡言。粥粥若無能。而臨難不避。見利不爭。其人格之高尙。固近世所罕觀也。爰述其事略。以告當世焉。

## 岳相如傳

岳君相如。世居安徽鳳台縣。豪俠尙義。重然諾。喜交遊。嘗慕蔣相如之爲。人因以爲名號焉。當遜清末造。內痛紀綱崩墜。外傷國權喪失。遂慨然投入皖省武備學校肄業。後補入常備軍。實爲組織革命之起點。旋與柏公烈武等。先成立維新會。後併入同盟會。徐烈士

錫齡刺皖撫恩銘熊烈士成基。唱舉義職。諸役均與焉。辛亥春。走廣州。與趙烈士伯先。屢次發難未成。黃花崗之役。僅以身免。潛返淮上。韜光養晦。及武漢舉義。乃藉壽州鎮署武器。與諸同志成立淮上國民軍。佔領鳳淮。爲甯漢聲援。張勳由寧北潰。經蚌埠。幾爲所獲。逮南北統一。袁世凱盜選。適上書皖督柏公。願解甲歸田。不獲允。旋令充正陽長淮警察廳廳長。癸丑。討袁軍興。在正陽與倪嗣冲激戰月餘。卒以南北變化。孤立無援。退至舒城。資遣所部。而自隨先總理及柏公避往日本。洪憲之役。奉總理命。率同志回鳳陽舉義。又與倪嗣冲激戰月餘。因無接濟。失利回滬。迨張勳復辟。復奉總理命回皖舉義。即就合肥六安聯合同志組織討賊軍。孤守兩月。未成回滬。兄冠三。弟冠武。冠人皆以身殉總理。以皖省逆軍密布。無隙可乘。旋命往閩粵。向各方有關係之同志接洽。九年與朱烈士子信。在虎門謀獨立。十一年復往閩。運動泉州張清儒等部歸誠。均以時格勢禁。收效未宏。十三年冬。奉總理命回皖倒曹。遂與現充七團團長劉顯廷。八團團長葛傳堯。九團團長常泰旭諸同志。在鳳台組合義軍。成立淮上自治軍第一路。嗣爲環境壓迫。往河南依國民二軍胡故督景翼。偏爲二軍第十五混成旅第一團團長。十四年冬。討伐張宗昌。在津浦

線南驛大汶口一帶。激戰五十餘日。卒以彈盡援絕。退至濟甯。後全部退至河南柘城。十五年河南全在吳佩孚勢力之下。無革命發展之可能。乃率部至北京西方駐紮。冀與國民一軍接近。復派代表往張垣磋商。應辦法以規復京津爲旨。適一軍因戰略關係。全體退往綏甘。致所謀未成。孤掌難鳴。而環境均爲逆軍。形勢險惡。適廣東革命軍已進展至湖北。遂決計回鄂。於九月間。自直西率隊南旋。沿京漢道南下。至衛輝。爲鄭州吳佩孚所阻。乃折而東經津封。暗渡黃河。由睢柘沈邱固始諸問道。至十一月間。至湖北之羅田縣。中間迭遭逆軍阻撓。全部除武器外。無一長物。足餐露宿。可爲極人生之艱苦。卒以主義所在。氣不稍餒。抵羅田後。柏公烈武已由中央委任爲三十三軍軍長。以所部改稱爲第四獨立旅。十六年二月。奉令入院。進佔英霍六安後。三月間渡淮。進佔鳳台。截擊逆軍王翰鳴部於岳張集。方期乘勢北進。乃以共黨搗亂。奉令退守舒城。與合肥第五師結爲犄角。遏張敬堯王翰鳴潘鴻鈞等逆軍。不得南犯。保全巢肥舒桐交通。爲黨軍二次北伐之順利。六月間奉令再佔鳳台。俘獲戰利品無算。擴充爲第三師。旋隨蔣總司令攻徐州。在銅山日激戰三晝夜。繼奉令退至合鳳。適孫傳芳部宋福田師大舉來犯。卒經擊退。十

月復奉令渡淮。三佔鳳台。山是克復懷遠。同鎮蒙城。渦陽。蕭縣。皖北一帶殘敵。刻期肅清。所部參加北伐。君生於前清光緒丙子。數十年來。奔走國事。迄無甯日。雖飽經憂患。屢遭險阻。而其擁護主義。靡敢少懈。精神奕奕。擅口才。長演說。常舉平生所經。以訓兵士。以勵後進。故所部興感。類皆以耐苦稱。至其革命事蹟甚多。茲僅摭其榮榮大者而記之耳。

## 伍毓瑞傳

伍毓瑞。字青巖。江西南昌人。自幼通曉時務。慨然有革新之志。弱冠入江西武備學堂。以成績優異。得送入日本士官學校。與諸同志謀改革。生總理及故上將黃克強先生。前後在日本之革命祕密計畫。多參與焉。辛亥秋。方屆畢業。適武漢起義。應黃克強先生召。祕密返國。參贊戎機。旋就江西軍務司軍學課長。未幾。帶領學生軍赴甯。參加北伐。兼任第二十八團團長。及湘議成。南北統一。因首陳裁兵節費之策。於民元春。自請解甲歸田。返省未久。復起任贛軍護衛軍參謀長。是年冬。省會兵變。黃夜率隊銖鋤叛亂。定變俄頃。以功調充第三團團長。癸丑湖口起義討袁。遇敵於附近灰山間。以一團當敵一旅。血戰三

晝夜敵將宵遁。乃因湖口水師失利。功敗垂成。維時省事無人主持。討袁軍總司令李協和先生。檄令星馳回省鎮懾。任以南昌衛戍司令。兼混成旅長。贛垣秩序賴以維持。旋因大勢不支。隻身赴日。與各同志共謀鞏固黨內團結。積極進行第三次革命。泊民四籌安會發生。袁氏僭號。乃奮臂而起。認討袁爲刻不容緩。偕黨中健者。相約赴滇。既至滇。與蔡松坡李協和先生。組織靖國軍。旋任第二軍第二梯團參謀長。兼第八旅旅長。取道桂粵。與粵龍僞督激戰於粵垣附近之源潭花縣江村新街間。奮鬥數閱月。粵垣抵定。嗣值潮梅叛軍勾結閩浙軍閥。稱兵犯粵。復親率所部出發討閩。卒以一旅之師。抗五倍之敵。轉戰潮屬之饒平黃岡大埔三河壩等處。困苦支撐者基年。事粗定。計議北伐。晉升援贛軍第四軍軍長。民十任桂軍總司令部總參謀兼第二軍軍長。當沈鴻英之謀叛也。首襲粵垣觀音山。復勾通駐贛之北方軍閥部隊。侵入北江。進逼至粵垣附近之新街。同時竊據東江之陳逆叛軍。亦進逼至粵垣附近之石龍石牌。大本營所在之革命策源地。勢如累卵。終能轉危爲安者。皆賴君先後合力抵抗之功居多。民十四兼任北伐增援軍總指揮。所向克捷。以總理晏駕。中道班師。全功未竟。時論惜之。蒙計十數年來。國內革命之舉。



或內而運籌參贊帷幄。或外面督師。身列行伍。幾無役不從。無謀不與其。可謂艱苦備嘗者矣。民十五充國民革命軍第三軍司令部高級參事。高安新喻萬壽宮之鏖戰與焉。贛省既定。充江西政務委員。現任江西省政府委員。並兼南昌市長職。舉凡省政市政之革新建設。及平民黨化教育。振興實業各要政。尤莫不慘淡經營。綱舉目張。人咸稱其爲革命之大軍事家。而兼大政治家。非溢美也。

## 徐庭瑤傳

徐庭瑤，字月祥，安徽無爲縣人。保定軍官學校畢業。民國十三年充建國粵軍第十六團中校團附。及第八旅參謀長。是年黨軍二次東征。肅清滇桂軍閥等戰鬥。均身與其役。十四年充國民革命軍第八團團長。十五年北伐攻閩之役。率部挺進。奇襲周蔭人大本營。擊破周部精銳三千餘人。攻入永定。周狼狽遁逃。僅以身免。餘均俘獲。由是周部聞風喪胆。其主力五萬餘人。乃克殲滅。是年十月調充獨立第四師副師長。十六年調國民革命軍第二師副師長。復升任第二師師長。十一月北伐攻徐。明光之役。以一師獨當一方面。

之劇烈戰事。而獲勝利。臨淮之役。孫傳芳以七師三混成旅之衆。大舉反攻。當全綫撤退之際。復奉緊急命令。率第二師固守臨淮。獨立支持。激戰四晝夜。不稍搖動。戰局轉危爲安。終克蚌埠。蒞軍十餘年。經過戰役大小數十餘次。每以奇襲夜襲而獲大勝。凡於戰事劇烈時。必親在戰線指揮。瀕危遇險。異常沉着。於緊急時。不動聲色。處置裕如。卒以制勝。馭下寬而得體。凡事與人無爭。每談軍事。多經驗語。爲人誠實簡默。克己甚嚴。樸質勇敢。勤勞好學。軍中稍有餘暇。便手不釋卷。兼好詩詞書畫篆刻之學。軍學書籍。著有步兵操典。草案之研究。衛科教育研究案。實戰指揮研究案。帶兵經驗語。青年修養語等書。頗爲一般軍官所重視。將來爲黨國建樹正未可量也。

## 王若周傳

王若周原名昌廷。粵之東莞人。性剛健。慷慨好施。與時有銜。意豁如也。清季政治不綱。民生憔悴。若常懷憶思奮。以爲非改革無以救民。非武健無以勝改革。於是入廣東虎門陸軍學堂。折節向學。爲水提李直所器重。保送於保定陸軍學堂。學成。遍遊大江南北。

一時志士多樂與之交。辛亥之役。隨陳英士。蔣介石諸先生在滬舉義。被任爲光復軍團長。維時國內鼎沸。而淞滬七邑不驚。君與有勞焉。南北宣告統一。遂請釋甲。既而就總統府邊防督辦署諮議。悒悒有年。蓋逆知北洋軍閥之殘民以逞。將自取覆亡也。民十一年。先總理開軍府於粵東。君浩然南歸。長粵軍第十六旅。自是東征討楊劉諸役。奮勇爲士卒先。北伐軍興。君以第十六師副師長。率部隨蔣總司令轉戰湘鄂。嶺南。以達南京。建功殊多。民國十六年冬。以功授獨立第六師師長。參與北伐。君待人以恕。治軍尙嚴。而尤忠於所職。效力黨國。將未有艾也。

## 楊士元傳

楊士元。字文卿。山東古滕人也。性機警。有大志。幼讀於塾。聰敏逾羣。兄士歧。試其志。使學賈君。請曰。弟當學定遠。威震異域。安能較錙銖於市肆耶。兄喜。語人曰。士元吾家千里駒也。適拳匪起於燕冀。八國聯軍陷津京。君恥漢族有城下之盟。復恨滿清割地賠款。喪失國權之不已。且稅歛繁苛。民生塗炭。邦國飄飄。危如壘卵。奮然曰。還我山河。興我漢族。毛

鍾子安可爲力哉。遂投筆從戎。隸北洋陸軍。旋挑入武備學堂肄業。丁未畢業。調入陸軍第六鎮充當教官。是年以中東交涉。隨軍赴東三省。任二十四標三營左隊隊官。當此時也。政府一意媚外。置民生於不顧。遂佐藍公秀濤。在奉天盡力秘密組織機關部。辛亥春。隨藍公成立民軍於大連。夏與清軍戰於遼陽。秋隨張公敬輿與清軍戰於樂州。冬隨商公起予。朱公圻。青率民軍入煙台。當時民國告成。君擬解甲歸田。適蒙人不遵國體。破壞共和。侵犯綏境。復隨張公敬輿北征。戰於滂江。白靈廟。二年始平。時袁氏秉政。外冒共和之名。內行專制之政。稱帝陰謀。路人皆知。於是偕劉冠三等同志。奔走秦晉。連絡武裝同志。以爲救國準備。丙辰與袁黨戰於潼渭之間。大敗之。隨率軍來晉。充騎兵連長。然天禍華夏。大難不已。丁巳張勳復辟。督師中討。與逆軍戰於北京前門。白刃衝鋒。遂潰其衆。旋調充第三團三營營長。癸亥軍閥禍國。出兵石門。截斷直軍後援。歡迎總理北上。升三團團長。丙辰升十九旅旅長。時黨軍席捲湘鄂。直下三江。君顧左右曰。中華太平有日矣。遂與劉定庵。王振鈞諸同志。成立省黨部於晉垣。從事訓練。丁卯入綏。任第三師師長。佐商公組織特別黨部於新城。以訓練武裝同志。六月晉援王式宣佈革命。君乃喜曰。軍閥餘

擊。僅存張逆。誓殲滅之。以完成革命大業。於是精求訓練。日不遑居。官佐之委任。不明主義者不與也。士兵之升遷。不明主義者不與也。且常川考試。獎罰兼施。黨務進行。實超常輩。九月東征。任第三集團軍左翼指揮官兼第三師師長。率領健兒。不旬日追逐千餘里。與逆軍周旋於下花園萬山崇嶺中。擊潰敵軍二師之衆。俘虜官兵千餘名。方期直搗黃龍。會師痛飲。後以戰略關係。轉進雁門。佈防嚴整。以禦敵侵。半載以來。敵雖誓死來攻。未能越防區一步。在此冰天雪地之中。槍林彈雨之下。對於黨務工作。仍不遺餘。曷。廣事宣傳。致敵軍相率來歸。逆料軍閥滅亡。必在指顧間耳。此爲君努力於黨國之大略也。且君勤勞國是。不避艱辛。其中雖屢經世變。然再接再勵。不懈初衷。身經大小四十餘戰。無不身先士卒。斬將奪旗。屢建奇功。蓋與士卒同甘苦。士卒樂於用命。故所向無前也。豈特爲晉軍之中堅旅旅。實黨國中之忠實武裝同志也。從此宣勞邦國。勳垂青史。將拭目待之矣。

## 涂思宗傳

涂思宗字質我。粵之蕉嶺人也。幼有大志。目擊國勢阽危。民生憔悴。常撫膺嘆曰。大丈夫須憐人。勿爲可憐人也。辛亥秋武昌舉義。粵中響應。不匝月而黨徽遍懸。南服姚將軍雨平組織敢死隊於汕頭。預備北伐。時君年僅十餘。方肄業蕉中。聞訊卽私約同志數人。質行李裹猴糧。星夜應徵至松口。憊甚。中道徬徨者半。君獨買舟東下。至鮀江報名處報名。以年少被拒。告以義憤。聽者動容。願終不能隨其從戎之願。後許公崇智督師入閩。取道蕉嶺。君復仗劍追隨。長官多壯之。但以其爲書生。僅委充記室。雖非所願。亦無如之何也。因致力於軍事學識。以爲後圖。民國八年。許公返粵。遂調充排長。所向無前。河源之役。陸逆以千人來犯。君以數十人。憑險拒之竟日。敵卒不得逞。後援軍齊集。遂大破之。九年隨先總理援桂。至桂林班師後。論功擢連長。其後追隨先總理。轉戰東西北三江。無不身先士卒。所向皆捷。遂晉升營長。十四年蔣公介石第一次率師東征。新圩淡水三多祝諸役。君率兵一營。與反革命軍血戰三次。追奔逐北。直抵閩西。帥長張民達以君有功。並素知君有刷新吏治之志。卽保兼大埔縣長蒞任。後政簡刑清。邑民口碑載道。至今猶稱道弗衰。及後蔣公回師廣州。平楊劉兩部。留駐潮汕。林劉諸部乘機復佔韓江。威迫利誘。無微

不至而君終不爲所動。師次淡水。敵謀益急。君率偏師遮斷港惠交通。帝國主義者之助亂餉械。無從接濟。粵軍八千勁旅之得於安然加入二次東征者。君之力殊不少也。至惠州下後。蔣公率師二次東征。君時爲團長。雙頭之役。林劉二萬餘衆。半殲於此。君亦參加是役。獲械不少。東征結束。君部改編爲國民革命軍獨立第二師第二團。君爲團長。馮公軼斐爲師長。後獨立第二師又改爲第十四師。君部改爲四十一團。奉令守興寧。林劉殘敵四千餘人入寇。君督五百之衆。禦之於合水。兵少被圍。抵抗益力。當敵猛攻時。君率義弁親上火線抵禦。死傷者弁三分之二。猶鼓舞士氣。相持竟日。後黃團副國樑奉命來援。遂大破之。論功擢少將。黃公國樑者。卽令之十四師師長。前第一師副師長也。是年秋。總司令蔣公督師北伐。連克湘鄂。移師東討。與孫逆苦戰南潯間。周逆又從福建乘虛襲潮梅。斯時君已由第四十一團改編爲第三師第七團矣。何總指揮親率第三師大破於永定。周逆逃遁。後協同十四師殲滅劉逆與松口。而君之威名益著。永松之敵旣滅。定閩之局遂成。至福州升第三師副師長。佐顧公祝同。經浙入蘇。渡江北伐。轉戰山東。至沂州而返。遂擢升第二十二師師長。十六年夏。孫傳芳傾師襲龍潭。而君率新編之衆。首當其衝。

苦戰七晝夜。寢食俱廢。不敢稍忽。後一七兩軍之得於從容殲敵。首都得免於動搖者。君之功亦不少也。是年冬。顧公擢第九軍軍長。君調任第三師師長。徐州之役。率師猛進。遂克堅城。迭經國民政府明令加獎。君喜留心時勢。尤淡泊名利。即嘗有中傷之者。亦不屑與較。其所以負我爲字者。殆卽此意也。且好讀書。閒及外國文。常欲解甲遍遊東西洋。考察政治。因迫於時局。未能也。時以總理知難行易之說。勉儕輩。並云今日之革命。卽自救救人事業。非依良心之主張。猛進不可。君之既往歷史。勇敢堅忍。不辭勞苦。勤謹檢樸。待人誠厚。此皆爲記者所知也。

## 袁德性傳

袁君德性。字壽亭。現年三十五歲。安徽蒙城人也。生十四日而喪母。年十五歲而喪父。賴祖父及伯父撫養成立。家又貧。養費幾不繼。年十六。入校讀。約年餘。以乏資輟學。遂流落少依。幸體強健。耐勞苦。且素具革命思想。嘗曰。吾輩農民。終歲勤勞。每不得一飽。不平等實甚。當求所以平之。爰於民國二年間。投入京衛軍充當兵士。處已刻苦。治事精勤。數年



之間。學謙並進。旋於民國十三年八月間。以積功升騎兵營營長。會奉逆出兵逼山海關。天津亂起。君即奉令率兵赴天津。及亂平。當讓防與孫同志前直隸督軍岳。即率兵回綏遠原防。十四年十月間。又奉令開往滄州。雪夜攻下杜林。以堵奉逆。蓋以津亂平後。郭同志松齡失利。奉逆乘隙入關故也。旋因全國各方面呼籲和平。函電紛馳。爲尊重令意。故戰備少疏。奉軍得以長驅入。及由滄州轉進至北京通州南黃村一帶佈防。戰機已迫。奉軍四面集。並已突破陣綫數處。維時君在石軍長友三部下。素以勇敢善戰名。爰奉令率所部獨力抵禦。君袒衣出立。奪回已破陣綫數處。並偕同左右翼友軍。率部約一營。獨當沿鐵路正面之敵數千人。且爲全戰線之凸出點。砲火集中。車徒橫衝。鏖戰至十晝夜之久。所部兵猶奮勇與爭。毫無懼色。後以奉逆在北京繁盛處。擲炸彈。擾亂地方治安。慘苦異於尋常。君爲尊重人道計。始奉令整隊退南口。旋以戰略關係。向西北轉進。經晉北下左雲。佔岱岳。攻雁門。綏遠諸役。沿途戰爭。大小數十次。山迴路轉。敵人憑險而擊。砲火雲飛。槍彈雨下。皆所不顧。且多爲背進戰。君率所部屢當斷後。阻敵追擊。全軍賴以安全退却。皆君之力也。後至包頭鎮。略少息。雪地冰天。艱苦備嘗。然所部士兵。以君能同甘苦。善

指揮士氣彌壯。窮且益堅。陰山內外。尤爲黃色民族。平添幾許聲色也。迨十五年十月間。以屢立奇功。由營長而團長。擢升至西北國民軍二十五混成旅旅長。仍駐包頭鎮。及馮總司令由俄歸國。在五原誓師後。君及所部士兵。更如赤子之得慈母。士氣愈奮發。主義愈堅定。遂愈從事於革命工作。對於地方建設事業。莫不盡力襄助以成。又因秦隴多匪。民不聊生。遂展轉遷調。到處平匪。與土匪戰。與兵匪戰。與荒漠大野。猛獸狂風戰。沙磧連天。寒氣逼人。其歷經艱險。有人世所夢想不到者。然猶以革命原爲民衆謀幸福。每次戰鬪之餘暇。親民生痛苦。爲民服務。爲民耕田。尤以在甘肅密店各處。爲佳民拉糞。爲商賈拉車。爲農夫築場圃。爲客旅負輜重。民解倒懸。人歌來蘇。並於每次對軍民演說時。常以全國軍民同胞。當互相親愛。引孔子老吾老以及人之老。幼吾幼以及人之幼二語。以自勗。勗人。而對於自己。反省克己之功。更爲重視。疊蒙馮總司令。記功嘉獎。後於十六年春夏間。隴西陝北。次第收平。遂率部進西安。出潼關。克新安。戰谷水。取洛陽。致頑強之奉逆。節節敗潰。旋復奉令將所部編爲挺進隊。陷鄭州。下開封。以一旅爲前鋒。當頑敵數萬之衆。逆兵環而進。槍劍如林。砲彈如雨。然皆猛勇。段敢死隊先登。新設砲。遂斃數千人。每獲

戰利品無算。馮總司令以君勞苦功高。爰於十六年八月間。升爲國民革命軍第二集團第三十八軍第二師副師長。旋又升三十師師長。兼開封戒嚴司令。藉以警衛閭閻。訓練士卒。君視事甫數月。軍民歡洽。奸宄斂跡。且君於整軍經武之餘。對於駐軍所在地。則組織掩埋隊。掩埋暴露棺骨。並飭士兵於道途之旁。栽種樹木。修治道路。掩旅葬亡。澤及枯骨。十年計成。葉綠子滿。熱心公益。於此可見。並於公暇時。率所部宣傳三民主義。頗見成績。又於戒嚴司令部內外。建設中山俱樂部。及平民公園。平民學校。尤爲河南新建設之一。對於鄉里。則傾其歷年從軍所應得之薪金。不營房屋。不殖田園。悉力創辦平民義務學校數所。灌輸民智。作百年大計。家中惟有舊屋數間。仍是昔年遺產。君之顧公忘私。作育人才。功在黨國矣。

## 戴岳傳

戴岳。字希鵬。湖南寶慶人。少深沉。有大志。嘗讀岳武穆傳。深慕其爲人。慨然有馳驅中原之志。因取其姓字以自名。初入邑東湖高等學校。繼投湖南陸軍小學。及駐鄂陸軍中學。

辛亥革命。與同志數百人。響應於湖南。旋隨革命前輩譚人鳳光復湘省。未幾復潛入山東奉天。謀聯合北方義軍。以搗北京。會共和告成。乃棄職入保定陸軍軍官學校。二次革命。復起。撥轅事敗。走滬上。游關東。考察東三省內情。及日俄侵略狀況。義憤填胸。於是復入保定軍官學校。亟思學成以救國。淬礪數載。造詣彌深。袁氏稱帝。乃與諸同志樹幟天津。力謀討袁。袁亡。回湘練兵。適傳良佐張敬堯繼禍湘。與之激戰於長岳衡耒者三載。有奇。民國十年。君任騎兵團團長。參於援鄂。趙李橋汀泗橋諸役。厥績甚偉。十一年。以礮兵團團長兼甯鄉安化益陽等縣勦匪司令。銳意鋤惡。民賴以安。十二年秋。譚畏公回湘。君任第一混成旅旅長。迨陳炯明叛軍兵逼廣州。調令援粵。擢任第二師師長。驅鄧部於始南。敗陳逆於東江。二次北伐。下贛州。破吉安。功雖未成。而志愈奮。回韶改編整理。君任整理處副監兼炮工兵督練處長。數月之間。兵愈精健。廣州連州二役。君率部削平。南路軍興。君總兵近萬。由肇慶入新興克三羅。會師高雷。不二月而南路大定。十五年。改編任第二軍第六師師長。兼韶州衛戍司令。銳意練兵。對於黨務政治。尤提倡不遺餘力。是年七月。奉令北伐。重出湘之桂茶攸醴。分途入贛。敗唐師於袁州。破鄧逆於新喻。會師吉安。

直下豐城。進圍南昌。詎敵堅壘死守。勢未易下。乃繞道大港口。與友軍猛攻南潯路。奮勇血戰。遂下南昌。孫傳芳入贛之精銳。殲滅殆盡。贛事既定。復率師出贛。東越仙霞。克邵武。破建甌。降周軍萬餘。閩人服其行軍之敏捷。紀律之嚴明。離甌之日。歡送者數萬人。謂前清左軍在閩。尙不逮也。自總指揮。命入浙。君與之會師衢州。奉令兼左翼軍指揮。血戰諸葛梅嶺者三晝夜。君奮勇當前。遂擊潰孫部三萬餘衆。杭城以下。旣而入皖。又擊走軍閥殘餘。遂會師進逼秣陵。敵以重兵死守。天厥山勢。不可卒拔。君乃率師直趨敵后。下石馬。逼雨花台。擊破直魯軍閥。自門立下。俘獲無算。渡江追擊。師次滁城。以後援不濟。徙駐宿松。未幾。鄂西告警。移師西上。與楊森激戰於仙桃鎮。里仁口。毛家嘴等處。楊部敗退。不一月。鄂西底定。乃整軍勦匪。衛戍宜昌。適討唐事起。復有當陽荊門之戰。破唐部數萬勁旅。順漢沔而下。會合友軍。克復武漢。十七年一月。駐軍仙桃。率部清鄉築堤。民深德之。請爲鐫像建祠。固辭未許。離仙之日。民衆繡旗歡送。道爲之阻。後奉令肅清楊森餘部。甫救平。而湘戰突起。遂由宜昌荆沙。渡江南下。縱橫力戰。復公安。克津澧。不乘旬而湘西又定。陳肅芳軍長笑謂之曰。貴部無役不克。洵常勝之師。鐵軍之亞也。君生平不兢權利。不徵

逐聲色。居官十餘稔。六秩老父。猶力田自給。致身愛國。無以家爲。惟以練兵爲大。勳業與士卒同甘苦。鶴俸嘗分犒軍士。故士樂川命。嘗曰。主義紀律。我軍生命也。述之於自殺也。故自軍興以來。轉戰六七省。屢瀕於危。志不少弛。嘗兢兢整軍飭紀。惟以秋毫憚民爲慮。益欲以一身之痛苦。解除民衆之痛苦。其誠於革命。念切民瘼如此。記者隨君同經戰役者有年。凡遇勁敵。輒不言不笑者竟日。及臨陣則身先士卒。左圖右策。靜心審度。雖彈丸掠而屹不爲動。平居靜默嚴毅。不爲士紳輩所逢諛。而遇平民則又撫慰周至。民皆樂近之。若君者。洵黨國之健將也。

## 李生達傳

李君生達。字舒民。現年三十七歲。山右晉城人。性豪邁。喜任俠。器度寬宏。少有火志。年十八。由中學轉入山西陸軍小學。研究軍旅之學。痛外患日迫。國事日非。即以學成改革爲己任。辛亥秋。武昌起義。太原響應。留學并垣者。多畏亂星散。君獨糾合同志。前赴崞縣。訓練民團。未一月。隨軍進佔大同。已而清軍反攻。總兵陳其華棄固城。而民團首領仍率軍

械亦不完整。君與同學均以一片熱誠誓死堅守五十餘日。敵圍始解。其相告成乃毅然辭職返校以求深造。癸丑夏。升入南京陸軍第三預備學校。適值二次革命。君復投入討袁軍。奔走呼號。備歷艱險。七年畢業於軍官學校。回晉後。歷充學兵團隊附連長等職。從事教育。凡閱五年。其施教也。以立志教品爲第一要義。嘗謂求學不以報國。若志不立。品不敦。學術適足以濟其奸。如今之軍閥政客。比比皆是。良可慨也。以故學兵出而任職。均能效忠黨國。皆君所教也。旋升營長。駐防大同應縣等處。紳商皆愛戴之。十五年雁北之役。君以代理團長。防守大同。有欲開城獻款者。輒嚴詞拒絕之。同城爲晉北重鎮。關係全省安危。何可輕棄。遂以一身任守城之責。慘淡經營。三月如一日。孤城竟賴保全。旋升第五旅旅長。十五師師長。兼晉北鎮守使。君治軍有法。接物以誠。去夏晉省易幟。君遂倡志。卽盡力黨務。提倡革命精神。九月北伐軍興。由同率隊直入逆境。未逾一月。克復懷安。宣化等處。泥河一役。敵以五旅之衆。恃險頑抗。激戰七晝夜。君指揮自如。以寡敵衆。斃敵二三千人。後奉命布防繁峙。晝夜辛勤。不辭勞瘁。鐵角嶺三次激戰。斃敵尤多。敵氣沮喪。戰況沉寂。而君乘此餘暇。仍爲村民部下。講解三民主義。若君之毅力精神。始終不懈。誠

82  
北方革命軍中之人傑也。

## 萬選才傳

萬選才。字得英。河南嵩縣人。生而奇偉。纔束髮。與羣兒戲。輒指揮行陣。步伍有法。鄉里父老多器之。及長。慷慨有大志。好馳馬試劍。削不平。弱冠。覩清政不綱。列強猾夏。土匪蠭起。憤然曰。國事若此。非革命不足以救國救民。弭內亂。禦外侮。乃組織地方保衛團。護鄉閭。爲革命進展地。一方賴安。辛亥武昌舉義。欲響應。鄉人不聽。去。民國九年。段氏西北軍潰擾嵩洛。君與張世臣、韓毓彬收其殘部。得槍數百枝。會革命先覺劉公雪亞。奉命以嵩軍入關。長秦省。君與其部將陸軍三十五師長愁玉現有同鄉誼。遂辭保衛團事。往投之。愁一見傾心。許爲將才。請於劉公。授騎兵營長。南定商雄。北收澄邵。白。皆君爲前鋒。愁師驍健。冠諸軍。得力於君者居多。以功升陸軍一百三十九團長。十四年。豫省軍備空虛。劉公眷念桑梓。命愁師如豫維護治安。君受命駐洛。副胡公立。督辦豫省。本屬同黨。君數勸愁往交歡。卒不聽。由是生隙。致同室操戈。愁敗沒。君率所部。退入嵩邑。保護鄉里。愁殘部



聞者多歸之。旋劉公集合舊部於興安。率部聽命。授第一軍第一混成旅長。常曰自改建民國。軍閥攘奪日甚。引起共產。民生倒懸。固由於帝國主義者之挑撥。尤患無真革命。每見劉公輒勸聯絡同志。澈底改革。公曰時未至也。請少安勿躁。十六年春國民革命軍第二集團軍馮總司令玉祥入豫。遂合兵。劉公任豫陝聯軍總司令。君以贊助。功升第一軍副軍長。兼第一師長。四月劉公拜駐豫軍兼東路軍總司令之命。君改升第二十五路總司令。八月第八方面軍成立。劉公任總指揮。君改升第一軍長。九月劉公奉命援魯。軍行考曹間。君受命任左翼軍。攻荷澤。不意右翼軍姜明玉等背叛。引敵入室。擾亂後防。斷絕糧道。阻撓歸途。考城總司令部亦被圍。君攻荷前鋒。已登埤間信。急撤兵。橫攻敵陣。圍乃解。遂戰於考城東。身先士卒。不顧性命。至激烈時。輒短兵相接。勇敢可知。終將逆軍擊退。守荷澤。復進攻之。十一月奉命撤退。詐敗誘敵。復戰於考蘭間之爪營。敵以重兵相薄。重砲壓迫。戰爭之激烈。爲歷來未有。後敵窺知我糧盡彈絕。復以厚賂顯秩相誘引。藉以煽亂軍心。君屹不動。暇輒爲前綫將卒。講三民主義。以堅其革命決心。愛國熱誠。敵卒潰。獲敵將潘鴻鈞。收其械。君之力居多焉。上峯嘉其功。劉總指揮請任以第八方面軍副總指

揮。兼第一軍軍長。馮總司令兼任以大名鎮守使。十七年一月奉命征直南。渡河。連克長垣、濮陽、清豐、觀城、濮縣等縣。所向無敵。旋待命濮陽。日率所部宣講三民主義。灌輸軍民知識。積極成立黨部。以期主義普及。俾革命早日成功。君年方卅七。他日爲國建樹。真無限量也。

## 李服膺傳

李君服膺。字慕顏。山西崞縣人。現任北方（現由中央命令改稱第三集團軍）國民革命軍第七軍第十四師師長。兼右翼地區副指揮。少儻有大志。光宣間。見清政不綱。志圖改革。會先總理創設同盟會。君即應時憤起。襄贊其事。結納同志。以待時機。辛亥起義。督督閻公。委君爲民團教練。昕夕從公。慷慨激發。能使民氣振奮。直搗雲中。二次革命。湖口遭挫。同志三十餘人。被困南京。君乃隻身問道歸晉。報告閻公。復齎款冒險南下。長途跋涉。無間曉夜。其熱誠毅力。深爲同人等所欽佩。討袁之役。諸同志分途舉事。令君坐察北方動靜。遂以一身潛伏虎口。無所謂危。其醉心革命有如此者。十五年北伐軍興。國民

革命軍北方總司令閻公興師討逆。五路併進。令君率偏師東下。問道倍馳。不旬日而陽原蔚縣相繼克復。又大敗逆軍於門頭溝。青白口。直逼燕都。京師因之震搖。逆軍遂以喪胆。而君之用兵之神。其勇敢之氣。亦可知矣。迨後戰略變更。奉命轉防要區。憑險據守。殺敵甚多。使逆軍不敢越雷池一步。以逞其反噬之謀。是其功有足多者也。編者按李君爲人爽直。治軍嚴厲。每戰必身先士卒。勇謀兼施。洵黨國之將才也。

## 高桂滋傳

高桂滋。字培五。陝西定邊人。肄業西安講武堂。旋游日本。嘗從井勿幕。於晉陝之交。多所贊畫。井亟稱其能。井死。革命之志彌堅。倡義陝北。屢興屢蹶。旋入平涼。張兆鉅慕其賢。禮爲上客。靖國軍興。胡景翼張鈞等。聯合各路義師。推于右任主陝事。胡知君甚久。署爲營長。十一年夏。直奉之戰。奮勇當先。乘勝定河南。及直奉再戰。君渡喜峯口。激戰於平泉。會吳佩孚驕蹇坐大。馮胡班師。曹吳崩潰。胡景翼督豫。精卒十萬有餘。所謂國民二軍是也。當是時。馮胡聲譽振一時。奉陰嗾慈玉昆等出潼洛。與胡爲敵。胡命岳維峻督師出豫西。

與愍大戰於黑石關。君爲首功。事定授團長。士卒倍之。移駐武安。君治兵整肅。士卒久經劇戰。同儕皆敬憚之。國奉之役。岳維峻遣鄧寶珊入定津南。君爲前鋒。與奉軍血戰十餘日。是爲馬廠之戰。君士卒無不一以當十。將奉軍擊潰。君率所部首抵天津東站。直隸大定未幾。豫鄂聯防之約。爲奸人所破。吳佩孚乘隙進逼豫南。汴事岌岌。時君位雖偏裨。衆只數千。然爲各方所倚重。及君星夜回援。汴已不守。米振標統毅軍暫駐開封。一日數驚聞君馳歸。大喜過望。授君爲毅軍第五旅旅長。後君奉命北上。駐節西苑。國一軍退扼南口。北都淪陷。孫總理靈柩厝碧雲寺。逆軍時來窺伺。意甚巨測。君日夜督守。殲害得以無恙。時論偉之。及國民革命軍入武漢。授君第八獨立師師長。駐豫之淮陽太康西華撫定安輯一隅以甯。十六年夏。君奉令與唐生智張發奎部諸軍會師拒奉逆南下。因激戰於周家口逍遙鎮等處。卒敗奉逆於臨潁。各路大軍雲集鄭州。自是奉遂絕迹於黃河南岸。惟張宗昌吳佩孚諸殘部盤踞豫東。尙十餘萬。君奉令獨力剿除。下鹿邑。克歸德。先後解決寇英傑郭振才。閻日仁孫殿英各部。有來歸者。君以地方苦兵久。暫予優容。以紓民困。惟田惟勤首鼠被戮。其衆二萬餘人。屢欲附君。君惡其攜貳。不少假借。其治軍之嚴類如

此當是時君駐軍豫皖之交。屹然爲兩省重鎮。中央進授爲國民革命軍第十九軍軍長。率師入皖。擊潰袁家驥張敬堯等。賴上霍邱諸反側。相繼逃竄。旋命君肅清淮泗。以靖後防。秦慶麟勾結奉魯。竊據阜陽。爲南北巨害。阜陽居淮泗之衝。爲皖北巨鎮。縱橫三百餘里。秦慶麟懾君聲威。阜陽民衆亦爭附高軍。阜陽遂下。秦師悉數遣散。積年通寇。不崇朝而掃蕩無遺。人心大快。尤服君用兵之神。同時張繼武部亦全數潰散。巨匪湯永光王國頭有衆萬餘。颺忽皖豫二省。搜剔炮烙。慘于白狼。各軍相望。莫敢誰何。君至阜陽。生擒二匪。伏法之日。遠近傳呼。曰是真青天白日也。君治軍嚴整。深斥姑息。暇時尤喜與僚佐傾譚。娓娓不倦。英姿卓犖。年甫三十餘。華年楸績。人一見無不傾折者。近日中央授君爲國民政府軍事委員會委員。其軍亦改爲國民革命軍第四十七軍。已奉命全軍北伐。爲黨國宣勞矣。

## □李紀才傳

李紀才。字乾三。鄂之均邑人。其先世皆力田。六歲時。值歲大校。其尊翁攜家避荒於秦之

富平。仍業農。久之以勤儉起家。頗足自給。遂家焉。君少有大志。與里閭羣兒嬉。卽部勒之。類兵法。稍長。覩清政不綱。民困塗炭。慨然動種族之念。迄庚子清帝后被列強迫遁入秦。君目覩帝國主義者之殘暴。清室割地喪權之不惜。益憤然有還我河山之感。乃投入陝西新軍。一標三營。而蓄志革命。基於是矣。在伍操練暇時。卽本民爲主人之義。痛陳同伍前。有時淚隨聲下。聞者無不感動。全營士兵。遂隱然樂聽君指導。迨辛亥武昌起義。君聞電拍掌高呼於衆曰。我輩所日夕祈禱之業。今人已先我爲之。我輩尙能默爾乎。於是陝西新軍舉皆嚮義。清廷文恬武嬉之官吏。聞風逃竄。而大好長安。遂頓入革命旗幟之下。君彼時位非崇高。而裨益於民國大業已如此。及清廷遜位。君自歉學識未宏。毅然棄伍入陝西軍官學校。以求深造。畢業後。任十四標教導隊隊長。而聲譽益大起。民國三年。白狼以狼奔豕突之勢。竄入秦境。君率所部堵截。白狼大創而遁。秦境遂安。四年。督陝者爲陸氏建章。媚袁勸進。殘殺民黨。君乃與胡笠僧。曹俊夫。井勿幕。諸同志。陰相結合。起討袁兵於秦之北部。未幾。聲勢大振。而陸氏遂被逐。代陸者爲陳柏生氏。陳知君勇且才。羅致君爲騎兵營營長。十年。安福當國。君與陳氏所見異趣。遂於興平宣佈獨立。旅歸胡笠

僧司令。編爲靖國軍第九支隊。君效忠民黨之志。乃更暴著於世矣。十一年。直奉釁開。君知若輩軍閥末日已至。遂率所部隨馮公煥。章胡公笠僧相繼入豫。易九支隊名稱爲陝西陸軍第一師步兵第三團。第一師師長卽胡公也。時豫督趙倜與奉張勾結。汴鄭間情勢岌岌。君至鄭州甫下車。卽與趙之師長寶德全激戰。日未移晷。覆滅其衆。旅趨歸德。豫東鎮守使王爲蔚聞風潰走。於是中原局勢危而復安。是年六月。奉命駐防正定。而曹錕衛隊旋忽在保定譁變。君聞警親往戡定。地方賴以無恙。十月有巨匪大金保者。在彰德大名一帶猖獗甚。君又往勦辦。數日卽平。未幾而竄擾數省之老洋人。盤踞豫南。亦爲君擊潰。一年之間。未嘗頓兵。而所至克捷者。君之誠信。有衆樂於効命。君之智勇。敵匪聞之膽寒耳。以功擢第二旅旅長。十三年九月。直奉之戰再起。君隨胡公笠僧徑出西峯口。轉戰至赤峯。崎嶇數千里。所向披靡。無與敵者。迨馮公煥章。倡議班師回燕。君亦旋師至楊村。復與直軍潘鴻鈞戰。生擒鴻鈞。而湘天戰事始告結束。及十四年春。胡公笠僧以國民第二軍軍長奉命督豫。君爲先驅。漳河一役。寇英傑張福來僅以身免。胡公乃抵汴。任君爲開封警備司令。兼第九師師長。十月又拜國民第二軍討賊軍總指揮之命。出兵山東。

旋經政府任命爲山東查辦使。所志未逮。正深惆悵。而十五年北伐軍長驅武漢。不旋間。席有東南。君遂開關來鄂。蔣介石總司令素重其人。一見卽任爲暫編第二軍軍長。君益爲感奮。思招集舊部。參加北伐。川以完成國民革命。不意唐生智佔據武漢。別具肺肝。知君爲民黨健者。決不能爲所愚。對於君應發之餉械。均靳而不與。君悲憤填膺。苦於驟莫如何。乃轉走大梁。途遇馮公煥。馮公欣慰甚至。又以第二集團軍十九軍軍長相昇。促其仍回鄂成軍。今所部已復規模宏具。日事訓練。暫駐德安。清共勦匪。一俟地方稍安。借酬桑梓。卽轉旆入豫。努力北伐。以竟其平生之志。君今年甫四十有一。而勲業已足爛然革命史冊。他日所成。有待續述者正多。謹當濡筆以俟之。

## 田雄飛傳

田君名雄飛。德三其字也。陝西榆林縣人。十七人邑庠。督學朱公調之肄業宏道學堂。鑑於國家衰弱。不振慨然東渡扶桑。值革命潮流驟形高漲。君於時加入同盟會。辛亥武昌起義。乃與同志聯袂返國。由滬而甯而武漢。奔走數月。迨清帝退位。民國成立。以學業未



竟仍赴日。偶見日人所著支那瓜分之命運一書。對我國民詆譭無所不至。義憤填膺。窮月餘之力。譯爲漢文。期以喚起同胞。書成未旬日。初版售罄。國人思想精神爲之一奮。發丑袁氏帝制之野心漸露。陝省當道將以延長石油鑛抵借外債供私人揮霍。君與曹俊夫黃天行等。被推爲代表。回國爭持。陰實鼓吹革命。事洩。當道下令通緝。微服出關。行經鄭埠。幾被捕。倉黃奔漢。晤友。始悉各地報紙均已揭載其事。知不可留。星夜附輪赴滬。同鄉李孟符于右任諸先生。一見大驚異。蓋誤傳已遇害也。由此再東渡。而學校官費已停付。典質稱貸。備嘗艱苦。始於民國四年畢業於東京早稻田大學部政治經濟科。歸國執教滬上。時正袁氏積極籌備帝制。君於課餘。屢爲文投各報。駁斥其非。民五袁氏既死。民國復活。山滬歸陝。因當道嫉忌之。北京未幾督軍團梗命。張勳挾清帝復辟。舉國騷然。正人遠引。君乃執教鞭於汴垣。民七段祺瑞以武力解散國會。先總理倡護法於粵東。由汴赴滬。偕友人粵。時友人胡筮僧。岳西峯。曹俊夫等。亦建靖國軍旗幟於陝西。奉軍政府命。勞其軍。繞道陝北。徒行八九百里。時靖國軍已復三原。涇陽。高陵。耀縣。同官等八縣。總司令于右任留贊軍務。繼派赴上海辦公。民十馮公煥章率部入關。陝局統一。因歸省。馮

公延請臂助。君亦慕其治軍嚴明。持躬勤儉。與之談。更知其富有愛國愛民思想。樂爲之助。初辦陝省臨渭河北稅務。兩月收入。已超過全年比額。民十一。隨同出關。奉委襄城縣知事。當軍事之後。蕉荷遍地。由許昌下車。易服徒步抵縣城。因防匪門晝闔。立候兩小時。始開。人署吏役不識。環視怪問。迨先遣者來。衆方知爲新令。是晚匪卽率衆攻城。君集商民多方防禦數日。佈置略定。又親率警團。並約會鄰封駐軍。合力圍剿。前後數月。斃匪百餘。生擒數十人。地方漸次肅清。而巨匪老洋人。山皖竄豫。連陷數邑。距襄城不百里。人心惶恐。君鎮靜如平時。沐雨櫛風。曉夜防巡。幸保危城。襄人自今德之。十二年。奉馮公電調北上。供職陸軍檢閱使署。十三年秋。吳佩孚窮兵黷武。馮公心甚非之。與胡笠僧孫禹行二公。組織國民軍。通電班師。以解國人倒懸。君奔走其事甚力。十四年。奉張侵略江淮。肆擾京畿。國軍出兵討之。君往來張北大梁間。接洽一切。而吳佩孚復起。擾亂河南。致京津一帶。國軍受其影響。退守南口。君時任直隸口北道尹。籌劃餉糈。日夜勤勞。越六月。復隨軍西退。過柴溝堡。火車互撞。死傷數十人。君幸免。而行李損失一空。隻身徒步。達平地泉。始乘車至綏。遠旋赴寧。夏不數日。馮公由俄返國。於五原誓師。就國民軍聯軍總司令職。

（現由中央政府命令改稱第二集團軍總司令）君同張之江、薛子良、二先生、由寧夏往見馮公。雖當失敗之後，而精神倍增，即隨赴包頭閱兵。又代表慰勞綏東各部隊。嗣馮公移節寧夏，留君任包辦公。陝圍解後，馮公計畫出潼關東征，命君至神木榆林與孫禹行、井崧生二公接洽要公事。竣由太原繞歸潼關。時十六年五月也。大軍已東發。馮公駐潼指揮，命君辦理陝靈非虛四縣稅務，以濟餉糈。迨鄭汴收復，奉調鄭州商埠督辦，值賈魯金水兩河氾濫之後，君即計畫疏濬，旋調豫南道區行政長。蒞任後，積極提倡放足，辦理平民學校，組織講演團，并設黨政訓練班，頗著成效。十七年復奉調陝西省政府委員兼建設廳長。於二月一日宣誓就職。陝省鄙處西北，文化實業，在在落後。君延請各項專門人材，從事水利、鑛產、市政之調查，進行并督促各縣育苗造林，親率全廳人員植樹一萬數千株。又命各縣努力修路，以利交通，興辦水利，以資灌溉，復爲西安市民便利起見，鑿渠引皂河入城，以供飲用。又修各大街馬路，以便往來。更籌設陝西建設人員訓練班，期造成建設人材，各項事業正在進行，將來陝民當受福不淺也。

## 余仲麒傳

余仲麒。別字順塘。籍隸廣東南海。自少從戎。卽具革命思想。與海內同志。努力革命工作。推翻四千餘年專制。建設真正共和。當壬子之秋。追隨黃克強先生。師次南京。大舉北伐。嗣以清帝退位。南北議和。癸丑之役。隨李公協和。移師江西。詎袁氏繼任總統。不惜倒行逆施。李公偵知圖謀不軌。首先發難。聲罪致討。沙河賽湖諸役。將敵擊潰。無如當時各省都督。受袁氏賄賂。甘爲鷹犬。卒未能一致聲討。致難竟全功。迨至丙辰。袁氏稱帝。舉國護法。君時任連長。隨軍肇慶討龍。輾轉數年。而革命之志。仍未得伸。復於民八。入兩廣護國第二軍講武堂修學。癸亥春。君擢升營長。祇以環境所限。建樹莫山。遂決心引退。冀再從事革命工作。服務黨國。無如志仍未達。於是韜光養晦者數年。惟念男子盡忠黨國。効命疆場。義不容辭。責有攸歸。丙寅秋。君投入閩省陸軍。升任第九團團長。是年革命軍興。會師武漢。君與曹公際昌。移防武平。響應革命。擢升第一師前敵指揮官。由閩杭軀。遂周蔭人。永安一役。收編周部。護槍砲數千。輜重無算。建功殊多。嗣後又移師延平。閩侯。遂周逆退走浙江。丁卯春。而君擢升師長。復當閩侯出發。江浙海門之敵。已聞風先遁滬上。未及追繳。我師變更戰略。轉向長興前進。常州一役。奮勇前進。首先截斷滬甯鐵路。遂使孫張

二逆首尾不能兼顧。狼狽退回江北。惜乎南京滬上戰役。未及參與也。於是奉命渡江北伐。師次揚州。卒以接濟不及。前線失利。暫退鎮江防守。君時兼任鎮江戒嚴司令。節節佈防。不容少懈。迨至補充裕如。復奉命渡江北伐。邵伯一役。敵被我軍擊退。與友軍會攻海州。轉佔山東日照。而孫部潰不成軍。張之直魯軍亦聞風喪膽。滿擬會師濟南。直搗幽燕。詎料共匪擾亂。武漢牽制未克前進。迨後厲行清黨。我軍從容移防江南。以圖再舉北伐。經三次渡江。而板浦一役。君部與獨立第一師奮勇力攻。擊潰敵軍。張宗輔全部均鼠竄而逸。是役也。君與官兵。雖屬効命。幸托先總理在天之靈。又得民衆協助之力。始克有此勝利。君此時遠戍淮海。候命前進。此後直搗幽燕。與友軍痛飲黃龍。使一切不平等條約。永遠廢除。先總理之三民主義。得以實現。北方民衆。得以早日脫離軍閥壓迫。共享昇平景象。爲君惟一之志願耳。

## 張森傳

張森字木菱。湖北麻城人。由縣高小學校。攷入湖北陸軍小學。升中學。進保定入伍生隊。

辛亥武昌起義。君即赴滬組織決死隊。光復上海。旋改編爲第十師。授參謀團附等職。君辭去。仍返軍校。時同校諸生。要求改良教育。君列爲代表。當局憤怒。風潮擴大。袁世凱取高壓手段。派員查辦。置君於獄。威嚇備至。生命幾危。君卒不屈。致國會質問。及各省軍事代表調解。力保始得開釋。君時年二十有五。其嶄然露頭角已如此。畢業後。歷充湖北第一師排連長。四川督署參謀。護國護法各役。均南北奔走。密圖大計。民國十年。湘軍及夏斗寅鄂軍援鄂。充總指揮部參謀。旋充湖南講武堂教官。十三年。充鄂軍營長。兼教導隊隊長。十五年。春升團長。北伐聲盛。趙恆惕去職。時唐議退保湘南。君與夏旅長及參謀長萬耀煌。主張促唐與粵方一氣。師次瀏陽金剛頭。內有一部受吳勾引。不願附粵。致夏旅長離職。山瀝赴粵。君團遂被監視。時湘潭以北。長沙以東。布滿吳軍。及不附唐之湘軍。與唐軍激戰。君獨率四營。突破環境。間道走衡山。急電粵。請夏旅長到衡。就鄂軍第一師師長職。是爲鄂軍存亡一大關鍵。而君之冒死赴義。虛位以待長官。固非夫人之所能也。自是大舉北伐。鄂軍攻克湘鄉。益陽。漢陽。安陸。應山。各役。無不由君率所部奮勇登先。是年冬。肅清鄂西。君以一團之數。擊平學忠等部萬餘人。於當陽長坂坡。敵望風潰。十六年春。

進駐宜昌奉命改獨立第十四師。君任旅長。寧漢分裂。漢政府爲共產黨所挾持。鄂人慘痛。不敢稍有微言。而宜屬土匪蜂起。雖由君部肅清興山。秭歸。長樂等縣。乃川軍楊森部。日思攪奪宜昌。漢政府深信無他。且接濟械彈。而猜忌獨立十四師。君憤慨特甚。雖欲與旅長萬耀煌。祕書曾魯達。祕倡回師。猛襲武漢。剷除共黨。然環境險惡。力有未逮。倉猝舉行。徒遭損失。幸夏師長久蓄此志。誓救黨國。成敗利鈍。亦所弗計。遂決由宜昌沙市潛師嘉魚。通電討共。萬耀煌進攻紙坊。君任對湖南警戒。武漢大震。終以弗克制勝。集中崇陽。漢政府解以獨立混成旅旅長職。君笑罵不已。且戰且走。經通山大冶。山黃石港渡江。至英山太湖。奉令改新編第十軍。君任第二師師長。旋調東下。追擊逆軍。蚌埠徐州兩役。君任前敵衝鋒陷陣。異常得力。國府頒令嘉獎。今改第二十七軍。君任六十六師師長。君爲人坦率勤儉。得士兵心。故能川命。著有戴督循若被難記。湖南援鄂戰紀。內實陣中日記等書。祖靜菴公博通好奇。君幼承庭訓。輒講授孫吳兵法。亦略見其淵源之有自己。

## 潘文治傳

潘文治字華庭。粵之番禺人。父鼎榮。居鄉。君年甫七齡。隨父鄉試。寓羊城雙門底廣金輪  
 店。在對門之聖教書樓見總理。導至醫室。撫君頂而。言於乃翁曰。此孺子可教也。幸眷視  
 之。此乃君第一次之見總理也。嗣後肄業於鄉塾。年十七。由童生選入黃埔水陸師學  
 堂。畢業後。派落海圻艦見習。以勤勞遞升至槍炮大副。清宣統三年。隨海圻艦開往英美  
 撫視華僑。留英監造肇利應瑞兩艦。君在倫敦時第二次見總理。即加入中華革命黨  
 運動。海圻回國。以應四川革命起事。民二隨艦駐煙台。適關外軍反。往勦平之。傷小腹。旋  
 愈。以功升海圻艦協長。是年秋。運動海軍同志倒劉。謀去袁羽翼。運動海圻他去。避免升  
 賀袁禮炮。民三袁帝制自爲。運動海軍獨立。隨海圻南下。響應雲南起義。以功升兼第一  
 艦隊參謀。赴汕驅莫擎宇後。回駐長江口。反對與日訂立之二十一條密約。日軍艦開來  
 長江示威。君率艦拒阻之。民六隨程總長護法南下。由是討陸逐莫驅洪。均參加戰役。以  
 功補授豫章艦長。民十一陳炯明背叛總理。海軍長官勒迫簽字同意。君憤而去職。民十  
 二沈鴻英稱兵粵垣。佔據悅城。君奉總理命。督帶永邦楚豫兩艦往討之。途會李公任  
 潮商定水陸夾攻之策。遂克復西江各縣。乘勝溯流而上。入梧。援桂。民十三在飛鵬艦任



練習艦隊司令。廖公仲愷到艦加盟。是年冬辭職返鄉。担任農民運動工作。民十四率領農團。隨蔣公中正勦滅劉楊氏。十五在粵任海軍局長。創組海軍各黨部。民十六張黃回粵辭職。民十七任虎門要塞司令。現年四十六歲。計置身海軍。後及前二十年。日以救國爲己念。君性情豪俠。不貪財帛。至今兩袖清風。嘗謂上無父母記掛之憂。下乏兒女牽累之苦。正可獻身黨國。努力革命工作。以隨諸先烈之後。如君者。眞公而忘私也。

## 郝夢齡傳

郝夢齡字錫九。年三十歲。直隸藁城縣人。保定陸軍軍官學校畢業。出校後。分發西北。嗣聞郭公茂宸在東省延攬人才。對於軍官學員尤爲重視。君即銳身往投。頗蒙優遇。五年之內。由排長漸次升任團長。十四年冬。郭公灤州誓師。返旆討奉。君自告奮勇。負弩前驅。累戰皆捷。直迫瀋陽。乃張作霖甘心賣國。賄買日帝國出而左袒。致使郭公功敗垂成。君亦負傷。赴大連治療。疾未愈。適聞魏公益三在榆關收集郭公舊部。重整旗鼓。繼續奮鬥。因偕同志數人前往。復任團長。在九門口小河口一帶。以一團之衆。亘百餘里。正所與頑

逆激戰三晝夜。殺敵無數。奉逆迄未得逞。嗣與馮軍換防。開駐保定。整頓數月。復有西北之戰。以首克蔚縣。擢升旅長。十五年秋。移師南下。屯駐信陽。十六年夏。奉令參加北伐。升充國民革命軍第三十軍副軍長兼第二師師長。進抵上蔡。因反革命之田軍負隅遂平。奉調圍攻。相持匝月。終得攻陷。全部收降。乃北伐甫告段落。而武漢政府爲共黨把持。創議東征。急於星火。唐生智以魏公不附東征之議。心懷猜忌。橫施壓迫。並唆使前副軍長彭振國乘機倒戈。君率第二師在橫店黃陂一帶。與唐軍激戰兩日。卽隨魏公率部問道入皖。屯駐六霍。魏公痛心世變。毅然高蹈。乃由君以副軍長名義兼代軍職。統率部衆。並以在皖參加北伐。兼任江左軍第五路指揮。甯漢合作。清黨以後。國民政府明令西征。君遂電請魏公。東山再起。加以政府諸公及各同志之敦促。魏公始肯回任。君拱讓軍權。退就今職。光明磊落。大義昭然。及督師西進。討唐繼以討楊。參贊戎機。奮勇殺敵。先後克復英山、羅田、黃陂、及荆門、當陽、宜昌諸名城。皆與有力焉。此後爲主義而奮鬥。奇功偉績。正未有艾也。

## 萬耀煌傳

兵家審勢知其能勝而爭爲之。此恆情也。知其不能勝而仍敢爲之。適出於義憤。雖敗猶榮。一端已足千古。黃岡萬君武樵。保定軍官學生。畢業於陸軍大學。辛亥。陳其美督滬。爲訓練處長。黃興設總司令部於漢陽。爲參謀。民國六年護法。荆沙自主。爲營長。後就山西軍事教官。十年湘軍援鄂。爲總指揮部參謀。作戰計劃。咸出君手。旋爲鄂軍參謀長。厲行軍事教育。幹部人材。由此蔚起。十五年春。方本仁、夏斗寅密謀聲討吳佩孚。君奔走湘贛間備戰事。乃湘贛局勢同時變化。其謀遂敗。吳軍逼湘。隨夏斗寅赴粵。轉衡山。復任團長。率部北伐。擔任大軍左翼。攻克漢陽。孝感。應山等要地。建績殊多。旋追敵至平靖關。復轉戰當陽。遠安。擊潰逆軍數萬之衆。鄂西底定。隨駐宜昌。升副師長。改旅長。時共黨勢熾。君集十餘機關團體。組聯合會。維持治安。君爲主席。共黨張目而視不得逞。故鄂西受共黨禍較輕。君睹共黨橫行不法。已深惡痛絕。嘗發直揭武昌之議。及夏軍長斗寅回沙市會議討共。君極贊助。示志堅決。雖敵我兵力懸殊。事誠義舉。成敗利鈍。在所不計。遂急馳嘉魚。夏軍長令君率部猛進紙坊。衝突血戰。斃敵甚衆。武漢大振。飛調赴援。時受共黨指揮之軍。奚止十倍。夏軍長以敵雖受創。而君旅犧牲亦大。卽入武昌。終不能守。遂令君退。時

武漢政府爲共黨把持。餌以獨立混成旅長。君大笑。且戰且走。忽數縣渡江而東。一時風聲所樹。敵膽已寒。火熱水深。民禍漸減。而誓死前驅。迎頭痛擊之者。則君也。夏軍長遂升君爲第一師師長。旋隨軍北伐。奮勇前進。攻克蚌埠徐州。戰績卓著。今改任二十七軍六十五師師長之職。君年三十有七。精明強固。堅耐勇敢。凜然有英雄之氣。他日爲國建樹。未可量也。

## 孫長勝傳

孫君長勝。籍隸山東禹城縣。世以耕讀相傳。至君。家中落。遂廢學。然幼承庭訓。愛民之誠。救國之志。未嘗去諸懷抱。前清丙午年。投身軍界。自茲歷充淮練陸巡軍官。久居塞外。專任邊防。地方多匪患。賴君勦撫。而民生得安。民國成立。君方幸專制已除。自由幸福。當可立現。而國難迭更。盜賊愈熾。君實痛焉。自民二以來。察多征蒙。綏包勦匪。皆躬與其事。未敢稍圖安逸。迨袁氏帝夢。洪憲發生。是時君充任直隸巡防管帶。調赴綏西勦匪。隱念民國將傾。與同志密謀光復。乃因力薄勢孤。未敢造次。及籌謀就緒。而項賊適奉事途中。殺

十五年冬月。率隊至晉。頗受北方國民革命軍督綏總司令（現由中央政府改稱第三集團軍總司令）閻公知遇。畀以師長之任。組織革命軍。十六年七月。師黨部成立。君即督飭部屬。整頓訓練。實行革命工作。九月二十九日奉命出發。任爲第八軍前敵指揮。兼騎兵第三師師長。當將本部分兩路出動。君帶騎兵兩團附機槍一連。進攻涇源。令徐旅長率騎兵兩團。步兵一團。進攻蔚縣。均於十月一日同時佔領。同月四日。將本軍各隊集合。留步砲據守涇源。君率領騎兵各團。由倒馬關出動。進攻唐完。身先士卒。奮勇猛進。與敵鏖戰數晝夜。即將該兩縣完全克復。旋因改變戰略。縮短戰線。奉令撤回。掩護各軍退却。茲後四個月之間。無日不與奉敵逆軍抗戰。以保我軍之從容撤退。俟各軍之防守工作完成時。君始率隊撤駐晉省之代縣。城西古城鎮一帶。休養補充。以備再戰。而期北伐之早成。君嘗勉其部屬曰。凡我國民黨軍。須同心共濟。努力奮鬥。完成革命工作。奠定民國基礎。上慰先總理在天之靈。下符蒼生霖雨之望。不特爲黨軍之榮。實爲民衆謀幸福之計。而君之忠於黨義。於此亦可見一般矣。

## 劉春榮傳

劉春榮字性邨。現年三十二歲。直隸滄縣人也。世爲邑中望族。君成童時。卽耳熟其鄉先輩張溥泉之言論。醉心中山學說。蓋沈浸寢饋。匪伊朝夕。袁氏稱帝之後。國事日非。君乃益窺革命之奧。思欲獻身黨國之志願。亦益臻堅定。爰畢業於保定陸軍軍官學校。其在校也。徧結校中同志。日以黨務相切劘。畢業後。游兩湖江浙。與南中諸君子。互通聲氣。且默籌黨務之進行。爲將來從事工作之預備。其所得有足多焉。滄地民風剛勁。縣屬鄉閭中。不乏尙任俠矜氣節之士。而團結力亦至偉。君平時極意與之聯絡。以備緩急。能爲己用。奉直之戰。鄉團截獲奉軍輜重馬匹無算。奉軍引爲大創。實君陰有以左右之也。歲乙丑。君供職國民第二軍第四師。與魯張戰於兗濟間。臨陣指揮。節節勝利。濟城之不拔者。間不容髮。卒爲友軍所牽而退。論者至今惜之。丁卯春。奉軍突佔鄭州。君方任警備司令。與高軍長伯琴。互相犄角。肉薄激戰。高氏以身殉焉。當此時。君之得全生命者。亦天幸耳。是年冬。經中央政府。任君爲獨立第八師師長。適楊森據鄂西反叛。君駐天門。與魯軍長滌平。魏軍長益三。李軍長榮。劉師長和鼎。同拜西征之命。立即率師。首先前進。一戰而復沙洋。再戰而收河溶。自是轉戰無前。直驅川軍於鄂境之外。一時輿論。莫不曰最先與

川軍演戰者八師也。最先到達宜昌者亦八師也。是役山勢崎嶇，糧道千里，而士卒恪守紀律，秋毫無犯。老稚男婦，夾道歡迎。蓋人民受川軍痛苦至深，故一旦解除，直不啻出水火而登衽席。君之爲人，沉默鎮定，當機立斷。雖處震撼危疑之時，猶能力持其不屈不撓之態。其治軍也，推心置腹，而訓練與紀律，則絲毫不容寬假。是以上下交孚，都願爲君所用也。

## 曾述孔傳

曾述孔，號子唯，年四十歲。四川富順縣人。四川陸軍速成學堂工兵科畢業。光緒三十二年入同盟會。清末任十七鎮排長，及四川兵備處科員。是時清廷專制，人心蔽塞。川省僻處邊陲，多不知革命爲何物。君置身軍旅，力事鼓吹，官兵多所感化。辛亥之役，川省保路同志會一時並起。君奔走呼號，於新軍防軍之間，卒之雲集響應，克底於成者，君潛移默化之力，亦云偉矣。光復後，歷任四川樂山縣知事、成都造幣廠廠長、四川涪川源銀行總理、四川銀行行長、并旅長參謀長等職。其在軍行財各政時，一切咸秉先總理主義而行。

所至有聲。民國七年冬，君在滬。適川中新舊各軍系，意致不一。先總理公與舊軍系將領多有關係。特派回川從事結合。十五年秋，君以楊森部第一師師長，兼前敵總指揮，出援湖北。駐防沙市。適武昌尚未攻下。北軍以重利誘君，撥送款彈大砲，約其同解武昌之危。且以鄂省首長相餌。君不爲所動。潛派代表赴漢接洽當局，勸其以全力進逼武昌，并窺南潯。並言願擔負鄂西全責，不使川北兩軍前出荆沙一步。迨武昌南潯相繼得手，君借充川北兩軍代表，躬赴武漢，與當局會商大計。其時當局欲肅清鄂西，君乃奉委爲國民革命軍鄂西第一路指揮，兼荆沙衛戍司令。首舉義旗，佔領沙宜，并提繳北軍鎗支，以消隱患。當武昌未下以前，北軍川軍屯聚鄂西一帶者約七八萬，而南潯孫逆且復虎視於前。苟非君主義貫澈，或爲利誘，則革命前途正未可知。今鄂西數十縣，不費一兵一彈，而入我國民革命軍範圍所在，人民安謐，地方無驚者，不得不謂君之力也。君之對於革命工作，斯亦可謂勞勞大者矣。蔣總司令以君功在黨國，授爲獨立十三師師長。旋因國共化分，武漢爲共黨聚集地。君駐節荆沙，共黨恐爲腹心之疾。十六年二月，遂被壓迫去職。十七年春，鄂西逐楊之後，君復奉蔣總司令及軍事委員會命，以原名義赴鄂西收集。



舊部於本年一月二日在沙市復職將來黨民結合正未有艾也

## 傅丹墀傳

傅君丹墀。直隸大城縣人也。幼儻負大志。好與羣兒戲。建牙藏。分部伍。壁壘森然。且時習攻守事。又嘗浴一兒。幾滅頂。衆圍散。公獨援之。得不死。終日嬉遊。若不事詩書。然而天資高邁。文采斐然。冠同儕。所爲詩詞。其吐屬一本於風騷。而尤工書法。是以總角之年。已雅有儒將風。與救民水火之意。弱冠考入天津中學。意快快不屑爲。是以卒業後。卽入陸軍第二十鎮隨營學校。共和肇建。又入北京模範團。嘗謂中國貧弱。強鄰環伺。空拳不能禦也。孤掌不能鳴也。非從事於軍旅之中。不足以拯元元而禦外侮。故每論時艱。輒慨然有澄清天下之志。甫畢業。今總司令馮公器之。委爲十六混成旅排長。後以直奉戰事。功經馮公不次拔擢。由排長歷升至第七混成旅二團團長。亦可謂生平第一知己矣。十二年入豫。以好讀民黨書。招當道忌。置之獄。而公之志不撓。益恣意盡讀總理之著述。雖零星演說。亦必向來獄慰問之人。求之於斷爛報張中。抄纂成編。其川心之勤。愛國之深。尊

仰總理之誠有如此者。嗣賴某公營救。得出獄。閒居開封者數月。適今本路軍第四十二  
 軍軍長馬公子修。亦辛亥革命健者。時爲豫軍第一混成旅旅長。聞其名。一見傾心。任爲  
 參謀長。不數月。唐桐泌三縣匪患一清。殆公贊畫之力居多。十四年春。隨馬君督師北伐。  
 次第克復葉方城舞陽等縣。所至不犯秋毫。父老壺漿迎道左。論功行賞。因升君爲第二  
 團團長。夏五月。馬公守方城。某軍來攻。彈如雨。角樓毀其二。城堞擊崩數十處。是役也。馬  
 公數百人。當敵衆八千。鍵四門。絕內應。蓋豫人至今豔稱之。所謂飲器陣也。俗名夜壺陣、其法、搜羅全  
城溺器數百事、以繩繫其柄、器內滿注煤油、塞以棉絮等物、入募然之、其光數丈、於敵人乘夜撲城  
時、城上官兵持其繩而燃之、或擲燒敵人之身、更雜以槍彈磚石、勢如雨下、敵人莫悉其妙、不敢逼  
近、食謂火神助戰、並稱馬公爲福將、得  
神之助云、是後某軍守城、每師其法、某軍圍攻五晝夜。勢甚張。計前後來援之軍。大小十餘  
 壁。皆屯駐數十里外。相顧不敢先發。咸袖手作壁上觀。且均謂今日必無馬軍矣。公時在  
 葉。兵祇二百。自赴某軍乞救。作秦庭之哭者累日。卒無效。遂選精銳百人。日馳百四十里  
 往援。惟自顧兵單。不敢令敵人知虛實。乃於深夜襲擊。且廣設疑兵。以亂敵意。敵軍四顧  
 謂援軍已動。倉皇去。圍乃解。由是中外咸知馬公名。馬公亦益稱君之膽識。悉出來援諸  
 軍士。是以益重君。豫省當道喜方城之未陷也。任命馬公爲第五師師長。君亦升爲第九

旅旅長是後軍興日以高。兵力所至。其先聲已足以奪人。故鎮平南陽先後如破竹下。丁卯夏。今十一路軍總指揮方公蒞苑。知君賢。擢升第二集團軍第三方面軍第四師師長。仍隸第三軍馬公厯下。隨方公進駐襄樊。是年秋。以川邊多匪。故飭公移師房陵。分軍四擊。匪潰散。人民得安枕。數月以來。方公愈知君爲大將才。且素具愛國愛民之心。未獲大展其所負。爰於東征武漢。率師北伐之時。命君由房陵旋師。坐鎮襄陽。任本軍後防留守之責。旋以奉制改編。乃改爲第十一路軍第四十二軍第九十四師師長。兼本軍後防留守副司令。然以君氣度之淵涵。神志之精敏。年力之富強。知此時此任。尙未足以盡其能也。

## 范慶煦傳

范君慶煦。字肇圖。湖北鄂城人也。父諱德孚。爲鄂之世家。母俞隨宦金陵。生君時。清光緒丁亥年也。幼隨父宦遊京川。蘇贛間。習其風土人情。光緒末葉。清廷倡練新軍。各省咸設武備學校。培植幹部。贛大吏亦應時而舉。願俗習右文。鄙視武業。青年子弟。咸裹足不之

應其先君適以是時以進士觀察江右。君隨侍任所。聞之。慨然請曰。中國之弱。弱不在武。若常此不變。則覆亡之禍。即在眉睫。興學講武。實爲今日要圖。而應者寥寥。則緣右文之習。相沿已久。積重者難反。非有仕宦弟子爲之倡。不足以轉移風氣。兒不肖。願投筆以起。其先君嘉其志。許之。曩之逡巡迴顧者。至此以爲觀察之子且然。吾儕胡不可者。於是爭先恐後。而武校之生徒集矣。時君年纔十七也。既入校。與李公協和爲同級。當時革命潮流已浸及內地。蘇轅居長江下游。傳播尤速。當道之防範亦嚴。君乃暗結同志。組團體。爲異日報國之準備。及卒業赴都試。見清廷之專制腐敗。益信黨人之宣傳鼓吹爲不虛。而君革命之志益堅決。當時應試學生。以得部曹爲榮。蓋京官外放。例可加級。以君之家世。資望當之。得此殆如拾芥。而君則別具懷抱。不屑屑於功名。毅然返轅任軍職。上自將領。下及部伍。其思想新穎者。君無不傾心結納。而同儕亦樂與之遊。而知者以爲君殆工酬應能交遊耳。不知君之別有用意也。辛亥之役。一舉而能光復轅垣者。君功實多也。先是武昌革命軍起。瑞徵出亡。衆擁黃陂爲都督。一時風聲鶴唳。人心皇皇。轅與鄂壤地相結。居上之下衝。輿舉則順流而下。蘇滬益易爲力矣。於是在轅革命黨人密謀響應。而大吏

之防範。搜捕不顧也。君率所部冒險奔撫轅。圍其署。奪門而入。索其印信。而杜其檄調防軍之謀。當時城中秩序大亂。地痞土棍乘機起。擬先搶省銀行。繼掠其市。君聞之大怒。復率部勦殺多名。秩序始定。清廷命馮國璋統軍攻漢口。岌岌不可終日。吳公介璋鎮南昌。憂之。請君代表西上。與鄂中同志謀聯合救濟之策。蓋唇亡則齒寒。救鄂即所以救贛。君迫於義。不避鋒鏑。卒能達其目的。使革命戰線轉危爲安也。民國紀元。協和。李公既督贛。嘉其績。邀參戎幕。君知李公之能。始終於革命也。欣然允之。時距入校之年已八載。君方二十五也。袁氏當國。視革命黨人若寇讎。於李公協和爲尤甚。又以革黨多南方產。遂以讎視黨人者。讎視南方。當時南北之界若鴻溝。贛多會匪。憑山澤爲巢穴。袁利其梟桀。用爲搗亂工具。若輩受其牢籠。大肆猖獗。掠邑攻城。民不堪命。李公奮其威武。次第削平。而替襄壁畫之勞。君借箸實多。癸丑之役。親赴武黃一帶。祕密工作。不啻探身虎穴。及南昌陷。陷身城中。幾遭不測。卒以微服亡。君嘗言革命者。國之大業。非局部之事。若期其成功。非合南北志士領導之。不易爲力。適以袁氏帝謀日亟。君義憤填膺。浪跡川湘間。冀有所遇。識馮公煥章於川。既見。器君之才。君以馮爲北方革命之先覺者。能忍辱而負重。遂贊

其戎機。轉戰湘秦豫直。奔走察熱川甘。或運籌帷幄。或折衝樽俎。十餘年來。未之或間。迨馮公五原誓師。革命事業。始具規模。而君倜儻年華。亦隨其事功俱進。蓋君年已四十矣。君又嫻於政治。能以地方之情。改革地方之業。當其幼年。隨其先君遊宦時。卽好以爲問。蓋天性然也。民十三。簡察區政務廳長。僅年餘。百廢俱舉。於財政教育外交市政諸大端。均能卓異羣流。其最著如嚴別中飽。收入加倍。而民賦不增也。擴充教育。期年之間。學額加增十倍。而社會樂從也。於外交尤能據理力爭。不事退讓。先是有英商在內蒙蓄牧。迨出口。又輕其稅。相沿已久。無敢過問者。事聞於君。以外人在內地無牧養權。遂收沒其牲畜三萬隻。出口稅則不問中外商營。概須平等徵收。人多以引起外交爲慮。君毅然不顧。英人雖一再抗議無效也。又法國傳教士某。在涼城干涉民事。君則逐其出境。凡此均足證明打倒帝國主義者之侵略。非不可能也。亦在人之能爲與不能爲耳。其於市政。則恤老救孤。醫療去毒。均各專設機關。開民智則廣設圖書館。利民生則創因利局。陶民情則闢上堡公園。仲尼言治。三年有成。君在職十餘月耳。其燦然可觀已若此。可謂能矣。政府嘉獎。特頒明令。因有功。調熱河道尹。在職未久。隨軍轉徙綏包。然亦有所建立。旣之包。尙

張督辦之江命使甘甫抵蘭。馮公返國。駐五原。北伐軍適於此時收武漢。西南西北聯絡一致。君乃奉馮公命令赴漢聯絡。並入川奔走潼成雅合渝萬間。與各軍領袖盡力疏通。促其一致努力黨國。川局於是大定。十七年春。魯西各縣已下其六。曰曹。曰單。曰濮。曰城武。曰荷澤。曰定陶。總司令馮公謀建設。委君爲魯西克復各縣之行政長。設公署於荷澤。荷澤舊曹郡治也。素稱崔荷之鄉。甫就職。敵以三千之衆。間以土匪。乘防軍不備。謀夜襲城已破矣。衆於倉卒中莫知所措。於此間不容髮之間。君仍能從容鎮定。協同其城防守者。懸賞格殺。時可用之卒。不足百人。激戰六小時。卒能以少勝衆。復其城防。轉危爲安。荷民額手。若君者可謂能守土矣。君性倜儻而儒雅。接物以誠。故人樂與之親。敢於任事。度居諸於革命程中。而不以爲苦。今年纔四十有二。其功業已若此。日之方中。前途未有艾也。

## 王日新傳

王君日新。字銘三。皖之桐城人。幼失怙恃。從諸名宿受業。洞知種族關係。嘗聞揚州十日。

嘉定三屠之慘劇，輒忿然曰：胡兒淫兇如此，漢族豈無人耶？常思盡一己之力以報之。會南洋第九鎮徵募入伍。君乃以優秀應選。撥入輜重營隨營學校研究軍事學。君夙有抱負，於學術科均孳孳練習。無敢或懈。畢業後，任本營後隊排長。時正庚辛之交。革命軍於各省都會，力謀舉義。前仆後繼，風起雲湧。君自憾位卑力弱，無由響應。乃乘間以宣傳爲己責。三十四標管帶林公述慶與黨人聯絡。偵知君舉動異常人。僞詞恫嚇，不爲稍動。遂深器許。分途進行。君之隸名國民黨自此始。迨武昌反正。君與林公等早有成算。乘機崛起。林公被舉爲鎮軍都督。君充編練處騎兵科長。克復南京。君贊襄之力爲多。此後君遊歷南北。舉凡山川險阻。民生利弊。均擇要簡記。藉備需用。而以其堅忍性。富責任心。爲君特長。故有所謀。人雖以機詐相遇。終能爲君丹誠所感化也。民國十四年秋。現總指揮方公振武屯師山東。將有所圖。君乃方公輜重營舊部屬。聞之。遂辭湘軍第三軍第六師第二十一團中校副附職。由粵趨魯。方公欣臂助之才日多。毅然施行其素志。十五年一月十五日。東北路軍先遣第二梯隊之旗幟。遂變爲國民軍第五軍之旗幟矣。斯舉也。實國民軍一大轉機。而予魯軍張宗昌以莫大之打擊。蓋張定是日總攻濟。因此之故。不得



不變更其戰略。國民軍遂得以從容布置。與奉魯軍戰陣周旋。兩戰有餘。使國民革命軍  
奠定江南。會師徐魯。以有今日之局勢。論者謂方公之功不可泯。而受方公之指揮。竭力  
贊襄以進行者。君亦其一也。君自隸方公後。由先遣隊第二梯隊司令部副官長。改充第  
五軍第二混成旅第四團二營營長。及第四團團長。第二旅旅長。第九方面軍第一軍第  
一師師長等職。歷魯豫燕晉滿蒙陝甘等區。以至於鄂。時將兩戰。身經百戰。糧餉械彈。無  
一接濟。艱難險阻。靡不備嘗。而士兵不以枵腹爲慮。寒暑爲苦。堅忍卓絕。以寡勝衆。蔚爲  
今日國民革命軍第十一路軍之勁旅者。與士卒同甘苦。復本主義以訓練所致也。人謂  
方公能用將。而君乃能將兵中之一將也。十六年冬。西征軍聲討唐時。君由襄樊移師德  
安孝感一帶。施行襲擊。使唐左右顧忌。棄職遁去。青天白日統治之下。遂無假革命之新  
軍閥存乎其間。君亦與有功焉。十七年一月。方公奉國民政府令。改編爲十一路軍。率所  
屬三十四四十一四十二六軍。參加北伐。君遂改充第三十四軍第八十八師師長。移駐  
碭山。靜候命令。君常以整飭軍紀約部下。而以不怕死。不貪財。愛國家。愛人民。爲訓示。且  
躬行實踐。以身作則。故士卒皆樂於用命。如指臂相使之自然。卽民衆亦感君相見以誠。

靡不樂爲君之助。故采觀軍容者。咸稱爲節制之師。不愧爲民衆之武力云。君現年方四十。其部屬團長如陳玉堂。辛明利。王耀武。僚佐如牛仁輔。陳幼騷。王鶴山。張文蔚等。皆屬一時之選。具大無畏精神。淡泊自如。實心任事。行見其戰勝攻克。完成革命之全功。而君於黨國前途。亦將有偉大之建樹。垂諸史冊也。

## 高樹勳傳

高樹勳字建侯。世居直隸鹽山縣之高家金莊。曾大父玉山公。以科第蜚聲桑梓。至尊翁時。遭庚子之亂。杜門不出。力田自食。君兄弟三人。行居次。六齡就鄉塾讀。聰穎異常。兒稍長。肄業縣立高小學校。日與師友研求。深知我國積弱。在晚清政治不良。非易轍改弦。決無富強之望。讀孫文學說。不禁歎絕。贊爲救國方針。辛亥改元後。項城當國。誅鋤異己。君已畢業出校。縱觀時局。蜩螗補救乏術。乃慨然有投筆之意。時馮公玉祥率陸軍第十六混成旅。駐節川邊。德望歸然。聲震遐邇。剋日買舟南下。投効當兵。困苦力學。考試輒冠同伍。歷經叙州。廳坊諸役。遂得遞升營長。薪餉所得。多半捐助於慈善事業。更設義務學校。

於故里。教育貧寒子弟。以是頌聲載道。南口諸役。吳張狼狽爲奸。國民軍爲保全革命實力計。全軍西上。君時供職一百零一團團長。訓練新兵於綏遠包頭鎮。奉令援陝。以十五年十月達咸陽。由附屬劉汝明師問道襲敵。遂解西安之圍。是年十二月晉升三十四旅旅長。維時三秦甫定。豫亂方殷。東討之命既下。君於十六年一月。又奉部出紫荊關。轉戰浙鄧貧瘠之區。飢不得食。渴不得飲。一經親身撫慰。士卒莫不感奮用命。凡五閱月。將各匪軍次第肅清。追逐吳佩孚直抵漢水。豫南鄂北相告底定。當以戰績卓著。晉升第二集團十四軍第十二師師長。旋因靳雲鶚部抗命謀變。奉令班師討伐。西平一役。血戰三晝夜。敵部殲滅淨盡。其饒勇善戰如此。且君性情慷慨。見貧困必量力飲助。自奉儉約。一絲一粟。亦愛惜倍至。待人尤誠懇可親。故皆樂爲之用。現年三十有一。治軍之餘。猶手不釋卷。異日建樹。正未可限量也。

## □吉鴻昌傳

吉鴻昌。字世五。豫之扶溝人。年三十有四。貌魁梧。性敏重。居邑東北之呂潭鎮。家素寒。初

習工。繼學賈。當民國二年。總司令馮公煥章。任京衛軍左翼一團團長。駐北京北苑。派員赴豫招兵。時君年甫十八。乃奮然投袂入伍。居恆以誓死救國。厚自期許。以家貧未嘗學問。隸軍後。深自刻勵。潛心文字。知識因日進。每閱京滬各報。見中國大勢漸趨危亡。輒拊膺興歎。故於叙州獨立。廊坊首義。和平戰役。諸大舉莫不努力奮鬪。冀挽劫運於萬一。匡共和於垂危。及民國十四五年間。國民軍與張吳軍閥相持於京津南口等處。都統李曉東率精銳赴前綫督師。君以綏區警務處長。兼警備戒嚴司令。時後防空虛。責任綦重。午夜擘畫。日無餘晷。猶復抽暇創立慈善機關。一如養老育嬰各院。平民工廠醫院等。一以恤貧弱。修築蜈蚣壩。一其地在大青山之麓。為綏蒙交通要隘。亘橋廿餘里。勢極險。修築後。始化險為夷。一以利交通。綏人感念靡已。及張孔兩逆倡亂。隴之東南。倡追蘭垣。勢成包圍。當時督辦劉蘭江。連電告急。乃請纓於都統蔣敬庵。率一旅之衆。跋涉數千里。行絕塞。渡沙漠。不畏溽暑。星夜赴援。激前將士。每至垂涕。抵甘後。我軍士氣驟壯。敵勢爲奪。退守百里外。繼隨孫總指揮少雲。進討隴東。祁家大山。六盤山。三關口。諸役咸以奇師致勝。不旬日而逆軍逃竄。復奉命任追擊司令。因得撲滅殘敵。隴局底定。其勇敢善戰。愛恤民

衆迄今隴人猶稱道弗衰。後因陝省被圍。應陝民請。率師馳援。於咸長間迭著奇勛。嗣與敵渠王振賈濟川張得勝輩。苦戰於西安附近之徐家寨。未幾宮者。幾兩閱月。而城圍以解。陝民始蘇。自此役後。軍閥吳逆。在陝甘之勢力。完全剷除矣。繼因追奔逐北。留駐渭南。旋以功升國民革命軍第二集團第三軍十九師師長職。十六年春。進至潼關。五月初。出師陝洛。連戰克捷。奉逆狼狽逃遁。更於七月三日。由澄縣潛師渡河。出敵不意。直達彼岸。敵軍夢中驚覺。羣疑飛將軍自天而下。因相顧駭愕。若鳥獸散。不數日。以一師而肅清河朔。既而反革命軍靳部李部。潛結奉魯軍閥。分據鄆禹一帶。妄冀搖動革命根本。孰意陰謀預洩。君奉馮總司令。命與諸軍會討。九月七日。將靳部叛軍擊潰。與和尙橋。不五日。間即進佔鄆城西平一帶。斯時靳之叛軍。一面以死力猛撲確山。一面嗾使信陽土匪。南與唐生智部相連絡。遙爲己援。鄆城陷後。逆部膽落。倉皇東走。其時李逆仍據禹縣。我軍圍浹。經旬弗克。君奉令由許昌赴禹會攻。及至。乃率隊冒彈登陴。逆衆夜竄。李逆僅以身免。李部既解決。後復乘勝將鄆縣匪衆。一鼓掃平。即開回鄆汴。十月杪。更率部進至蘭封附近。與直魯軍總指揮徐源泉部。血戰五晝夜。其時短兵相接。君持大刀與敵相肉搏。數日

間驅敵數百里外。可謂勇矣。直逐至魯西之城武軍縣。其以少勝衆。善戰之功。實有足多者。十一月初。移防蘭封。誘敵深入。連戰破之。於是月廿八日。追敵達直南東明縣。劇之杜勝集（卽馬頭鎮）將魯軍閔劉志陸部萬餘人。聚而殲諸。斯時有姜逆明玉者。本係劉總指揮雪亞（第八方面軍）舊撫之匪首也。潛降逆軍。叛變據曹。係總指揮少雲率諸軍往討。君以連勝之兵。圍攻曹縣之東北城。惟因曹縣城堅池深。不易猝拔。君所謀兼施。圍攻二月。率將逆軍擊潰。君右手受創頗巨。然而雖屬受傷。仍不後退。更以激勵士兵。奮勇前進。始以坑道烘破北門而入。姜逆自戕。敵師長范龍章就擒。餘衆無一得免。溯自蘭州出師東征起。至破曹縣止。君身經百餘戰。每戰必勝。無攻不克。無惑乎奉直魯諸軍閔。及今猶談而色變也。

## 陳克遜傳

陳君克遜。號用之。貴州青溪人。少聰穎。喜讀書。兼擅武術。尤富於革命思想。民四袁氏稱帝。滇黔唱義。興護國之師。陳君方弱冠。感國事日非。慨然作班定遠投筆之舉。從事戎行。

卽隨義師入湘。數月之間。轉戰千里。卒將帝制推翻。凱旋回黔。然陳君立志甚大。恆以學術爲事業之基礎。自維學有未逮。難成大業。遂請願入貴州陸軍模範營。數年學成。仍服務行間。充下級幹部。惟不素崇拜中山先生。喜深究其學說。每於軍事操作之餘。卽向士兵講演三民主義諸書。迨至民七護法之役。黔省出兵桂林。陳君時充連長。亦頗著功績。民國十五年夏。革命軍大舉北伐。陳君卽任第十軍二十九師第二團團長。由川而湘而鄂。與軍閥盧金山等。鏖兵於常澧公安間。不數月卽將宜昌攻克。十六年春。第十軍奉命東下北伐。在皖解合肥之圍。進佔宿縣。在燕克復徐州。在魯之臨滕間。與直魯軍血搏三十餘日。綜計馳騁數萬里。出入數十戰。陳君俱身臨前敵。調度有方。措置適宜。節節勝利。特著勛勞。是年冬。卽升任第十軍二十九師師長。旋奉命二度參加津浦北伐。復率師集中徐州。攷陳君性情剛直。行爲謹慎。治軍取法武穆。持身恆師總理。平日對於革命諸書。研究頗有心得。故所部官兵。純已黨化。誠當代之模範軍人。其前途未可限量也。

## □周西成傳

周君西成。字繼斌。貴州桐梓縣人。天資警敏。決策應變。俄頃而定。尤饒膽略。事之當爲者。竭全力以赴之。雖千艱萬險。衆人咋舌於旁。百口阻撓於後。迄不稍餒。昔拿破崙謂所用字典無難字。君蓋似之。清宣統末。畢業於縣立明德高等小學校。旋應徵入伍。由正副目升任准尉。考送講武學校畢業。立功於黔湘桂蜀各省。護國護法。無役不在。歷排連營團旅長。洊升黔陸軍第三師師長。兼四川陸軍第十二師師長。會辦貴州軍務善後事宜。陸軍中將。十五年六月一日。任貴州省長。國民革命軍興。任二十五軍軍長。兼省政府委員會主席。旋擢第六路總指揮。改第九路軍總指揮。貴州數年以來。財政紊亂。當局者又不以誠與人相見。正供之外。輒立捐貨名目。恣意盡取。不時濫發。不兌換紙幣。以吸收人民金錢。取償無所。民用以困。不直此也。軍隊所在。資糧屢罄。唯民是求。而綱紀一廢。弊端百出。於是民困於軍。貪官賊吏。乘間剝削。脂膏幾竭。呼籲無所。於是民困於官。窮無復之。遁而爲盜。豺虎愈滿道路。於是民困於匪。君頗爲鄉梓憂。在下車喘息未定之時。適有故國民革命軍左翼軍指揮袁祖銘已率駐川之師。由北道來。聞者色變。蓋庫無存蓄。經費之外。又增數倍軍食。支持之難。百於往昔。不取於民將安出。君曰。吾不爲也。則出其歷年銖



銖銖所積累者以供一時而徐徐整理歲收以裕其源。不捐不貸。士飽而民不困。君最惡不兌換之紙幣。於是黔人於黔幣覆轍之下。得免損失數百千萬血汗之資。於不知不覺之中。乃君理財之力也。且君治軍嚴紀律森。士兵無敢犯。而又賞罰分明。慈如父兄。故將士皆畏法而自愛。如昔日軍隊之行爲。人民居。民不敢有其居。取民物。民不能有其物。以非理虐民。民不敢有其身。種種弊習。至是由君悉一掃而空。黔東靈山劍河等縣。山深等密匪徒多且悍。冠於各縣。巨匪萬金貴等。孕育於茲。人民之患匪已十餘年。君嚴飭痛剿。搜斬殆盡。各縣盜匪自此斂跡不數月間。孤客負金行路者。可得東西南北。任所往來。無虞毫髮之失。此皆君整理之賜也。且又慎選賢才以任縣長。創設徵收市政等局。以分其任。委任科長承審等員以輔其成。時以糾察不能盡職者。雖親故及有勳勞之人。無所迴護。賢者益勤。奸者斂退。吏治於是蒸蒸日上。蒸蒸矣。君舉顛賴之民。出之水火之中。而登之衽席之上。長黔未久而黔人之歌功頌德者。豈偶然哉。黔山國也。交通不便。窮陋因之。君受事之初。即宣言必築馬路。權其緩急。先從事於貴赤一綫。遞及於貴安貴南。未幾輿環城路皆次第竣事。君時時巡視。以獎以懲。烈日嚴霜之中。往往雜工人操作。勞者感動。故收效

益速。又注重農工。體恤唯恐不至。嚴斥共產爲邪說。其禍甚於洪水猛獸。始猶隱忍之。及共產黨逆跡已著。乃布檄聲討。與海內同志相應。命將出師。取洪江於逆黨之手。如拉枯然。惡邪黨正其天性也。於人不輕信。信則雖巧讒不能間。君素服膺三民主義。嘗與士卒宣講。努力革命工作。日期黔省政治之改良。今年才三十六。爲國爲鄉。功烈無限。茲特撮其年來治黔之政績紀之。以告國人耳。

## 賴偉英傳

賴君偉英。號波民。贛之南康縣人。齠齡卽儻有大志。憤國勢衰弱。山於滿族專制。民無生氣。遂懷革命思想。就學於邑之高小校。僻處風氣未開之地。在專制政府壓迫之下。毅然剪髮爲衆倡。又念要推翻滿族專制。振興國勢。達革命之目的。不能不以武力爲捷徑。因投考省立陸軍小學。時與考者數千衆。僅有百人額。君竟列首選。入校後。除致力學術外。尤關心時局。發爲言論。投登報章。以喚醒羣衆。辛亥武漢首義。南昌響應。君固有贊襄之功也。嗣君轉學南京軍官學校。暨武昌陸軍預備學校。保定軍官學校。當在武昌時。滬

漢報紙時有君慷慨激昂之文稿。蓋時值袁氏當國。專橫尤甚也。民二革命。君以與友輩謀武漢響應事。心力交瘁。一病幾致不起。民五在保定軍官校卒業後。奔走於蘇豫湘粵桂閩各省。民十一。參贊戎幕。隨先總理孫公北伐。失敗後。輾轉行間。整軍待時。軍務之暇。兼及文事。著有書劍氣樓詩文詞集若干卷。惜風塵塵陸。尙未刊行。前歲國民革命軍自粵出師北伐。君與第十四軍諸同志。首先響應於贛南。贛局得以早定。君之功足多。繼領軍自閩而浙而蘇。轉戰數千里。贛州吉水南昌臨川諸役。戰績卓著。而宜興之役。（山浙攻蘇孫逆軍隊）於蘇浙交界之念三灣一帶。險要陣地。能以寡擊衆。迅速成功。進克宜興。繼出常州無錫。截斷鐵路交通。滬甯震動。關係於全局之勝利匪淺。尤徵君指揮之幹才奮鬪之精神也。迄乎寧漢糾紛。頓兵滬甯道上。君以勞瘁過甚。忽罹重疾。然龍潭戰後。仍激勵所部。渡江北伐。而病未愈。君乃不得不暫退休養。後中央創辦陸軍軍官學校於新都。任君爲籌備委員。力疾從事者數月。究以病未全愈。精力不足。辭去。君正在壯年。歷任團長參謀長等要職。爲人忠厚。宅心仁慈。居恆雍容儒雅。不類武夫。然其臨陣也。又具有先總理孫公大無畏之精神。是殆由於學識之高超歟。君昔在閩。曾出兼民政。卸職

日士民遮道挽留。亦可見君不僅長於武功也。是則君將來再出。効力黨國。其功業又寧可量耶。

## 袁英傳

袁英字仲德。別號不同。河南項城縣人。少負大志。以救國爲己任。清光緒三十一年。畢業於北洋武備學堂。歷任軍職。民國成立。叔祖世凱爲總統。父乃寬居要津。而君視富貴蔑如也。常與從叔克定。論時政於漳河之上。意見不合。慮其佐父叛共和。挾炸彈要而擊之。不果。元年春。東渡日本留學。二年國民二次革命失敗。要人羣集東京。因徧與結納。並得識中山先生。遂傾嚮革命。入中華革命黨。三年一月。奉黨令歸國。任北京方面秘密工作。四年。洪憲帝制議起。與日本締二十一條密約。而曹汝霖、梁士詒等。在君邸開會。討論條款。事爲君所聞。以爲關係中國存亡。刺探多方。師信陵盜符之法。竊約而出。得窺全豹。因照錄一通。付同志鄭耀午。齎送東京黨部。此約遂得宣布於世。國人一致憤慨。當局野心。乃不得逞。又於新華宮正殿。密置炸彈。期於登極之日。一舉而盡殲之。事覺被逮。幾置極

刑時人心皆惡。帝制事雖不成。而無不深惜之也。幸有力者爲之營救。始免一死。在獄六閱月。項城歿。黃陂繼任。得省釋。然雖挫折。而志趨不少衰。見軍閥專橫日甚。人民水深火熱。思有以拯之。乃回豫。密組革命軍。待機而動。六年張勳復辟。君在籍率衆起義。與復辟逆軍戰於皖豫之間。新息一戰。因衆寡不敵。遂致大敗。亡命海上。直奉軍閥相聯。併力以抗國軍。而國民一二三軍皆敗。君見豫事日亟。出而集合民軍。共得數萬人。傾家財數十萬元。購置器械。適蔣公介石提師北伐。卽在豫響應。所部分佈京漢路綫。搗直軍之後方。拆毀西平遂平和尚橋一帶鐵軌。吳佩孚部首尾受敵。一敗不振。革命軍得以直下武漢。底定東南數省。中央嘉其功。任以國民革命軍暫編第二軍軍長。候令北伐。而唐生智附共。以君實力充足。欲引爲己用。君自信爲國民黨忠實同志。不肯附和。致爲所嫉。於十六年三月。被唐誘禁於偽司令部。將加危害。河南民衆聞信。乃共舉義旗。斷絕信陽至武勝關交通。宣言爲袁復仇。誓滅共黨。而後朝食。唐等氣懾。旋于右任先生過漢。向唐言袁英革命十餘年。成績斐然。黃河流域。聲譽素著。爲一般民衆所信仰。假令無罪見誅。將於公等不利。由此得以保全。然仍拘而不釋。迨唐敗得隙以出。今仍以原職統率所部。聽候蔣

總司令命令加入前方作戰。爲黨國効命疆場矣。

## 許克祥傳

許君克祥。湖南湘鄉首善鄉人。家世務農。兄弟六。君居次。幼從塾師。卽聰穎。有大志。常慕班定遠之爲人。年十五。投袂從戎。入常備新軍陸軍第五十標三營後隊。充當正兵。并入特別班。研究幹部知識。歷充正副目及司務長。光復之際。提升連長。未幾。遵令退五。民國三年。應朱澤黃旅長之召。任營長。適袁世凱帝制自爲。國勢飄搖。時革命巨子羣起反對。蔡鐸起義於滇桂。君因勸朱澤黃響應川湘獨立。推翻帝制。君亦與有力焉。民國九年。充陳嘉祐部下第二支隊長。奉孫大元帥令。出發援贛。師抵蓮花廳。陳炯明乘機叛變。奉令回師靖難。轉戰經月。迭復名城。有健將稱。十二年。改編爲四十三團團長。次年復擢爲第四旅旅長。十四年夏。隨蔡鍾猷入川。軍次秀山。改就黔軍獨立旅旅長職。時川中匪盜充斥。民不聊生。君師行所至。以除暴安民爲己任。其間斬荆棘。極爲川民所愛戴。適北伐軍興。革命潮流一日千里。乃勸袁祖銘參加北伐。并先率所部進據辰常。不意禍生不測。

袁氏被戕。君以北伐緊張。不忍牽一髮而動全局。故隱忍就編。爲湖南省防軍三十三團。當是時共產黨假國民黨旗幟。利用無識農工。實行搶產主義。生殺予奪。爲所欲爲。君目擊心傷。常語人曰。吾輩既努力國民革命。應以解除民衆痛苦爲前提。如有乘機搗亂。殘害民衆者。當鋤而去之。其意蓋有所屬也。旋偵得第三國際。消滅中國國民黨之陰謀。事爲國家安危。種族存亡所繫。而湖南共匪更祕密決議。實行大屠殺。并劫奪何鍵軍駐省留守處槍枝。希圖首屠長沙。繼及粵鄂。君忍無可忍。憤不欲生。遂於五月馬日。督部圍攻各暴徒機關。大舉剿共。三湘七澤。轉危爲安。事後並召集各忠實同志。籌備善後事宜。因被推爲主席團主席。嗣組織救黨委員會。復被選爲委員。通電全國。一致清共。寧漢合作。此其權輿。共產既不容於湖南。乃潛逃武漢。包圍政府。促唐生智來湘查辦。君知環境險惡。難期貫徹。馬日主張。遂藉養病。馳赴湘鄉。意在集合部隊。聯絡友軍。再圖大舉清共。正進行間。適湘政府命君移防武岡。進規洪江。因得率部出險。問道赴永。誓師討共。並就國民革命軍第三獨立師師長職。旋以孤軍奮鬥。終非長策。乃率部入粵。是年冬。西征軍興。奉令入湘截擊。已連克郴耒。忽廣州慘罹共禍。復轉旆入粵。希圖靜難。而共匪遂乘虛襲

延于湘南坪石一帶矣。本年二月復奉令入湘勦共。卒以孤軍深入。前有勁敵。後無援軍。致受挫折。自時厥後。共匪朱德等遂佔據郴宜。組織蘇維埃政府。資永桂來各縣。同時淪陷。殺人放火。有土皆赤。慘酷情形。亘古未有。幸爲期不久。君已在樂昌整頓部曲。大舉清剿。不旬日間。恢復郴宜。得與西征軍會合。湘南各縣。得以次第肅清。現奉令駐防湘南。担任第五區清鄉職務。同時并訓練所部。準備參加北伐。以期肅清殘餘軍閥也。

## 陳希豪傳

陳希豪。浙之東陽人。生小不凡。慨然有澄清宇內之志。鼎革以還。紛亂如故。君心焉憂之。嘗謂非徹底革命。不足以救中國。五四運動起。奔走呼號。不遺餘力。君畢業於北京中國大學。攻政治經濟社會之學。深爲王儒堂校長所器重。民十一年。因收回青島。遂役於膠濟鐵路。開始爲實際之革命工作。糾集同志。組織黨部。長往來青濟間。以聯絡同志。謀實力之擴大。復致力於工運。時君適調至四方機廠。辦理文牘。該廠工人三千餘人。君卽以該廠工人爲工運之基本隊伍。嗣及四方滄口間之各紗廠工人。不下五六萬人。五卅案起。



青島工人響應之熱烈。皆君平日努力指導之成績也。時青島當局有檢查君之寓所。及不利於君之行動。北方同志均爲其憂。而君處之泰然。適蔡君漢瞻自菲列濱傳書邀請。君遂辭職南歸。執教鞭於華僑中學。兼任公理報黨義宣傳專員。嗣主民號報。不一月而銷數陡增。並鼓吹同志。辦理努力週刊。勞動呼聲。民衆前進等不定期刊物。君目覩黨務不整。除努力宣傳外。復致力於實際工作。乃手組區分部。繼組分部。嗣改組總支部。君任總部常務委員兼秘書。自茲菲島黨務煥然丕振。君在菲島復爲華僑自治總會章程。促成華僑聯合會等民衆團體。菲島僑胞均甚愛戴。民十五九月。應丁惟汾委員之召。服務於中央黨部組織部。充任指導員。十月代表菲島黨部出席中央及各省聯席會議。嗣奉命辦理上海特別市黨部登記事宜。因環境之惡劣。與黨員之複雜。爲辦事順利起見。遂聘請吳稚暉、蔡子民、鈕惕生、林煥廷、楊杏佛、鄭統秀、楊譜笙、湯濟滄、張廷瀛及黨部執委王漢良等十五同志。組織登記委員會。專司其事。成績甚佳。唯時軍閥孫傳芳。叩君刺骨。下令通緝。君在滬三月。五遷其居。且當時鑒於共黨之猖狂。將不利於國民革命之進展。遂秘密團結忠實同志。以爲國共分離之準備。鄭異、冷雋、陳德徵、周致遠、吳開先、趙澍

隴體安、鄧嘉縉、張衡彬諸同志。皆此中健者。民十六一月。君化裝赴南昌。奉中央命。派赴日本調查黨務。並解決糾紛。爾時以漢方共黨猖狂益甚。欲行又止。至三月返滬。踴躍同志。大不滿南昌中央之行動。並極詆毀蔣總司令。適逢總理逝世二週紀念。君出席解釋。得以安然無事。又復鑒於浙江黨部與政府。幾全爲共黨所把持。迺秘密回杭。聯絡同志。組織抗州職工聯合會。幸得中央各委員之諒解。及各同志之努力。霹靂一聲。蕩平共孽。爲全國倡。君奉命改組浙江省黨部。任工人部長。兼省政務委員會委員。嗣復任改組委員。清黨委員。省政府委員。由是而遭漢方之忌。下令通緝。但君在浙。益復致力黨務。整飭工運。清除共孽。規畫省政。經緯萬端。煞費苦心。九月間。中央特別委員會成立。黨統中絕。天下騷然。君以特委會僭竊中央。包辦一切。深恐中央黨部從此淪亡。乃與洪陸東委員在浙。率先通電反對。又遭通緝。乃亡命日本。所至聯絡同志。宣揚黨義。駐日總支部之反特運動。君實主之。君僑居千葉海濱。臨風悄然。不忘黨國。時與二三同志。探討被邦政治經濟。尤致力於社會政策。農工狀況諸端。特委會既倒。黨統重光。由中央陳果夫委員電召君歸國。旋奉中央明令。接收浙省黨部。總觀君之爲人。正公磊落。只知有黨。不知

其他。年僅卅三。將來發展。當無限量也。

## 聞捷傳

聞捷，號凱臣。年屆強仕。直隸滄縣人也。少則敏而好學。博覽經史。將弱冠。獨樹高標。對黃卷青燈。輒生感想。竟襲班超故事。投筆從戎。辛亥以前。即由陸軍小學畢業。旋升陸軍中學。將屆畢業之期。鄂軍倡義。陸軍學子。隨聲響應。以助成功。故謂陸軍學校。播革命之種子。寶樹先聲。當清代專制苛嚴。君即創言革命。易曰。履霜。堅冰。其由來者漸矣。民國肇興。復將陸軍中學。改爲軍官預備學校。君因飽具熱忱。在校悉心研究。每逢攷試。即拔前茅。民三保定軍官學校。二期開班。攷升肄業。學識倍增。民五畢業後。即信仰中山學說。在鄂省各軍。充任官職。即負祕密宣傳工作。是時先總理提倡革命於廣州。而長江流域。尙在軍閥鈇蹄之下。關於主義書籍。猶懸厲禁。稍有革命彩色者。殘殺無遺。其間八九年。君竟不稍退避。卒爲邀功者洩漏。幾遭不測。以致功虧一簣。徒費艱辛。適值國民軍興。革命進展。君隨東北國民軍總司令郭松齡。及國民第五軍魏軍長益三。舉義討奉。此十四年事。

也。君感魏軍長之知遇，得伸素志。榆關之役，君亦與有力焉。乃以孤軍失援，郭爲奉審。君隨魏軍長重舉義旗，轉戰數省，政府嘉軍長之勛勞卓著，改編國民革命軍第三十軍，屯駐信陽，而奉逆窺豫，縱橫中原。君奉命策久戰之軍，當新編之馬，而猶斬將奪旗，人皆噴噴。抑知事有更甚於此者，卽古忠臣名將，莫能駕而上之。信陽會匪，亘古罕聞，軍長被圍，疾電赴援。君在團長任內，駐防正陽，奉電憤極，星夜奔馳，甫抵羅山，與匪血戰，不得已取道潢川，意向本旅馬旅長請示機宜，以解信陽之圍。詎馬已投友軍，編充師長，袖視罔聞。而信陽消息，雁渺魚沉，軍長安危，無從探聽。進退維谷，莫可如何。公獨以堅忍不拔之志，施以權宜，遂受編爲第一旅旅長，以冀徐待機緣，尋歸舊主，臥薪嘗膽，莫甚於斯。迨軍長擊退紅槍，進軍廣水，捷報傳來，憂喜交集，其奈涯角睽違，望風懷想，欲歸之心，不安寢寐。未幾奉令移防三河尖，有隙可乘，故山固始出發，行未百里，卽折而南下，以抵商城。沿途伏虺作祟，遍樹紅槍，君不血一刃，專以智勝，竟安全而抵廣水，得遂初衷。天假以緣，相逢故土，因勞受獎，委領師干（今任三十軍第一師師長）。夫處環敵之中，動輒掣肘，以一木而支大廈之傾，險阻孰甚。昔非公之忠忱貫日，智勇彌天，有以致之乎。方期略事休養，待

命北伐。奈彭逆作亂。附共連唐。君乃奮勇爭先。直搗羣醜。繼調皖省。暫事整頓。迨政府明令討唐。指定會師武漢。君自霍山受命。水陸兼程。倍加精銳。以除大慙。不旬日即克復英山。羅田。宗埠。黃陂。諸名城。將摧殘民衆之唐逆共匪。一并掃平。相隨軍長。駐節黃陂。旋楊森庇吳謀逆。騷擾鄂西。政府特命討唐勝利之軍。轉戈西向。君復奉命。誓師西征。攻克名城。勢如破竹。楊森望風披靡。自相踐踏。此君之聲威素著。故奏凱之易且速也。總之以忠忱而事故主。智慧以施權宜。威望寒巨敵之膽。仁愛恰軍民之情。誠如君者。有幾人哉。

## 鄭重傳

鄭重。號梅軒。籍麻城。清季年方弱冠。肄業中學。鑒於外交之壓迫。內政之腐敗。隱具革命思想。辛亥湖北首義。即投筆從戎。入學生軍。以圖報効。陽夏諸戰役。君奮勇爭先。屢奏殊績。成立民主政體。實與有力焉。五年。籌安會起。國體動搖。君時修業保定。憂忿並作。洎洪憲宣布。遂潛入廣東澳門。聯絡諸同志。密謀抵抗。自雲南獨立。兩粵繼起。袁氏已胆寒。猶恐北洋系皆袁氏腹心。封建腦筋。牢不可破。又潛入山東。誘致有新知之隊伍。援應西南。

攻奪灘縣。於是長江黃河兩流域。累上勸進表者。亦變更態度。首鼠兩端。帝制由此推翻。尤深知袁氏雖歿。共和復活。北洋軍閥。皆坐擁封圻。手握重兵。政府命令。不出都門。非長治久安之計。仍入保定軍官學校。以求軍事學識。六年至江西見習。以練軍事經驗。爲救國後圖。七年廣東護法之役。充軍政府上尉副官。派往江西調查軍務情形。時帝制派爪牙。佔奪贛省軍權。君偵察內容。洞見癥結。詳細具報。縷析條分。俾革命策源地之工作。得根據以發展。十一年總理誓師北伐。君遂請纓參與其事。然終因陳逆佔據惠州。搗亂後方面。退慨然久之。乃深悉徒手隨軍。奔走無效。非握有實力。則護國救民之志。終託空言。故投入湘軍。充任連長。平匪靖亂。功在湘南。十三年湯逆子模倣犯廣東。敗北竄川。道經江華縣。奉令率隊截擊。彼衆我寡。因乘黑夜抄襲。湯軍後路。敵人不知虛實。毫無鬥志。是役也。奪獲槍枝千餘枝。俘虜數百人。湯軍以此喪亡殆盡。十五年革命軍興。援湘北伐。君充第二路指揮部參議。襄贊戎機。心力交瘁。攻克長沙後。隻身返鄂。結合同學。以圖活動。時吳佩孚擁數省地盤。鄂軍懾於包圍之勢力。不敢不服從其指揮。君說以利害。曉以順逆。舌敝唇焦。鄂軍始響應。七月間會師武漢。鄂軍保護兵工廠。奪取龜山。君亦暗中指揮。

自是吳逆一蹶而不復振。九月任十五軍十五團團長。朝夕訓練。使全團士兵富有革命知識。十六年二月奉令隨江左軍攻入安徽。四月巢縣之役。敵人孫百萬嬰城固守。君親督全團兵士由北門攀城而上。一鼓直前。敵人完全繳械。魯軍遂集中東山口。頑強抵禦。以數倍之衆。憑嵯峨之險。君率兵冒彈前進。竟能大摧勁敵。魯軍望風披靡。江左軍乘勝追逐。張宗昌棄涼園大本營而逃。蚌埠徐州相繼克復。各軍正擬前進。不難直搗幽燕。豈知唐生智利用共黨。毒痛兩湖。並勾結軍閥。危及首都。九月十九軍奉令西征。君時任第三師副師長。率領三師爲先鋒。巢縣、廬江、桐城、潛山、太湖諸役。每戰必克。逆軍節節潰退。廣濟之戰。三師擔任左翼。君不避艱險。督師猛攻。大佛山、石門山、王家寨、鄂人寨諸要隘。無不攀崖越嶺。以少勝多。斃敵無算。蘭溪之役。三師係奉令邀擊。圻水敗退之餘敵。自早至晚。行抵該地。適逆軍退集於此。忽增生力軍數倍。君親督官兵衝鋒陷陣。士氣一壯。故能以一當百。午後激戰至翌晨。敵勢不支。我師愈戰愈勇。遂獲全勝。於是有鋼軍之名。唐逆遠颺。西征軍直達武漢。黨國危而復安。以功擢升第十九軍第三師師長。十七年唐之餘部。冀據湖南頑抗。元月十九軍繼續西征。平江沙堰之戰。敵人三倍於我師。扼險而守。

君奮不顧身。履不測之險。爲士卒先。兵衆遂努力奮鬥。將敵擊潰。由是長驅直入長沙。衡州。寶慶。次第克復。敵人投忱。收編全師。由新化凱旋。喘息甫定。又將努力北伐矣。

## □李朝芳傳

李朝芳。字公澤。廣西桂平人。幼聰穎。有大志。力學強記。寒暑無間。憂國勢之積弱。痛民生之凋弊。常磨礪以期改革。尤服膺總理學說。思自比於古之所謂躬行實踐之士者。貌重厚。平居默然。如不能言。而蒞事觀人。條分縷晰。細大不隱。若懸權衡。而辨黑白。迨革命軍興。卽效班定遠投筆之舉。毅然入伍。服務軍隊十餘年。御下有方。處事以慎。北伐之役。每戰必身先士卒。故能建立奇勳。以力戰得擢升國民革命軍第七軍第二師師長。治軍不擾。頗得長官倚重。且君英明沉毅。不事誇張。每於公餘之暇。深思博覽羣書。集思廣益。欲得一當以自效於黨國者。意至切也。國步方競。願力無量。追隨於海內賢達之後。必能成績蔚然。爲黨國之柱石也。

## □李世榮傳



君名世榮。字伯華。貴州興仁人。少有大志。年十四入本省陸軍小學。清宣統三年。升入湖北陸軍中學。秋八月。武昌起義。改爲學生軍。任督戰指揮官。隨黃公克強。黎公宋卿。攻克三鎮。旋奉命宣慰湖南。泊民國成立。奉陸軍部令。入北京。清和陸軍預備學校。繼入保定軍官二期畢業。回黔任排長職。五年。袁世凱背叛民國。帝制自爲。滇黔聲罪致討。君任連長。奉命轉戰松坎。綦江。重慶等處。月餘。定川東。嗣隨前右翼總司令戴公戡。由渝西上。戍成都。六年。張勳復辟。君隨戴公興師討逆。軍衆寡不敵。據守皇城二十餘日。援絕彈盡。戴公死之。君突圍出。回黔。繼段氏當國。毀法亂紀。君復由黔入川。迎戰。護國護法靖國諸役。均身列行間。經大小數十戰。奮勇殺敵。不肯後人。十二年。曹錕以賄選秉國。全國譁然。時君任討賊聯軍第四旅旅長。由川經黔入湘。復由湘而桂而粵。再由粵回黔入湘。在常德。津澧。藕池。一帶搏敵。敵潰走。湘鄂底定。十五年。本黨中興。誓師嶺表。君任第九軍第一縱隊長。轉戰辰沅津市一帶。會九軍發生變化。解職赴京。十六年。任第一軍第一師參謀處長。隨軍移防浙杭。時軍閥孫傳芳渡江反攻。佔領棲霞山。橫斷鐵道。以一部攻南京及黨化門。下一部攻鎮江。次下蜀街。首都震撼。一師奉命星夜加入戰線。二十九日全部達鎮

江時以消息隔絕。敵我情況未明。君與參謀長羅羣、參謀張相宜冒險深入敵陣。偵查敵情。至龍潭。我軍二十二師扼於敵。時火車已停開。敵彈密如雨。卽下車。向龍潭後山問道。回部途中。羅參謀長中彈亡。君與張參謀獲無恙。次晨一師全部開至下蜀街。午後卽向左翼推進。佔領老虎頭、觀星台、石雁山。九月一日拂曉。向烏鴉山、九華山等處之敵猛攻。敵向柴洲方面退走。一師遂佔領烏鴉山、九華山、老山等處。二日與我左翼之第七軍會合夾攻。敵遂潰。紛集渡江。自相踐踏。落水死者無算。未渡之部悉被繳械。是年十二月。任第十軍參謀長。軍長楊公倚畀頗殷。現值奉令北伐。以君學識經驗。運籌擘畫。奏刀游刃。自能措舉裕如也。

## 周朝武傳

周朝武。字緒棠。湖南大庸人。貌魁偉。少有俠氣。勇力過人。曾學萬人敵。能力舉千斤。人呼爲鐵將軍。故亦號鐵鞭。年未冠投軍。走陝甘。轉戰萬里。爲前清名將董福祥榮祿等所器重。由軍功擢升協鎮。雖爲清官。然素抱民族主義。迨辛亥革命告成。君卽棄官歸里。縛茅

隱居。志在終養。時王正雅鎮守常澧。聞君知兵。屢檄出山。授以營長之職。君治軍寬嚴得  
 度。以誠信待人。雅好詩酒。大有叔子風流。會洪憲政變。南北分裂。黨派分歧。內訌日熾。譚  
 畏公暫師嶺南。聯軍北伐。蔡鉅猷響應湘西。任君爲中路指揮。順流東下。佔領麓山。湘城  
 岌岌。勢若危卵。趙恆惕遣使賫鉅金二十萬。許以沅陵鎮守使。爲運動代價。一並贈詩云。  
 塞草肅秋風。周郎意氣雄。鐵鞭寒敵膽。金印取侯封。度隴三千里。平回第一功。五溪歸騎  
 穩。詩酒樂雍容。弟趙恆惕奉贈。一君嚴厲拒絕。曰。吾治軍數十載。家無宿糧。安用此爲。畏  
 公聞之。益信爲民黨忠實份子。旋拜湘鄂邊防司令之命。孤軍當敵。萬衆一心。中經袁祖  
 銘唐生智之壓迫。君亦虛與周旋。保全實力。時爲畏公馬首是瞻。且曰。畏公知我在主義。  
 我背主義。卽背畏公。故能百折不回。爲澈底之奮鬥。黨軍南下。規復東南。陳護黃軍長任  
 君爲十四軍第二師師長。入湘討唐。爲西征軍之先鋒。由是旗幟日益鮮明。士卒日益  
 勇敢。聲譽日益昭著。前後凡數十戰。皆獲勝利。自民國光復以來。吾楚多革命鉅子。有一  
 次之變。卽有一次濟變之才。應運而起。蓋亦洞庭衡麓間靈氣所鍾也。君追黃蔡。近奉  
 畏公爲模範。他日勳業。豈以可道里計哉。

## 管紹齊傳

管紹齊字軒佛。原號漢夫。貴州威甯縣人。生性剛直。任俠自負。當前清光宣之交。君肄業小學校。邑有蔡濟武者。爲同盟會老黨員。以君英奇。嘗以民報等書授之。君之矢志于革命。蓋基於此。時權紳孫雲塢長校政。逢迎官府。魚肉鄉鄰。君附於蔡。持正義相抗。遭孫忌。幾欲死之。旋升學貴陽中校。張百麟在黔組自治黨。暗中鼓吹革命。君卽加入。并糾合青年學子。聯盟結社。廣事宣傳。辛亥九月十四日。貴州反正。有揭小旂。持手鎗。沿街演說者。卽君所主之務本會也。北伐議起。君與錢子廛。張壽民諸人。組織學生軍。被舉爲隊長。部署待發。而滇軍入黔。自治黨失敗。君遂之滇。由李杏村。蔡鐵珊兩君之介紹。投身同盟會。癸丑仍回貴州。肄業法政學校。袁氏叛國稱帝。各省倡救國儲金。君日奔走于民衆。集合同志。激發反袁運動。蔡松坡起義護國。師次威甯。君遂投筆從戎。以長於演說。奉派爲行營宣傳員。師行所至。卽召集人民。宣講革命主義。及護國討袁之宗旨。袁死兵罷。君復讀書如故。法校卒業。任省會秘書。并組織報館。主持公論。鼓吹革命。不遺餘力。民六七八年。

之交。黔石鐸報及法政學校同學會出版之常識旬刊。皆爲君所主持。嗣以抵觸當道。鐸報被封。君改業律師者一年。持正義。扶良懦。聲譽雀起。顧忌之者亦日深。因復投筆從戎。奔走川黔間。屢長軍法。歲內寅丁艱回籍。因駐軍貪賄。致匪搶劫威寧。君忿而通電該軍主將周某。痛陳駐軍貪婪橫暴情狀。致遭被誣累獄。然此均爲地方謀安謐計。經民衆營救得以脫難。後道經武漢。共黨勢熾。燕天君主持正義。爲當道所忌。迨北伐軍克徐州。君在第十軍戎幕。既而第十軍挫敗。王天培軍長去職。該軍後方人員。畏禍潰散。君獨毅然出面支撐。卒以收拾殘局。嚴守軍紀。現任第十軍駐京辦公處長。君生平輕財貨。尙氣節。篤交誼。重然諾。見義勇爲。富於奮鬥精神。扶危濟困。抑強折暴。頗有義俠之行。誠黔中之戎馬書生也。

## 承楊訓傳

楊君承訓。字孟紀。湖南長沙人。父初力農。旋業商。君家本寒微。而賦性敏慧。少聰穎。有大志。年十五。由本邑高小學考入中學。因憤清政腐敗。又改入陸軍小學。旋考入北京清華

大學以最優等畢業。派赴美國入麻省理工大學。凡三年。以學術優異。被任爲美紐約全省自來水工程師。旋改任美立必俄文總廠工程師。旋升總工程師。君平日服膺孫中山先生革命及建國諸學說。思以一身所學爲祖國用。遂棄職歸國。立意振興工業。引導勞工。從事革新計劃。周自齊在美時。已重君材。聞君歸。擬集資百萬。挽君於山東辦大工廠。會周歿。議遂寢。君乃設計辦濟南機器磚瓦工廠。又歷任膠濟鐵路工程師。山東天源煤礦工程師。兼管該礦私有鐵路。凡君手辦理工廠鐵路諸務。均多所建白。改易舊觀。然營省處軍閥壓迫之下。君感慨時事。不勝憤懣。祇以家寓濟南。父年八十。不得不權且忍受。父歿。卽往滬加入革命工作。任大夏大學理科主任。對於總理之三民主義。盡力宣傳。迨國民革命軍克服鄂豫兩省。國民政府交通部以京漢鐵路管理需才。遂任君爲該路管理局常務委員。日夕與同志諸君籌劃整頓路政。進行統一路權。不遺餘力。嗣交通部將路局委員制取銷。改爲局長制。乃畀君爲局長。其時事極糾紛。路款又甚支絀。幾瀕破產。君努力工作。實心任事。而對於軍事運輸。應付尤極敏捷。志在北伐早日實現。以促革命成功。本年春。以河北路線段。新經國軍克復。君不避艱險。躬赴前方巡視。適值蔣馮兩

總司令蒞節開封。君順道往謁於北伐計畫及軍運事宜亦多所貢獻。兩總司令頗加採納。此爲楊君對於革命事業暨服務黨國之工作經過大略也。

## ■韋雲淞傳

韋君淞雲。廣西籍。幼有大志。常致力於軍事學識。憤清廷之腐敗。辱國喪權。慨民生之痛苦。常思改革。尤服膺總理學說。知改革須由實力。乃奮袂從軍。以推翻帝制爲己任。辛亥之役。隨軍北伐。由桂而湘而鄂。贛皖克南京。厥功甚偉。迨二次革命失敗。始回廣西。民五袁世凱以帝制自私。蔡公松坡雲南起義。君即響應。率兵至湘。事成而返。其後民十二三三十四十五。討陸討沈。討唐諸役。靡不廁身其間。努力殺敵。累加陞遷。十六年四月清黨時。復率兵至粵。肅清北江共匪。葉賀部屬入據潮汕。即隨黃代總指揮平之。張黃變叛。時君駐韶關。遂間道率兵回桂。抵梧州後。復隨黃總指揮順流東下。克復廣州。現在粵之五華。勦辦共匪。以鞏固後方。君任事熱心。御下有威。師行所過。秋毫無犯。轉戰十餘年。身歷數十戰。無不奮勇當先。努力工作。功在黨國。故奉命任爲第七軍第六師副師長。將來建

樹實未可限量也。

## 何宣傳

何宣。字嘯夫。楚南益陽人。性聰穎。少負大志。清末以諸生奔走革命。屢頻於險。卒未稍動。辛亥之役。爲國宣勞。不遺餘力。旋入保定軍官學校。以求深造。至民國丙辰畢業。時袁世凱帝制自爲。洪憲稱尊。君乃暗結同志。分道南下。隨蔡公松坡。一致聲討。袁遂覆亡。迨段氏當國。曹錕貽選總理。乃有護國護法之舉。君卽參贊戎機。深謀遠慮。每有奇計。遂爲袍澤所推重。丙寅北伐軍興。君以湘軍第二師第二十八團團長。調任第八軍第一師副師長。易年由湘東下。轉戰鄂西。歷克名城。直搗武漢。擊敗吳逆。沿途人民。爭相歡迎。以功陞任獨立第七師師長。旋改任第十二軍第二師師長。君才學明敏。尤負氣節。立身以良心。血性爲主。待人以誠。懇溫而爲懷。治兵嚴明。愛民惟恐不及。師行所至。雞犬不驚。故咸有頌聲。自受知於葉琪。策力於國民革命。戎馬追隨。始終如一。至上海殺賊。下馬革露布。尤其餘事也。若君者。奔走黨國。不遺餘力。羊叔子輕裘緩帶。儒將風流。不足專美於前矣。



## 周志羣傳

周志羣，字鶴立，年三十一，黔之靈山縣人。民國肇元，曾肄業貴州鎮遠縣道立第一中學。時方髮令，卽憤軍閥之專橫，憫民生之痛苦，慨然有改革之志。課餘嘗攻韜略，孫吳兵法諸書，尤注意於新文化之書報。革命思想，遂胚胎於此。民國四年，袁氏稱帝，滇黔舉義，海內響應。君乃投筆從戎，入第一兵站充下士。洪憲敗亡，改隸預備第一團充正目。旋請假回籍結婚。適值盜匪猖獗，閭閻不靖，卽在本縣設立民團，任警備鄉兵大隊長。清鄉事竣，由縣中送貴州第一期模範營，轉送貴州第二期講武堂畢業。後分發混成第五旅，以少尉候差。八年遷陞排長。總理護國之役，隨前第一團王團天培援桂，作戰有功。陞爲連長。旋拔陞副營長。掃定黔亂，擢少校營附長。十一年，非常國會遷粵，國民護法政府成立，奉總理命令，釐平川亂，戰克湖州有功。遷陞第八團一營營長。培州之役，曾親率士兵一排，身冒鋒鏑，越渡長江，攻破敵軍四營之衆，佔領城關。以卓異薦陞中校團附，代理團長。兼充四川江津縣清鄉司令。在職無日不以革命理論薰淘士卒，而殲厥舊符，保衛地方。尤

不遺餘力。故拔營歸黔時。士民之攀轅臥轍。贈送德政碑牌旗幟者。絡繹道途。屢蒙上峯傳令嘉獎。十五年。蔣總司令率師北伐。君隨左翼軍第十軍。從川東直出湘西。繞攻鄂西。十二月克拔赫陵。繳敵械千計。論功擢陞二十八師第四團團長。武漢收定。隨軍東下。歷經徐皖魯寧。轉戰於長江南北。津浦路一帶。所向靡不身先士卒。銳意進取。一年以來。備建勛勩。現編陞爲第五路軍第三十一軍第二十九師師長。留守贛東。專負清共勦匪。鞏固後方職責。君自棄儒入伍。十有餘年。大小數十戰。奮勇當先。士卒用命。忠勇之性。得天獨厚。而馭軍有紀。賞罰嚴明。能抱犧牲黨國之精神。以主義訓練軍隊。使成爲民衆之武力。洵黨國之健將也。

## 李肖庭傳

李君肖庭。河南鞏縣人。少富革命思想。於清末肄業中學時。即潛入同盟會。以鼓吹青年。謀倒專制爲己任。嗣考入北洋大學。值袁氏專政。忌黨人甚。君與同志輩。祕密工作。曾不少解。民四畢業後。會洪憲禍作。君南下赴粵。向軍政府商承大計。旋奉派回北方。運動綏

遠駐軍。起義討袁。七年轉赴陝西。參加靖國軍護法之役。九十兩年在豫西與任軍長應歧組織北伐先遣軍。聲討吳佩孚。十二年偕樊公鐘秀赴粵。策畫北伐軍事。爲總理所器重。委兼大本營參議。擔任北方革命使命。十三年奉總理指派爲第一次全國代表大會代表。十四年回豫。參與討賊戰事。歷任建國豫軍要職。十五年運動豫中各軍聯合驅吳。響應北伐軍。奉中央特派沈第十二軍黨代表。君與任應岐氏。本係多年患難同志。相處極稱水乳。軍中大計。無不資君贊襄。君尤銳意提倡黨化教育。時僅經年。全軍黨務成績蔚然。對於豫南各縣吏治。教育諸端。亦極力加以整頓改良。風氣爲之一新。惟君性素恬淡。薄利祿。奮鬪多年。不爲利誘威屈。年來佐理任氏。出而肆應。入而運籌。成功不居。迥非常流可及。國民政府現簡君兼任十二軍副軍長。以資完成北伐。誠可謂知人善任矣。

## 申鴻昇傳

申鴻昇。字凌霄。直隸磁縣人。家傳耕讀。清末朝議變政維新。設立學堂。君以中國舊學含混太甚。凡欲求真知特識。非研究科學不爲功。於是入學堂。潛心學問。手不釋卷。自小學

而中學學益大進。畢業時正民初清末。君以少年而到處談革命維新。見者目爲狂妄。君則談論自若也。十八歲。負笈京師。國立法大。與燕趙諸同志。組織維新會。創維新刊。被推爲社長。乘總編輯。提倡讀書。不忘愛國。愛國莫若革命。故對於當時禍國殃民舉動。雖處軍閥積威之下。盡言攻擊。北京學生諸愛國運動。君多與有力焉。著有鄉村自治一書。喚起民衆自決。又著地方發展三大計劃。注重工業救國。當時革命潮流。澎湃於珠江流域。而黃河以北。尙無敢談革命者。君則初在京津。祕密工作。繼而組織會社。發行刊物。以鼓吹之。使革命空氣。乃漸漸漫於黃河流域之北。民國十二年。卒業於國立北京法政大學。教部暨直省署以成績優良。派往外洋考察政治經濟。君以北方革命。終非澈底。乃決心赴革命發源地之廣州。欲實地視察。嗣以北方軍閥勾結帝國主義者。殃民禍國。非武力不足以剷除之。乃投筆從戎。任建國豫軍軍法處文案。所有處內密理公牘。事無大小。悉以理之。暇則與士兵講演革命之需要。主義之精神。並在外担任各學校教授。藉與青年學子。共研革命。時時鼓吹北伐。是以二次革命軍北伐。不匝月。豫軍由西路入贛。連破重鎮。兵抵吉安。南昌搖動。惜中東西路頓師不進。致北伐未能完成。然豫軍獨以數千之衆。

轉戰十餘省。而連抵中州。時豫軍總指揮兼第一師長任公瑞周。以君少年英爽。抱有主義。由粵至豫。賴以策畫獨多。乃引爲大器。倚若股肱。參贊帷幄。掌理文案。事無不中者。更奔走各方。與革命軍謀聯絡。十五年國民革命軍總司令蔣公介石。由粵北伐。師抵江西。任命任公第十二軍軍長之職。期在豫舉事。俾收夾攻之效。是年秋武漢新復。吳佩孚力謀反攻。而任軍舉義。漯河焚吳子彈車數十列。燬軍實數千萬計。致吳不能南進。我革命軍得以專力東南。任軍處重重軍閥之下。毅然出此大無畏之舉。而義不反顧者。蓋君之主持也。是年冬。君任光山縣長。對於縣署積弊。剔除殆盡。又常微行調查民間疾苦。十六年調十二軍軍法處長。兼豫南潢光固息商新羅等縣行政委員長。責以剔除各縣政治積弊。君一本總理建國大綱所示之縣自治計畫。力謀實行。以期地方整頓。政治澄清。達到完全自治之境。十七年任公以南京爲首都所在。關係重大。非君莫能勝任。因調爲駐京辦事處長。君理事精幹。篤信好學。雖投身社會多年。仍未失其學生風度。每日公餘之暇。必讀書寫字以爲常。今年僅二十有九耳。

## 梁冠英傳

梁同志名冠英。字子超。河南郟城人。少有大志。性聰穎。事親孝。迥異常兒。年十五。入鄉塾。卒因家貧輟學。常欽定遠侯之軼事。遂毅然從戎。於民國二年。投入陸軍十六混成旅步一團充副兵。時年二十。民國六年。挑入模範連學兵。從此依次遞升。七年升排長。八年挑赴教導團肄業。對於軍事學識研究甚力。於是大進。國家觀念亦因之漸深。十一年升任營長。十二年挑入高級軍官教導團肄業。是時常謂非有良好之軍隊。不足以平內亂禦外侮。非有高深之學識。不足以訓練良好之軍隊。乃在課餘之暇。披閱經史。訓練士卒。爲常人所不及。十三年升任團長。是年和平戰役。與敵激戰於楊村。卒能佔領天津。擊潰敵軍。從此革命思想印入腦海。日益加深矣。十四年復挑入高級軍官補習所。對於個人修學及全國官兵讀書。雙方兼顧。未嘗稍懈。未幾綏遠一帶匪徒四起。經君率隊剿除。綏民爭頌。旋奉命入甘。雖跋涉數千里。而紀律肅然。十五年春。升任第四旅旅長。駐防定西。親率官兵代民種田植樹。築堤等等。因此頗聲載道。是年隴東隴南鎮守使張孔二逆叛亂。君任追擊司令職。率三旅之衆與該逆戰於隴西。時僅數日。隴局即告肅清。九月十七日。馮公由俄歸國。誓師五原。促進三民主義之實現。君革命精神百倍熱烈。遂慨然入

黨爲主義奮鬥。更甚於前。是時西安被圍。君奉命馳援。督師者爲孫總指揮良誠。血戰月餘。城圍始解。而西北革命之基礎。得以鞏固焉。陝局奠定後。君率隊駐防華州。日與官兵講解三民主義。舌蔽唇焦。不爲少懈。時僅月餘。其部曲無一不明主義者。十六年升任第三路二師師長。移防潼關。整軍經武。固其常事。而對於喚起民衆。尤特別注意。常號招民衆。講演中國貧弱之原。及致中國死命之不平條約。詞意痛切。聲淚俱下。聽者無不感動驚服。四月大舉出關。君率師由盧氏繞道前進。山路崎嶇。跋涉艱難。不特面無倦容。且能指揮隊伍。星夜兼程前進。迨會師中原後。進駐榮陽。對於建設。不遺餘力。兩月之間。榮邑煥然一新。八月靳逆部隊背叛黨國。君奉命解決。靳逆殘部李振亞。十數日間。連克密禹兩邑。適奉魯軍犯豫。勢甚洶湧。君奉令東征。担任左翼。時敵扼守杞縣之楊堦集。頑抗不退。君謂此寨爲全線樞紐。若不早克。有礙全局。乃檢選精銳數百名。躬親督戰。於黑夜猛撲。一鼓而下。殺敵千餘。生擒僞旅長申策武。及官兵數百名。逆軍長方永昌。隻身幸免。克復此寨後。敵軍聞風喪胆。全線破裂。卒獲勝利。是役死難官兵百餘人。君痛哭失聲。更激起官兵殺賊救國之壯志。十一月間。君奉令向魯西進展。繞至敵後。解決潘軍全部。獲

軍械無算。隨克定陶。是年馮總司令念君效命黨國。勞苦功高。特頒革命獎章一面。藉旌殊勳。旋駐防單縣。復大加建設。令官兵築路修橋。改廟宇爲學校。力圖教育之普及。治兵之暇。到處宣講。藉以喚醒民衆。而收軍民合作之效。凡三閱月。單邑遂成一黨化之區。移風易俗。古大將不是過矣。馮總司令以其才堪治民。叠經傳令嘉獎。十七年四月。奉令北伐。君督師進攻。一日之間。連克鉅嘉兩縣。敵軍潰退。迫至濟寧時。孫逆殘部集中於此。約數萬餘衆。君僅率數千健兒。激勵士兵奮勇前進。君亦身先士卒。始將逆軍攻破。佔領濟寧。以寡勝衆。誠革命之健將也。又蒙獎以革命獎章。君服務黨國。事無鉅細。皆本革命精神認真辦理。以致輒遭時嫉。君不惟不稍挫其志。益且加緊工作。常勗部下曰。吾輩革命軍人。具不怕死之精神。毀譽在所不計。其主義堅定。勇氣激昂。更堪奉爲圭臬焉。此爲君年來對於革命事績之榮榮大者。略叙其梗概。而爲國人告焉。



中國革命名人傳

4/26/1987

名垂史冊

國民模範

奚子良題




功在黨國

張宗載題



# 天下為公

總理遺像



革命尚未成功

同志仍須努力

博愛

楚明先生

孫文

總理遺囑

四十年其目的在求  
中國之自由平等積  
四十年之經驗深知  
欲達到此目的必須  
喚起民衆及聯合世  
界上以平等待我之  
民族共同奮鬥  
現在革命尚未成功  
凡我同志務須依照  
余所著建國方略建  
國大綱三民主義及  
第一次全國代表大  
會宣言繼續努力以  
求貫徹最近主張開  
國民會議及廢除不  
平等條約尤須於最  
短期間促其實現是  
所至囑

孫文

# 序

奚子楚明。性幽靜。好研究工藝物理化學。尤擅岐黃術。專致力於平民方面。樂於濟施。對於社會事業。素抱熱心。更富有革命思想。辛亥癸丑革命。與湘粵革命先輩譚人鳳李植生先生。奔走鼓吹。協募軍餉。頗多効力。民國以後。鑒於歐戰大勢。五九激刺。圖國計民生之發展。於是努力於實業方面之工作。糾集各省同志。組織中國實業研究會。捐資創辦家庭實業報。按期分送各省縣鄉市鎮行政學校團體機關。廣爲宣傳。冀開人民風氣。而闢地方利源。並著有「實驗蠶桑全書」「家庭實業致富新書」「中西實業新書」「實用工藝製造書」等等。頗蒙先總理黎前大總統及閣總司令錫山王外交總長正廷諸名人題簽褒獎。數年來宣傳提倡。不遺餘力。各地因而成立實業研究分會。及創設工場。興辦農藝者。頗多成績。其促進生產。裨益社會。良非淺鮮。民六時與黃惠龍馬湘鄭子鐸盧煒昌諸同志。奉總理命。提倡勞工利益。在滬發起全國工界協進會。爲工界謀團結。首先之創導。辦義務夜校。設施診所。擁護工界利益。盡力下層工作。迨後君于教讀而外。在著

作界中求生活。自百粵底定。國民政府成立以後。對於國民革命之宣傳工作。尤多盡力。今以革命軍底定中原。統一南北。將禍國殃民之軍閥政客。悉數剷除。實現總理之三民主義。民國十七年以來分裂之中國。業已完整統一。力圖建設。謀國民之真正幸福。於是于舉國民衆額首稱慶之時。對於締造黨國之偉人。爲國犧牲血戰沙場之將士。當然致深敬之崇拜。而黨國革命名人之豐功烈績。生平事略。尤爲國民所急欲樂聞者。商業書局乃有斯書之發行。以總輯之職任君。書成屬予校對。閱竟忻然。蓋是書之刊行。他日流傳社會。豈特爲鼓勵時賢。表揚功績。實爲垂範來茲。俾後起者有所觀感。得效名人之功。垂史冊。而爲國民立身之模範也。然則是書之。爲黨國史中留一翔實之紀載。爰爲之序。以示欽敬焉。